



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

BS

345

A77A3

UC-NRLF



\$B 286 901

ACT
APOSTELNU.

*Bible
acts*

LIBRARY

OF THE

University of California.


No. 9852

Division

Range

Shelf

Received Dec 19th 1872



... ..

Trans. N. T. Soc. Arrawack.

THE

ACTS OF THE APOSTLES,

TRANSLATED INTO

The Arrawack Tongue;

BY THE REV. THEODORE SHULTZ,

IN

EIGHTEEN HUNDRED AND TWO.

NEW YORK:

PUBLISHED BY THE AMERICAN BIBLE SOCIETY,

INSTITUTED IN THE YEAR MDCCCIV.

1850.

SP-15
A77A3

ACT APOSTELNU.

ACT APOSTELNU.

CAP. I.

ATENENNUATTU bumün, Dansissia Theophilus! dabilitissiaru Kárta 'lukku dahakaka hidda tumaqua Jesus anissia amallikutassia muttu ukunnamün,

2. Luussünwaria mán kia kassakkabbuhü munirurén, kakunnattu aijumündahükai kassakku ullua ubannamuniruba, Likissidahüssiannu-Apostelnu ké-umüm üssatti üjahü abbu lanibenna amallikuttan lui kansissia namün ukunna.

3. Lui kaküttiwábu adittikittoakubá, lakünnekunnua kakün hiddabia ukunnamünnije lansiassiannu umün, juhun manswattu lanissia abbu luparrükittunnuabenna, lürajat-toakuba bima lukkuhu kassakkabbuhü ukuñamánje nannakkannirukkumün, ladiaka baddia Gott adajjahükoana ukunnamün namün.

4. Ika lahürkidakuttunbennaje laddikoa, ladiaka namün, mákunnunнанibia Jerusalemwaria, nawábaddünnibia jumün bänja, Awawa—aijumünkundi—assikahittissia namün ubura, Jesus adiassia ukunnamün nakannabün ullukudi.

5. Johannes assukussakuba lukkunnu Wuniabu abbu rubuün, kañ hui assukussahüpa üssatti üjahü abbu, mébenan tuhu kassakkabbuhü adikki. La Jesus namün.

6. Kañ nai ahürkedati nabbukoawa Jesus amün, ahadakuttai hiddiamañ: Wadajjahün, bussikipa baha ika diarru Israelinu umün, nadaijanassiakoana bia hidda ba? Na lumün.

7. Kañ Jesus aonnabaka namün: hui kurru umün adit-

tikittahüssiabiattu kia Wijua kassakkabbuhü diarru, Awawa—aijumünkundi rubuün adittissia lumonnua tur-
raha, lóaja ladaijahünniwani uduma :

8. Kañ hui kabbuküpa üssatti üjahü ütattahü ukunna, andittipa hukunnamün; ahakati bia baddia hui dakuña-
mün namün, Jerusalem mün bânja, ika Judea ukuñamân,
Samaria baddia ukuñamân, tumaqua Wunabu ubañamân
ku—La Jesus.

9. Gidia lanibenna adian : aijumündahükai nakussi umü-
kanna, abba wuraru ké annika aijumunirunakussi uria i.

10. Addika nanikai lukuña, lakuunnunibu kassakkumu-
niru, hakannaba! biamañu Wadilinu halliratti káken adi-
nama namün, hiddiamañ adian :

11. Hui Wadilinu Galliläakunnana, hañña adinamakoaha
addikin kassakkumuniru? Liraha Jesus annikahükilli
huuria kassakkumuniru, andipate ba, wakarruhu haddikin
lakunnaun aijumuniru dñ—Na Engel nu adian.

12. Gidikki nakujoa Jerusalem muniru ba, kia hurrura
issiwaria, tiri Oli uhurrura, mawaikillettu Jerusalem uria.

13. Nandinbenna Jerusalem mün, nakudoa abba Bahü
ullukkumün, namuda Surabandi hiddiamutti Jesus kan-
sissiañu : Petrus, Jacobus, Johannes, Andreas, Philippus,
Thomas, Bartholomeus, Mattheus mutti, Jacobus, Alphei
aditti ku, ika Simon nassakilli Zelotea, Judas Jacobus
uhukiti baddia.

14. Nai namaqua abbañwai dia ré na kuba ikkaké nab-
bukoawa, akujaboahü, aijintoahü ullukku najuhuñu hi-
arunu uma, Maria Jesus uju uma ku, luhukijutti uma
baddia.

15. Tuhu diarru kassakkabbuhü ukunna ahürküdananika
juhulli Lansissiannu—Abbatiman lukku tuijuhu nabba-
koawa—, Petrus akünnekoa nannakannirukkumün, ladia-
ñ namün hiddiamañ :

16. Hui Wadilinu, dahukijutti! tukkudaha Prophet David wakilli abullitissia, üssatti üja hü aijumudahüssia labbu, Judas, abukuttukuttáli Jesus, ukunnamün, ullukudirén anihüssia hiddan.

17. Liraha—Judas—abba webennatti kuba i, Wamalitakoanti umüm assimakittuti kuba baddia i, ahakati bia i lukunnamün wama rén.

18. Lui ké annika lumakkuburukkuan üjauna kia—Doda Älin—uhurrurakan lumonnuan, lissipuddoa loaja hidda, lipiru attikiddoa aijumünneria, awakiddunnua annaküddiburén, tumaqua litte baddia ipilladdoa Wunabumün.

19. Tuhu kamaijana hiddan namaqua Jerusalemkunnana umün; kia uduña nassánin turraha—Doda Älin—uhurrurakan Akeldama,—aparrahä üjaunaru hurruru—maru lukku adian ullukku.

20. Prophet David abulitissia kuba wakilli tuburamüm lükärtan—Psalmu—ubanna hiddin: Lüssiqua amalluk-kududahüpa, hallikai kurru kassikoama tullukkumün baddia—La David. Ikka hiddaba: abba assikahüpa nannakannirukkumün Apostel bia i (Judas) üjalukkudawa, (biamakuttihibennanunibia hiddaba je nabbukoawa, naddikkoadiwa). La kubaru abuletin Prophet David ullukkudi.

21. Kiahanna ikissidan wappai, annuwân diarru abba Wadili, addikittikubali Wadaijahün Jesus Christus aijahaddün wannakannirukkumün,

22. Assukussahü Johannes uwaria rén, kia kagsakkabuhü kakunnamünkurru aijumündahüka wauria i, muniru mân; gidiamutti wamattikubali ahakatibiapa wamarén Jesus Christus akünnekuñua ukunnamün.

23. La Petrus. Ika nadinamukittaje biamannu namükanna, Joseph, Barsabas nahüssia umün, aboakä Justus baddia, Matthias mutti.

24. Kiänibenna nakujabuaka Wamallitakoanti umün nai biamañu ukunnamün hiddiamañ adian abbu: Bui Wadaijahün! adittiti nallua, budukuttaté u, hallikainai biamañu ibennatti—bui boaja bikissidaka,

25. Ahakati bia i—Apostel ké—, Judas amassikandoa-killi üjalukkuduwa biai baddia.

26. Adittikittahünnanika, Matthias ké adittikittahüka hidda assikoati Apostel bia nai abbakuttihibeñakuñu ujuhuwa, kiahanna lui añikahüpa hidda nannakannirukumün dañuhuwaria.

CAP. II.

KIA ipirrukurru Sondaka—tiri Pingsten—andamanika, abbalüwai dia ré na kuba (Jesus kansissiannu) nabukoawa.

2. Kaimattu awadulli ahumädün, dia ta baddia ikkaké aussa abbákarén ahumädün kassakkuwaria, kia ebekitta bahü tumán, kallukkumünkusru nabaltin.

3. Ika addikahüka Jesus kansissiannu ukunna naije akullebetahüssia hikkihi eheludun dia ma, majauwakoan namaqua namán ädi.

4. Namaqua lansissiañu ebekittoa üssatti üjahü abbu, na-ussa baddia abbánu adian ullukku ahakan, üssatti üjahü assikissia namün ullukkudirén.

5. Ikka Jerusalem münnikuba kassikoan assikati Juduñu, namaqua kassakku abbumüti ükkürküahü ibennatti.

6. Kamaijananibenna tuhu kakañakükumuttu adian, naijuhu ahürküelaka baddia, mallukkun ti dia na kuba hiña, namaqua nakannabün nawaja nadianiwa ullukku nahakan ukunnaria.

7. Kiahanna namaqua abukoa üja, pahia, Gallileakuña-na manina naha namaquakebé ahakatibu baha? na namunnikoawa.

8. Hallikakebéwa wai akunnabün wawaja wadianiwa wamaqua, wibikidussiakubá ullukku :

9. Haruwai Parthiakunnana, Meduskunnana, Elamkunnana, nai kassikoátti Mesopothamiamün, Judeamün, Capadociamün, Pontusmün, Asiamün baddia,

10 Phrygiamün; Pamphylamün, Egyptenmün, Libyamün mawaikilletti Cyrenen uria ku, abbawariátti Romamün kassikoattibe baddia, Juduñu, annikahüssiannu Juduñu uijuhuwa mutti,

11. Cretakunnana, Arabiakunnana ku; wai wamaqua akannaba nahakassiabu wawaja wadianiwa ullukku Gottmanswattu anissia ukunnamün-na namünnikoawa Apostelnu amün.

12. Kiahanna pahia—na abukunnua üja abbu tukunamün; kia uduña abbanu: hammahü kebépa turraha? Abbanu imitákaje hiddiamuttu adian abbu ba.

13. Somoleje semetu winu abbu, na; gidin hürürküka kubá kurru nadián namüñikoawa Apostelnu ukunnamün.

14. Ikka Petrus, abbakuttihibennañu Jesus amallikut-tassiannu uma baddia akünnekoa hidda, hiddia ré la aus-sün adian namün: Hui Judunnu, dansissiannu Wadilinü, humaquabbanu baddia Jerusalemkunnana, hadittoali, hakudukutta hukkujukku lukkuamonnu dadiassiapa.

15. Hikissin namün ullukkudi mámmolehüa je, keben wakarruhu haddalli maijumünkoatanika;

16. Tumorraa Prophet Joel wakilli adiassiakubáru ullukkudi rubu ta tumaquakebé, hiddia ké la kubá :

17. Wahaddia tukuda addikittu kassakkabbuhü ukun-na anihünnibiapan—hiddia ré la Wamallitakoanti loaja adian: Dai assonnukundappa daijawa namaquakebé wunabu ubañatti ádi, ika haditti ütti hutunutti mutti aijumudápa mánikikoamuttu tuburamün; hibikiddulliannu addikin mappa ürai, hü ebévenu awakai-uttubün nappa

24. Kiänibenna nakujabuaka Wamallitakoanti umün nai biamañu ukunnamün hiddiamañ adian abbu : Bui Wadaijahün ! adittiti nallua, budukuttaté u, hallikainai biamañu ibennatti—bui boaja bikissidaka,

25. Ahakati bia i—Apostel ké—, Judas amassikandoa-killi üjalukkuduwa biai baddia.

26. Adittikittahünnanika, Matthias ké adittikittahüka hidda assikoati Apostel bia nai abbakuttihibeñakuñu uijuhuwa, kiahanna lui añikahüpa hidda nannakanniruk-kumün dañuhuwaria.

C A P. II.

KIA ipirrukurru Sondaka—tiri Pingsten—andamanika, abbalüwai dia ré na kuba (Jesus kansissiannu) nabukoawa.

2. Kaimattu awadulli ahumädün, dia ta baddia ikkaké aussa abbákarén ahumädün kassakkuwaria, kia ebekitta bahü tumán, kallukkumünkusru nabaltin.

3. Ika addikahüka Jesus kansissiannu ukunna naije akullebetahüssia hikkihi eheludun dia ma, majauwakoan namaqua namán ádi.

4. Namaqua lansissiañu ebekittoá üssatti üjahü abbu, na-ussa baddia abbánu adian ullukku ahakan, üssatti üjahü assikissia namün ullukkudirén.

5. Ikka Jerusalem münnikuba kassikoan assikati Juduñu, namaqua kassakku abbumünti ükkürkühü ibennatti.

6. Kamaijananibenna tuhu kakañakükumuttu adian, naijuhu ahürküelaka baddia, mallukkun ti dia na kuba hiña, namaqua nakannabün nawaja nadianiwa ullukku nahakan ukunnaria.

7. Kiahanna namaqua abukoa üja, pahia, Gallileakuña-na manina naha namaquakebé ahakatibu baha ? na namunnikoawa.

8. Hallikakebéwa wai akunnabün wawaja wadianiwa wamaqua, wibikiddussiakubá ullukku :

9. Haruwai Parthiakunnana, Meduskunnana, Elamkunnana, nai kassikoátti Mesopothamiamün, Judeamün, Capadociamün, Pontusmün, Asiamün baddia,

10 Phrygiamün; Pamphyliamün, Egýptenmün, Libyamün mawaikilletti Cyrenen uria ku, abbawariátti Romamün kassikoattibe baddia, Juduñu, annikahüssiannu Juduñu uijuhuwa mutti,

11. Cretakunnana, Arabiakunnana ku; wai wamaqua akannaba nahakassia bu wawaja wadianiwa ullukku Gott manswattu anissia ukunnamün-na namünnikoawa Apostelnu amün.

12. Kiahanna pahia—na abukunnua üja abbu tukunamün; kia uduña abbanu: hammahü kebépa turraha? Abbanu imitákaje hiddiamuttu adian abbu ba.

13. Somoleje semetu winu abbu, na; gidín hürüküka kubá kurru nadián namüñikoawa Apostelnu ukunnamün.

14. Ikka Petrus, abbakuttihibennañu Jesus amallikut-tassiannu uma baddia akünnekoa hidda, hiddia ré la aus-sün adian namün: Hui Judunnu, dansissiannu Wadilinü, humaquá abbanu baddia Jerusalemkunnana, hadittoalí, hakudukutta hukukujukku lukkuamonnua dadiassiapa.

15. Hikissin namün ullukkudi mámmolehüa je, keben wakarruhu haddalli maijumünkoatanika;

16. Tumorraa Prophet Joel wakilli adiassiakubáru ullukkudi rubu ta tumaquakebé, hiddia ké la kubá :

17. Wahaddia tukuda addikittu kassakkabbuhü ukunna anihünnibiapan—hiddia ré la Wamallitakoanti loaja adian: Dai assonnukundappa daijawa namaquakebé wunabu ubañatti ádi, ika haditti ütti hutunutti mutti aijumudápa mánikikoamuttu tuburamün; hibikiddulliannu addikin mappa üraiya, hü ebébenü awakai-uttubün nappa.

18. Kiakéwai kassakkabbuhü ukufia dassonnukupai (üssatti) daijáwa dassananutti Wadilinu hiarunu mutti ádi, maddikikoamuttu nánti aijumudán wakil tuburamün.

19. Ikka manswattukebé dai anípa aijumün kassakku ubanna, wunabu ubana baddia araijattikittin naddikinniwa, üttennahü hikkihi ku, kullehelli (dia maru) baddia.

20. Haddalli ebessupa wullirukuhu bia, dia tuppa katti üttü bia ba, tukkudaha ipírrukurru karaijarupa Adaijahü ükkassakkabbun andin ubura,

21. Ika namaqua akujabuati Adaijahü umün üssakebé nappa—maru. Gott loaja—La Prophet Joel kubá—La Petrus.

22. Ika Petrus aussa ba adian: Hui Wadlinu Israelinu! hakannabaté hiddiamuttu dadian humün: Jesus Nazarethkundi, Gott uria andittikill, kamaijanakúmutti humün lütattahü ukunna, manswakúmuttu lanissia baddia, hadittikoanawa—hadittissiahüa tumaqua Gott anikubáru labbu hannakanirukkumün ba.

23. Luiké, adittissiakubá lumonnua ullukkudi, lóaja likisitu assikunnua benna—heikanibiai—hui hóaja hubukutakubai, humakkuburukkua udufia Heidinu umün howallakudikittoa kaballadarrátu adda ukunnai, huparrükittin baddia i.

24. Kihia Gott ahannubukitta heikahü ullukkuwaria hiddabai, luübukutta baddia tumaqua ahudahü ükarrin luuria; lui (kaküttiwábu) mámmallikebéka majauquan ahudahü ullukkumün.

25. David ahaka hiña kubá luburamün hiddin: kaijalukku ti dia la Adaijahün dámün, düüssamariakai—jahad-diai da uria—haña kurru aübukittoama luuria de.

26. Kiahanna dallua hallikebbe, daija akkoahüddoa bukkunnamün ku: dipíru kebé baddia ahákubüntuppa awábaddün bubura abbu:

27. Mamallikebé ba hinnapa aübakebén hitti ullukku-mün de dallua ku, mansibupa baddia, bui üssattikill ipíru kullun wunabu ukkuburukkumün.

28. Kidduaheintu kakühü umamuniru waburukku badit-tikittakubá hidda de ; búbekittipa hallikebbéhü abbu bus-sibuamonnade. La kubá David lukunnamün aijumudán.

29. Ikka Petrus hiddia ma adiássabun : Hui Wadilinu, dahukiutti, missiré hali ahakakuttun humonnuade kubá-kaddi üssatti David ukunnamün, lui ahudakubá, lipíru ak-artahúka ba, lihittiättina wamunnika koa dannuhu baddia.

30. Prophet kuba lui, addittissia baddia hiddiamuttu Gott lumün assikakubáru tattakebémuttu adiahü : kid-duaheinikebé bui ükkürküa wábu uria aputtíkidüpai Christus, badaijahúkoana ahabula adiáku lanibia abaltin (badikkilukkumün)—Adaijahüwábu biai—La kubá Gott David umün.

31. Kia adittin lanika, ladiáka baddia Christus akünne-kannua ukunamün tuburamün hiddiamañ : lüja majau-quatuppa kurru lihittiättina ullukku, dia ta mamallikebé-pa lipíru kullun wunabu ukkuburukkumün—maru David.

32. Gott ahaanubukittai lui Jesus ahudahü ullukkuwa-ria ; kiahanna waddikin ullukkudi wai wamaqua ahakâti-bu lukunnamünnihü.

33. Gidia lanibenna aijumündahün Gott üüssamaria, litti—aijumunkundi—adiassiakuba lumün ullukkudi, lui kabbukün üssatti üjahü luuria baddia, lussonnukubi tuhu haddikissiabu hakannabussiabu ku wâdi.

34. David mámudakuba kassakkumuniru, kihia la kubá adian hiddin : Adaijahü adiáka dadaijahün—Christus ké—umün :

35. Bubaltaté düüssamaria, dassikin uburamünnije—as-sikakuttun báme—kaimatti bumünbukutti ahabulawa—La David—La Petrus.

36. Ika lahakāka ba: Hui Israel ükkürkūa umān, haddittoali kiahān: hui umūn kreusukunna aparrükittutikill Jesus, Gott lōaja assikakuba wunabu ubannamāmutti adaijahūn wābu, nüüssadakoantin biai ku—la Petrus.

37. Akannabūn nanika gidiamuttu ladiān, manswakū ta aijakun nallua, nadiāka hidda Petrus umūn, abbanu Apostelnu umūn baddia: hāfiahū wānīpa kiahanna Wadilinu Wabukeinutti?—Na.

38. Ikka Petrus ma namūn: hakuikittatē humawa mammallihū ukkuburukku abbu aboattu uria—Hūüssadakoanti ibiti—, hussukussukuttoalite Jesus īri ullukkumūn, humassikān ahaikassiakoanawa: ika kabbukūn huppaī üssatti ūjahū humonnuawa.

39. Hui kē umūn, hūssanutti mutti umūn, namaqua waikilleriätti Gott assimakanupa tibiti umūn baddia, assikahūssia hūa tukkuda Gott ahakassia—dassikīpa üssatti daijawa—maru ladiān. La Petrus.

40. Juhussábutukoan adiahū abbu Petrus ahakahakadūnnije, aijumudān namūn hiddin: hirékedikittoali naha makkuburukkuatti ujuhu uria—La.

41. Iménikuhu abbu annikitti gidiamuttu ladiāni wa namonnua, assukussukuttoa hidda nu. Kiakēwai abbaruwai rubuūn kassakkabbuhū ukuña, assikahūka Jesus kansisiannu uijuhuwa: kabbuin tausend ibiti nabbukoawa.

42. Apostelnu ahakan āme assikawakoa rubuna hidda, nabbukoawa rubuna, nakarriḍabun mehlī, akujabuahū amūn na kubā baddia nabbukoawa.

43. Ikka hammarruhu anda namaqua ullua amūn: juhuru manswattu, nadittikoanawa anihūssia hidda Apostelnu abbu.

44. Namaqua mahittiti Wamallitakoanti umūn ūsseikahū abbu nabbukoawa rubu hiña kubā hūrrüküren nakkuburukku nañikuhu tabbu.

45. Na ussa aijukarrân nassiquai nâni ku; allukkudân nawan namâmutti umün namünhittissia ullukkudi baddia.

46. Tumaqua kassakkabbuhü ukufamân abbaruwai reluahü ti dia na ahürkedaka Gott üssiqua—kerhi—ullukkumün, akarridabun mehli jahamaria tahamaria nassiquamün, abujunnua baddia,

47. Ussanüwai rubu na Gott umün hallikebbetu jahakanduttu ulluahü abbu nabbukoawa, abbanu lukkunnu üsseikahü rubuün—ma namün. Adaijahü kassakkabbuhü mâ andikitta lansiannu nijuhu ukkuburukkumuniru je juhussabutti nüüssadükittunnuanti.

CAP. III.

I KKA Petrus akunna Johannes uma Gott üssiqua—ketki ké—ullukkumuniru akujabuahü amün, haddalli allamamadâmanika, jumün dissianikuba je ullukkudi.

2. Jumuntu abba Wadili beleti aputtikidinnikubâ, lañihükittoa abbanu umün, kassakkabbuhü mâ nassika baddia kerki issibu—tiri üssabettuamün, lukujabünti akudutti kerki lukku uria lamünhittissia.

3. Addikin lanika andinnije Petrus Johannes mutti nakuduntti kerki ullukkumün baddia, luussa akujabünnije abba hammatalli ukunnamuntu na uria.

4. Kañ Petrus tattakün addika libiti Johannes uma, ladiâka lumün: baddikaté wakunna! La Petrus.

5. Belétikill addika hidda nibiti, awâbaddüti labbukünti lamünhittissia na uria, ubura.

6. Lumorrua Petrus adiâka lumün hiddiamañ: platta, karrukulli üssaberu küssa mämünda ballin; kihia damuntu assikindappa bumün, Jesus Christus Nazarethkundi iri udüma bakünnekupa, buussupa aijahaddün—La.

7. Ika Pétrus abukutta lükkabbu uussamaria, lükün-

nekakutta hiddai, nikebén lukuttiwa, lukurru ku tatta-buddika hiddan ;

8. Lüddehidda, üssa ré la mallikun adinamün akunnun baddia, lakudoa hiña nai—biamañu Apostelnu—uma kerki 'lukku, lüjahadda, hallikebbeni uduña lüddehidda, üs-sanüwai la baddia Gott umün.

9. Namaquakebé jumünti addika lüjahaddün, akannaba ba üssanüwai—län Gott umün.

10. Üssaré nadittissia hiddai, kiahañ—beletikubali lirra-ha sé! wakill üssa bettu kerki issibu amün abattinkill lui baddia hüa ba i! jumünniké lannikinti lamünhittissia abat-tikuñu kerki 'lukku uria lumonnua, kidduaheinikebé lui-likéwai, pahia—ma abukunnua üja abbu manswattu lu-mün anihüssia ukunnamün.

11. Liraha belétikubáli wakarruhu üüssadükittulliäti Petrus Johannes mutti amün lanika, namaqua lukkunnu adallida nibiti (akaussañije) tukkudaha bahü üttakarra—tiri Salomonis—ullukku, pahia—na nabbukoawa.

12. Petrus addika manika tuhu, hiddia ré la aonnaban nadiän: Hui Wadilinu Israelinu, hamma bia tumukütta-kahü? Nawaja ütattawa ukunna uñiku küssa umün aija-haddükitta baha lirraha! hui addikittibu wakuña—huk-kuburukkuamonnuu wamün? La Petrus.

13. Ikka luussa ba: takurru ballin! kañ hadittoali, Lui Abraham, Isaac, Jacob mutti namallitakoanti, Waburatti umallitakoanti ku adaijahükittoä hinna i Jesum likinnikan ladditti, luilikéwai hui assikittin Pilatus issibuamonnuai, lihi apussidahittika ballini;

14. Humorrua amullidänibennai üssattiwabu üjalukku, akujaba rubu hä abba kapparkatti lissikama apussidün humün lüjalukkudoa:

15. Kañ hui aparrakubai Wadaijahün kaküttiwa; lihi aküñekakutta Wamallitakoanti umün ahudahü ulluk-

kuaria ba, kiahāñ waddikin wadittin ku ullukkudi ré wahakabu baddia humün.

16. Lui iri udumä, wassikān läme, wattukkoān labbu udumä rubuün anihüssia kia manswattu lihi hadittissia! beletikubäli ukunä wabbu: ika üüssadükittulliätti—kid-duaheinikebé hui (Damallitakoanti) aburuwattüpade—lān kidduaheintu ullua abbu tattān assikan Jesus Christus äme udumä, lütüssadakubä hinna baddia hakussi umükanna.

17. Daditta ballin dahukijutti! hui madittinmahüa gidia-muttukubä anin! hadainassiannu uma ré.

18. Lumorrua Gott, löaja wakill tuburamün kubāru ahakakuttun, aijumudān, namaqua lui Prophetenu umün, Jesus Christus amonaikatunnua aparrükittunnua ku ukunamün, ullukkudirēn anihinakubä hiddan.

19. Üüssadükittunnua rubu häli kiahāñ, hakuikittate baddia mammallihü ükkuburukku abbu aboattu uria hüüssadakoanti ibiti, humassikān arradahünbian hueria;

20. Kia ahaikadakoanattu kassakkabbuhü andiparu Adaijahüwābu umaria hibiti uburamün; Lui imēkudun ben-na! Jesus Christus, aijumudassia humün wakill luburamün, ubura ba:

21. Luilikēwai abukuttun luppā kassakku lumonnua, kia kassakkabbuhü kakunnamünnituppa tumaqua Gott ahakakuttussia wunabu aussün waria üssattikuba Prophetenu umün ullukkudi, anihün ubura.

22. Waburatti umün Moses kubä adian hiddin: Adaijahü humallitakoanti abba dai diamutti Prophet imēkudupa huijuhunnaibenna hañakafirukkuaria hibiti, lui adiahüssiapa humün ullukkudi huppa anin, assikān läme baddia.

23. Ikka namaqua massikānti likidaha andittipali Prophetni adian äme, abullehedawābukebēhüpa harran Gott üssanutti ukkuburukkuaria—la Moses—ma Petrus.

24. Ikka ladiaka hiddaba; Gidia na namaqua Prophete-

nu, Samuel kakukoalanika uwaria, namaqua laddikitti Prophetenu mutti aijumujumudakubá tukkadaha kassak-kabbuhü ukunnamün tuburamün.

25. Naha Prophetenu üssanutti húa hü, Gott ibet-tirahüssiätti üssanutti baddia hü, lui ké üwüsseikadahit-tikaje huburatti hiddia lanika adiän Abraham umün: ab-ba bui addikitti andittipali bui ükkürküa uria mün üüssa-dükittin mappa namaqua ükkürküahünnu Wunabu uban-namän—máru Gott lóaja Abraham umün.

26. Gott aküñekakuttun bennai ladittiwábu Jesus ahudahü ullukkuwaria limékudakubá bänja hibiti i, üwüssa-dün lanibia hü, lakuñkittakuttun aboattu uria libitiwa ab-buhü.

CAP. IV.

APOSTELNU gidiakoamanika adiän lukkunnu umün, Priesternu, kerki ipilti Adaijahün, Sadduceernu mutti anda nibiti:

2. Manswa kúmutti kaiman Jesus kansissiannu umün, namallikuttan ukuñaje lukkuñu, namaijanattoan namün Jesus abbu aküñekunnua ahudahü ullukkuwaria ukun-namün ukunnaria.

3. Kiahañä nabukuttaje lansissiañu, nassika katattadü-koanattu bahü ullukkumün, mauttia uburaje, bakküllama hiddan uduña.

4. Juhulli akañabutti üssattu Apostelnu adiän ibenna, assikaka Wamallitakoanti äme, ika assikáti Wadilinu uiju-hu abbádakabbu tausend nabbukoawa kubá.

5. Mauttia ipilti nadaijahüñu, nai tujukúti, ahakahü alin-u mutti ahürrükúdaka nabbukoawa Jerusalemmün:

6. Dia ta baddia ipillibetti Priester Añas, Caiphas, Jo-hannes, Alexander mutti, namaqua abbanu ipilti Priester-nu ibennatti ku.

7. Nai adinamukittinbenna nafiakannirukkuwaje Apostelnu, nahadakuttaje hiddiamafi: hallikai titattahu abbu, hallikai iri uduffa kussa gidiamuttu hanissia? na Apostelnu umun.

8. Petrus ibe ussatti maribenti ujahu abbu aonnabaka nadian: hui Adaijahunnu, Israelinu tujukuti mutti hakanabate!

9. Hahadakuttuanikau, awahuddun ussare diarru, kia ussattu anihussia likidaha beletikubali umun, kadumattu lui uussadukitto hiddaba ukunnamun:

10. Kiahafia adittikittahukahü, humaqua Israelinu umun baddia, likidaha Jesus Christus Nazarethkundi, aparrukittutikill kreu ukuna humun, lumorrue Gott umun assimakittuati ahudahu ullukkuwaria hiddaba uduffa rubuun, lui iri tattan wassan udumma, lihi hissibumuntibu ussadahuka lukarrin uria ba.

11. Luilikewai, hui amutakubali ballin, assikahukuba kihia namaqua Adaijahun bia, nutssadakoantin bia ba i.

12. Abbakurru ussadakoana lukku Jesus Christus uriattu, abbakurru iri, luuriattu, kassaku abbumuntu, kadummattunnibiaje uussadukittunnua Wunabu ubannatti.—La Petrus namun.

13. (Adaijahunnu) addikin nanika Petrus Johannes mutti ukunna, hallika na mamarrunnihua, hallikebbetu ullua abbu gidiamuttu ahakan missiren namukanna, nakkannaba ba kainikuttiwabu, ahakaku alininu ibenatti kuru naha, pahia!—ma nakunnamun, ika nadittissia hifa narraha Jesus umattikubanu.

14. Naddika baddia lihi uussadukittulliati adinamun Apostelnu amun, namorrue mafhallin rubu hifa hammatali adian kia ujalukku.

15. Naputtikidikittinbenna nannakannirukkuwariaje Apostelnu, nadiaka nabbukoawa, nahakaka hiddiamafi:

16. Hallika wappa bahá narraha umün? tukkuda man-swattu anihüssia nabbu amaijanattoo hidda namaqua Jerusalemkunnana umün, üssa ré naditta tukunnamün ba, dia wai baddia mámmallin rubu wa eberunnua na urian;

17. Kañ tattátu adiähü abbu wahakali namün, hallikai kurru umün nanibia ahakán likidaha (Jesus) iri ukunnamün, tuhu nanissia manibia attabán tumaquadi baddia.

18. Na namünñikoawa. Nassimakinbennaje Apostelnu nibiti ba, tatta ré nadiäka namün: hallummünnikurru ahakánhuppa lihi (Jesus) iri ukunnamün, gidia män huppa amallikuttán ukunna abbánu Jesus ukunnamün. Na Jesus kansissiannu umün.

19. Kañ Petrus Johánnes mutti aonnabakan nadián: hó-aja humonnua bahá hadittoabu, üssáma, Gott kansissia ullukkudikuma küssa baha, wassikákuma baha hui áme Wamallitakoanti ádin?

20. Wai mammallipa aübunnua ahakán waddikissiaru wakañabussiaru ku ukunnamün uria—na Petrus Johannes mutti namün.

21. Namorrua Adaijahünnu—mámmallipa kia tán—ma, nakujukutta na uriaje ba, má-uttikin kebé na húa hammatalli, kadummattuma naijulattün Apostelnu ansi, namarruhü húa lukkunnu ubura, namaquakebé üssantüwai na Gott umün tuhu anihüssia ukunnamün.

22. Uüssadükittulliätikill biama lukku wijua aputtikidinnibennai.

23. Adaijahüñu akujukuttun benna na uria je, Jesus kansissiannu, nanda naijuhunnus ibiti hiddaba, nahakáka namün tumaquakebé ipillibetti Priesternu tujukúti mutti adiassia namün ukunnamün.

24. Tuhu diarru akannabün nanika, abbalüwai ti dia na hürrkürén akujabuán kakañakükú Gott umün hiddiamañ:

Wadaijahün, bui ké Jehovah, amallittikubá kassakku wunabu ba, bara tirrakumuntu baddia.

25. Bui ké ahakakuttakubá bussanti Prophet David umün hiddin : hama uduma bahá heidinu amassikandoa damün ? hama bia lukkunnu anihittin makuahürubumuttu ?

26. Ipilti Adaijahünnu ahürrüküdüka Wanabu ubannamün, gidia nadainassiannu uijuhu ahurruda nabbukoawaba, Adaijahüwäbu üjalukku, Christus erabuddikki ku,—la kubá Wamallitakoanti Prophet David abbu (Jesus ukunnamün wakill luburamün.)

27. Ikka naussün ba, Ehé ; kidduaheinikebé Herodes, Pontius Pilatus mutti, heidinu, Israelinu baddia uma ré kubá ahürrüküdün, likinnikan üssakebémutti bussa, likidaha üssatti üjahü abbu üssadüssiättikubáli Jesus erabuddikki,

28. Bui adittissia wakill luburamün bumonnua, bui bikissi báwa ullukkudi ku anihünnibian tumaquakebé.

29. Kiahanna bakannaba Adaijahü, tattatu nadiän waijalukku, bussika bussananutti umün, máññarrunnihüa, hallikebbehü abbu ba nanti ahakahakadün üssattu bukunnamuntu adiahü.

30. Bukkabbu bakkillikabbuté wadiakumün, buburuwattüntü, juhulli karriti üssadunnua nanibia nakarrinuria, juhurru manswattu karaijama üssakebémutti bussa Jesus udumma, nadittikoanawa.—Na nabbukoawa.

31. Gidia nanibeña akujaboän, bahü kallukkumuntu nahürrüküdan arrukussän ; namaqua tullukkumünti ädi anda hidda üssatti üjahü, na-ussa baddia hallikebbehü abbu ahakan üssattu Gott ukunnamuntu adiahü ukunnamün.

32. Ikka assikati ujuhu abbalüwai ulluahü ti dia na kubá nabbukoawa, hürrükürén kanniku baddia, kiahän—

daiântuhu—abba küssa—daiän kia ba—mánina namüñi-koawa.

33. Manswattu ütattahü abbu Apostelnu ahakaka Jesus aküñekunnua ba ukunnamün, ipirritu üsseikahü namän amün.

34. Abbâkurru mahallêti nañahannirukkumünkubá. Mamonaihati umân aijukarrâka nahurruru nassiqua ku, anda naijukarrákü üjauna abbu, nassika Apostelnu ukutti amünnin.

35. Kia ibennaria assikahüssiakubá namamutti umün namünhittissia ullukkudi.

36. Ikka Joses—Barnabas—Apostelnu mahüssia umün—ahaikadoahü ukkuburukku aditti—maru lukku adian ullukku—

37. Levi ükkürküa ibennatti, Cýpernkundi ba, kakubanikai, kañ lujukarrá luhurrurakan, landa luuttikaru plat-ta abbu, lissika baddian Apostelnu ukutti amün.

CAP. V.

IKKKA abba Wadili Ananias, lireitu Sapphira mutti aijukarrá nakubân baddia,

2. Kañ lannikáru platta ibenna lui aijakattan lireitu adit-tahüá lumonnua, tuüba rubuün abbu lui anda, lissika baddian Apostel ukutti amün.

3. Petrus adiâka: Ananias, hañña redumma Jawahü ebekittoa bullua, bumullidânti üssatti üjahü umün, katti-kebbessiän tukkudaha aijukarrahüssiáru ukubân üjauna uria?

4. Tuhu bukubân bānihüan! üssanima buibānimān ika bumonnua; tuijukarráhü bennan, tüjauna bamünnikan kurru baha? Hamma udumña kiahanna gidiamuttu bul-lukkumünnikan? Lukkunnu—wai ké—umün kurru bu-

mullidibi, üssatti üjahü kéwai üjalukku.—La Petrus Ananias umün.

5. Ananias akannaba lanika Petrus adiän, attikida wu-
napuddi, luüboa ahákubün hidda. Kiahañ namaqta tu-
hu akannabuttin manswakû na hammarrun.

6. Abbanu ibikiddulliannu aküñekoa, annikan lipîru
bahü ullukkuwaria, akarrata hiddai.

7. Kabbuin Stundu—kampanna akulattufu—adikki,
ahudáli ireitu akudoa baddia kia bahümün, mádittinta-
hüa anihüssiäbi ukunnamün.

8. Petrus ahadakutta tumün: tikinniké hissikibi wamün
huijukarráhüssia hukubân üjauna? bússa, bahakalitede
üssahuabu—la Petrus tumün. Toonnabaka ladiän: Ehé,
tikiñ.—ta.

9. Ika Petrus adiäka tumün hidda: hama bia hui bia-
man hürkürén amullidän, ikissidahittin diarru üssatti
üjahü umün? Badittoali, äkarratüttibi bireti ipîru—Wu-
nabu ukkuburukkumün—bahassubuledelikahiddaje, nan-
nikintibu jaharia luinabbu.—La Petrus.

10. Nikebén ta attikida Petrus ukuttimün, tuhúda hidda.
Ibikiddulliannukufu akudoa nanika ba, auttikanin ahudá-
ru, nannikan tipîru bahü ullukkuwaria, nakarrata baddia-
nin tireti amün.

11. Kia uduña Jesus ükkürküanibuün, akannabutti tuhu
manswattu ukunnamün ba, namarruntoa.

12. Ikka Apostelnu ükkabbu abbu juhurrukebe man-
swattu anihüssia namaqua umükanna. Abbalüwai ti dia
na kubá baddia tukkuda bahü üttakarra—nassákurru
Salomons—ullukkumün nabbukoawa.

13. Abbanu—kaimatti diarru namün—mamallika
aijulattün nansi, lukkunnu umün kaijumüntinakubaje
uduña.

14. Ika assikÁti ujuhu hitté na auahüntunnua, añikahüs-

siakubá nannakannirukkumün baddia je juhulli Wadilinu hiarunu mutti.

15. Karriti naputtikidikitta baddia bahü ullukkuwaria waburukkumün, nassika nakurra ullukku nabukullu ullukku baddia je, Petrus aballin aijabuttanibia lüja karriti ädi, nüüssadünti nakarri uriaje, uburamün.

16. Tikiradditu üssiquawariätti uijuhu anda baddia juwaria karriti abbu, aijulattahüssiannu jawahü umün ab-buba Jerusalemmuniru nibiti, ika namamutti üüssadükitoa nakarri uria hidda.

17. Kañ ipilti Priester, namaqua lumatti Saduceernu ibennatti.

18. Ku manswakü na simikan, aussün kiahanna nabukutta je Apostelnu, nassika Siba ullukkumün baddiaje.

19. Lumorrua abba Adaijahü Engel attulluda kassak-kuda ukunna kia katattadükoanattu bahü issibu nab-bura, lakufukutta tullukkuwariaje hiddiamuttu ladian abbu:

20. Hakunte, hudukuttoali Gott üssiqua—kerki—ullukkumün, jumünniké hali ahakân kia tumagua kidduaheintu kakü hü ukunnamuntu adiahü lukkunnu umün. La Engel namün.

21. Gidia nanibenna akannabün, nakudoa hidda mautiaburén Gott üssiqua—kerki—ullukkumün amallikuttánije. Ika ipitli Priester, lumatti uma ré abalta nabbukoawa, nahürküdakutta baddia je Adainassiannu, namaqua Israelinu tujuküti mutti nibitiwa, nimékuda baddia siba ullukkumüniru je (nassananutti,) naonnakintije Apostelnu.

22. Ussananutti andin nanika kia Siba ullukkumün, máuttikin na tullukkumünnije: kiahanna nakujoa Adainassiannu ibitiba, nadiäka hiddin namün:

23. Kia katattadükoanattu bahü issibu üssaré atattadahüka ballin, tikittakoananutti wauttika tamün baddia,

wamorrua watulludunbennan, hallikai kurru tullukku-münnikan—na.

24. Gidia namükille akannabün ipilti Priester, Gott üs-siqua Capitainu ku, abbanu ipillibetti Priesternu mutti—pahia—na, madittinni rubuna hallikakebé tanibiapa.

25. Ikka abbalüwai anda nibiti, lumaijanattoa namün: haddittoali! Miaka hissikabunanukunnu Siba ullukku-mün, adinamabu ipirrukurru kerki ullukku, amallikuttän ukunna je—la.

26. Kiahanna Capitain aussia hidda lüssananutti uma Apostelnu ibiti, aonnakinti tattähü kurru abbu je;—namarruntoa Judannu ubura, naparrünnika Siba abbu uduma je.

27. Nakunnukuttun benna je Apostelnu, nadinamukitta ahürkedati Adaijanassianna issibumünnije; hiddia la ipilti Priester ahadakuttunnije:

28. Madiäniwakubá hü tatta rén, aübunnuakebé háli amallikuttän lihi tri ukunaje uria? masi. Humorrua humallikuttän ukunnaje abbu attabaka Jerusalem umän—Nai rubuün umün aparrükittoakubá i liraha Jesus—ha namaqua umün wakunnamün.—La ipilti Priester Apostelnu umün.

29. Petrus abbanu Apostelnu mutti aonnabaka ladiän: assikahüssia bia Wamallitakoanti, hui äme ädin.

30. Likidaha Jesus, huparrükubáli,—huijuhuddukuttun beña Kreuz ukunnai—, Gott Waburatti Umallitakoanti assimakaka ahudahü ullukkuwaria ba i.

31. Lai kewai aijumündahüka baddia Gott lütattähü umün, AdaijahüwAbubiai, UUsadakoanti bia bai, Israelinu baddia akulkittama makkuburukkuahü uria luduma, kiaké namassikän uria ahaikassiakoanawa nauttikinti lamün ba.

32. Kia ukunnamün ahakäti wai, dia la üssetti üjahü baddia, assikahüssia Gott uria namaqua läme assikati umün—Na Apostelnu.

33. Gidiamuttu nanibēña akannabün, manswakebé naimattoa, nadiäka nabbu koawa ba, hallika nanibia apar-rünñije ukunnamün.

34. Ika abba nebenti Phariseer, kakkuburukkuati aha-kahü älin baddia, liri Gamaliel, namaqua Judunnu kansissia, aküñekoa, aputtikidikitta nauria je Apostelnu, ahakäka Adainassiannu umün hiddiamañ :

35. Hui Israelinu Wadilinu ! üssa ré häli adittunnua narraha lukkunnu umün, hañahü hanissiahiapa.

36. Kebeña kurru karaija wannakannirukkui Theudas, lipirrutunnua hittiti loa ja ballin, Wadilinu uijuhu bibiti hundred nabbukoawa ajuwedoä lukunahidda, lumorrue heika hiña i, dia na baddia lumatti harran anebettunnua na urekoawa, kawandunnua diarru.

37. Lukkuñu ikissidin manika, araijattoä hiddaba lihi Theudas adikki, abbalüwai liri Judas Gallileus, littikidäka lukunnawaje juhullikebé, lumorrue lihi baddia amaraijattoä, namaqua assikati läme añebettoakubä baddia na urekoawa.

38. Kiahanna dabute humün : huüboalitē narraha lukkuñu uria ; lukkunnu uriattu turraha, ika toaja aübupa.

39. Kañ Wamallitakoanti umariattuperukan, hui maññalikebiä aübukuttunnin, abbahün—Gott üjalukku amassikandunnua hittiti hui—manibia hü assäkuttunnua—La namün. Ikka namaqua—wappai—mañ.

40. Kiahanna nassimakaka nibitiwaje Apostelnu ; namakoalitedaje, nassika baddia tattatu adiahü namün : máhakānanibia Jesus liri ukunnamün abbanu umün ; ika nakujukutta nauruaje.

41. Apostelnu akujuñua manika Adainassiannu issibuwaria, habbuhiritalisi nauttikin abürukahü imiritähü ku hui liri ukunnaria:

42. Kihia maübunnuaré na ahakahakadün kerki ulluk-

kumün, nassiquamün baddia jahamaria tahamaria amallikuttân Jesus Christus ukunaje.

CAP. VI.

JESUS kansissiannu uijuhu hitté rubu manika, ikaké Graecenu aussün ahunahunadün Hebräernu üjalukku; Hebräernu aübunnua hiña aboakâ assikassikadün nañakannirukkutu kamonaikati meretiti—buttubatti hiarunu—umün, kamünhittissia bia uria.

2. Kiahanna biamakuttihibennannu Apostelnu ahürküdakuttaje assikâti naijuhunnu, nadiâka namün hiddin: wai aijulattünnika wansiwa kia wipîru kamünhittissia abbu rubuün, ika aboâkuma, waüboama Gott adiân uria.

3. Kiaké udumma, wahukijutti! howahüddaté biamati-mañ üssatti Wadîlinu, nassikân uduña kamaijanakûmutti, kabbuküssiannu üssatti üjahü namonnua baddia, hanna-kannirukkuwaria ibiti, ikittâkebénanibia gidiamuttu.

4. Wamorrúa akujabuakoaréwappa wai, hittén amallikuttân ukunnaje, ikittân Gott ükkürküa üssattu adiâhü abbu—Na Apostelnu.

5. Ika ahürküdati—üssanüwai, wappai—ma, aonnaban hürkürén: kiahanna nikissidâka hiddiamutti: Stephanus, assikatiwâbu, ibéti üssatti üjahü abbu baddia; Philippus, Prochorus, Nicanor, Timon, Parmena mutti, Nicolaus añikittikubâli Judunnu ükkürküa ukkuburukku, Antiochia-kundi ba.

6. Nai biamattimanninu nadinamukitta Apostelnu is-sibumün, ika nakujabunnua benna nakunnamün, nassika nakabbu nassî adiaku.

7. Ika Gott adiâhtü auhüntoa; gidia Jesus kansissiannu uijuhu hittén Jerusalem mün manswakebén: ipirrutu uijuhu Priesternu assikâka Gott adiân âme baddia.

8. Stephanus, assikatiwábukil, ibé tattahü ukufia abbu, lanika baddia ipirritu manswattu—Eméme diamuttu—lukkunnu umükafia, nadittikoanawa.

9. Jumuniru anda baddia hiddiamutti kakkuburukkuatti Libertinu, Cirenu, Alexandria mutti ahakähü Alininu ahürkedakoana ullukkuwariätti, gidia na baddia Cilicia-kunnana, Assiakunnana ibennatti ku, nai ké ikissidahittikai Stephanus ulniku, nahakäka simikahü abbu lüjaluk-kukoawa.

10. Namorrua maffallirubuna Stephanus kakkuburukkuahü, üssatti üjahü uma ladiassia namün, üjalukku hamatalli adian (amondarubuna).

11. Kiahanna nattikidäka abbanu Wadilinu lüjalukku; nai ahakäka hiddin: wai akannabünnikubái, wakaijät tu adiahü assikin Moses üjalukku, Gott üjalukku ku—na Stephanus ukunnamün mullikahü abbu.

12. Gidia nanibenna aimadükuttunniye namaqua lukkunnu, ahakahü Alininu, tujuküti mutti Stephanus umün, naussa libiti, nabukutta i, naijuruka baddia Adaijahünnu ahadakuttakoana bahü ullukkumüni.

13. Naonnaka namawa naha nattikidähüssiannu; nai amullikattoaka lüjalukku hiddiamaf: lihi matbunnu-arubu la assikin wakaijätu adiahü üssakebémuttu kerki üjalukku, üssattu wabbukissia Statuta üjalukku, baddia.

14. Na. Ikka hiddiamuttu ladianuoa wakannaba ba: Jesus Nazarethkundi aboahüddupa tuhu wahürkedakoana arradakebén, lissikin hinnapa wamün abba Statuta ba, tukkuda Moses wamün aübussiaru üjalukkuduwa—Na mullikahü abbu Stephanus amün.

15. Namaqua jumün ahürkedati nabbukoawa umün, addikin nanika Stephanus ukunna, abba Engel issibu dia ta araijattoo lissibu.

CAP. VII.

IKKKA ipillibetti Priester ahadakuttal Stephanus umün :
kidduaheinikétai bahá naha adiabu kurru bújalukku ? la.

2. Stephanus aonnabaka : Hui Wadlinu, dabukeinutti, dattinutti mutti, hakannabaté : Gott, tumaqua ütattahü, manswattu úkkállemé—lamünkilli, araiattoa Wattinatti Abraham umün, Mesopotamiamün lanika, mádumkin koa lanika Charran mün : hiddia la lumün :

3. Buputtikidaté búkkürkúu uhurrurawaria, bujuhunnu annakannirukkuaria ku, bakute tuhu dai dawaja dadukut-tuparu hurrurumuniru—la Gott Abraham umün.

4. Kiahanna luputtikida hidda Chaldeawaria, kassikoai Charranmün. Litti ahudunbenna, lui Gott kéwai andikitta tuhu hurrurumüniru i, kallukkumünnibu dannuhu hadumkin.

5. Jumünnike Wamallitakoanti massikiñima kubá lumün abba hurrurukan, lóaja lán bia tubannamün, kihia hiddiamañ la Abraham umün : wahaddia wai dai assikindappa bumün kiakéwai uhurruru, bóaja bániwa, gidia kebé badikkiti, bussássiañu umün ba—la Wamallitakoanti Abraham umün massákoalanika.

6. Ikka Wamallitakoanti hiddaba lumün : badikkiti waikilleriätti dia nappa abba hurrurumün palettiju amüm, madittin nassia ukuña ; jumünkunnana ahaiarudunnipaje, manswaku nappa aijulattün ansi baddia bibiti hundred wijua ukunnamáñmije.

7. Damorrúa ahaiaruduttipaje badikkitiké umün, dai dáwaja aijaontindappa—la Gott Abraham umün. Ki-anibenna nallumussápa juwaria, jahamuteru nassikánti dáme la Gott hiddaba.

8. Ikka Gott assika Abraham umün tuhu allúkahü nas-sin údda ibenna naurua emeliattu nebettirakoanawa ; ki-

anibenna Abraham kassâ hiddai laditti Isaac, lallüka lissîn üdda hiña luurua tekabbuintemannile kassakkabbuhü ukunna; dia la Isaac kassâ i Jacob, Jacob kassâ hidda-baje biamakuttihibeñakunnu kubâkaddi.

9. Kañ naha kubakaddi simikarubunakubâ (nahukeinti) Joseph umün, kiahanna najukarrân Egýptenkunnana umünî, lumorrua Joseph uma kuba i Gott.

10. Lupussida baddia tumaqua lamonaikan uria i, lissika luiniku abbui, kakkuburukkuahü ku, Egýpten münti ipilti Adaiajahü—koning—Pharao issibumün, lihi aonnakâ libitiwai Joseph, Gouverneur biai Egýpten uhurruru ádi, lüssiquamünti ádi ba.

11. Ikka ipirritu hamussiahü, manswattu kamonaikahü ku aussa Egýpten uhurruru umân, Chanaan uhurruru mâ baddia, kiahañ abbâkankurru abujoahü auttâkin na Wattinutti.

12. Jacob—Joseph itti ké—akannaba manika Egýpten mün kabujoanîn, limekudaje (lüssanutti) Wattinutti jumuniru attenénna.

13. Tibiamattedunnua Joseph adittahüka lûkahukebi-mutti umün, ika gidia ré Pharao umün kamaijanân Joseph ükkürküa baddia.

14. Joseph imékuda kianibenna nahurrurumünniruba je, naönnakinti hebeti nattinutti Jacob—littiwâbuku ba—lumamonnurua, lumaré lûkkürküa umân—kabbuin lukku abbamariakuttihibennatti tupaküttân nabbukoawa baddia.

15. Ikka Jacob anda Egýptenmün hidda, luhuda jumün, gidia na (lüssanutti) Wattinutti ahudun baddia.

16. Nabbunna andikittahüssiakuba, Sichemmuniru, akârrtahüssia baddia kia hitti ullukkumün, Abraham wakill platta abbu aijaontakubâru Emor üssanutti uria Sichem-mün.

17. Kia kassakkabbuhü kakunnamüntukubá Gott tatta rén adian Abraham umün, ubura maijuhutanika, wak-kürküa manswakü na kauahünan Egýptenmün;

18. Abba Koning, mádittikoamutti Joseph, andin mu-niru mân;

19. Lihi amullidáka wakkürküa umün, manswan la aiju-latta waburatti ansi, lubulleheddükittaje nassanutti naurua, naübunnuanti ahákubün.

20. Ikka rén kubá Moses aputtikidin, üssattiwábu elon-tikan kubai, kabbuin katti ukunnamân rubu la ibikiddoa-kubá litti luju mutti üssiqua ullukku.

21. Lubulleheddunnuabeña (litti luju mutti uwuria), Pharoa uttu aonnaká tumawai, tabbujani, toája tüssawa biai.

22. Ika Moses amallikuttukuttoakubá tumaqua Egýpt-enkundutu kakkuburukkuahü ukuña, mallikuikattiwábu la kubá lanin abbu, ladiän abbu ba.

23. Biana lukku wijua aputtikidin lanika—dahunnupa daddikántije dabukeinutti—Israel üssanutti—la Moses lukkuburukkuamonnu.

24. Jumünnike lui addika abbalüwai Egýptenkundi aus-sürubumutti bu aboattu anini Moses uijuhutti umün, kiahanna lujumüntinada!, lüjaontoa! kaimattikill ümün, luparra!

25. Likissika ballin, lubukeinutti nanibia adittin, Gott amahaijarudukuttahittinnije lükkabbu umün ukunnamün, namorrua mánnikin rubu na namonnuan.

26. Abba kianibenna laddikaka namüñiba, aimaima-dünrubunanika biamân namüñikoawa, kiahanna lüwüs-seikadahittikaje hiddiamuttu ladiän abbu: Wadlinu! haña uduña humaimaimadoaka humünnikoawa, kahuké-ti húa hü! la.

27. Kañ kaimattikill libiamatetti umün, attürküda luuri-

i Moses, hiddia la lumün ba: hallikai adajahükittoaka wädi bu?

28. Buparahittékuma bahá de, miaka buparrünbun-nali Egýptenkundi dín? la Moses umün.

29. Gidiamuttu ladián udumä, Moses attüdda juwaria, Madian uhurrurumuniru, abbawariätti dia la kubá jumün-niké, kassänije biamán ladittiutti ba.

30. Biama lukku wijua rén tanibefä aballin, Jehovah araiattoai tukkuda makunduttu hurrurumün, tiri Sina, hikkibi eheledunnua ibituttu kufuka ukuburukku-waria.

31. Gidiamuttu addikin lanika Moses, pahia—la kia ür-ai-ja ukunnamün; akunnun lanika üssa ré addikintin in ibiti, hiddiamuttu Jehovah adiahü assikahüssia lumün:

32. Dai buttinuttikubanu Umallitakoanti kéwai de, Abraham baddia Umallitakoanti dai, Isaac Umallitakoanti dai, Jacob ku Umallitakoanti dai—la Gott adian. Ikka Moses manswakü la akurrukussá lukunna, mañalli-kün kiahäñ laddikin lukunna.

33. Kañ Jehovah ahakäka lumünniba: bussappatun bupussidate bukutti uria, bumün attennaknttoabukurru uhurruru-üessadahükan (dai jahaddian udumä.)

34. Daddikissia bañin dai ükkürküahü kamonaikanibu Egyptenmün, dakannaba ipirrun nahákubün baddia, attükudahiddade, dapussidüntibu tunria: bakute kiahäñ jahamaria, dimékudupa Egýptenmuniru bu—la Jehovah Moses umün.

35. Likida Moses, abulledutikubáli lui juhunnu uria gidiamuttu nadián abbu: hallikai adajahükittoaka wädi bu? mañ, lihikéwai imékudahüssiakubá Gott umün nibiti ba, nadajahün bia i, lupussidünti nahaijarudukuttunnua uria je, Jehovah araiattoáli ibituttukurru kufukumün adian ullukkudi, lütatta abbu baddia.

36. Lui—Moses akunnukutta Egýpten ullukkuwaria je, ipirritu manswattu lanissiakubá baddia Egýptenmün, kuléru bara irrakkumüp ba, makundutta uhurrurumün ku biana lukku wijua ukunnamän, nadittikoanawa.

37. Lihikewai Moses, adiákubali Israelinu umün hiddin : Adaijahü Humallitakoanti assikin mappa humün abbalü-wai dai diamutti Prophet hui ükkürküa ukkuburukkuwaria, likidaha äme assikän huppa—la kubá Moses Wüüssa-dakoanti ukunnamün.

38. Luilikéwaiba, naha mallukkunniaukillimün ahurruda-kebémutti Israelinu ükkürküa annakannirukkukubáli, likidaha Jehovah umatti kuba i, adia lanika Sina hurru-rumüní, Wattinutti umatti kubai Moses ba, labbuküa tukkuda kaküttu—Gott umariattu—adiähü, luibussiabia wamüñinu.

39. Lihi äme mássikahittirubuna Wattinutti, nattürküda nauruai, nassipudáka nalluamonnua abbu (Namallitakoanti uria) Egýptenmün (dissianikubáruje) ibitiba : nadiáka Aron umün hiddin :

40. Bumallitaté wamallitakoananutti biau, nakunnunti wabburahü ; mádittinnirubuwa, hallikakebé akunnukuttu-tikill wahurruruwariau—Moses kewai umün anihüka bahá ? Na Aron umün.

41. Ikkaké namallitahiddan abba báka üssa diamuttu tiraija—namallitakoantibian—nassika tumün Osser—nü-wüsseikadakoanawa—hallikebbe kü na nakkabbuwa abbu amallitisiáru ukunnamün.

42. Ikka Jehovah akujoa nauria hidda, atübün nüwüssia diaru, na ussa kassakku karaijáru ukunna äme assikän ; hiddiamuttu Wamallitakoanti abulitikittakubáru Prophe-tinu ükártan ubunamün nakunnamün ullukkudi : taha-wai mallukkunniaukillimün koa hanika kia biana lukku Wijua ukunnamän, hissikakubá hui Israelinu ibenti Osser

bahâ damün? dâme assikân tabbu diarru ba? mañ. Takurru ballin!

43. Kañ tukkudaha hóaja humallitissiáru úraiia Moloch Remphan ku, humallitakoanannuttibia humonnua rubuün äme hissikâka, atturrudun tumün hukujaboan abbu; kiaké uduña tahawai Babylonia uhurrura tahamaria dawaikilledüpahü. La Gott Prophetinu abbu nai ukunnamün.

44. Wattinutti mallukkunniaukillimün nanika, kamünnika ballin abba Gott umün akujaboakoanattu añikahüssia biaru bahükan, Gott adiân ullukkudi, ahaka lanika Moses umün, laddikissia üja ullukkudi rén lanibia aninin kia akujabuahü ibitittu bähü.

45. Kia kéwai Wattinutti kabbuküka baddia namonnuan, nanda tabbu ba Josua uma tuhu heidinu uhurrurumüniru, kia ullukkuwaria Gott akküddakubáje namaquakebé heidinu Wattinutti uburaddi, Prophet David kakün manika muniru mân.

46. Gott üsseikarubula kubái David, kiahanna lihi auttikahittika abba üssakebémuttu üssiqua Waburatti Jacob Umallitakoanti umün bia.

47. Ikka Salomon—David aditti—amallita Gott umün abba ipírrutu üssattu üssiqua.

48. Lumorrua namaqua wunabu ubannamámutti áditi-kill ipírrun (Gott ké) kassikoarubukurru i ükkabbuhü abbu amallitahüssiaru bähü ullukkumün, kiahanna la kubá Prophet abbu hiddín:

49. Kassakku dabaltikoana hüakan Wunabu umân dakutti ahábula hüa ba! hamahü kiahann humallitama bahá damün, dassiqua bia? hallum dai ahákubakoana bahá?

50. Mammallitinmahüssia tumaquakebé dakkabbuwa uduña bahá?—la Wamallitakoanti Prophet Jesaias abbu. La Stephanus koaré. Ikka luussa ba hiddín:

51. Massikānikoamutti hui, müwüssadükittoahittiti hullua hukkujukku muttu humalitakoanti umünnihü, hüttinutti amassikāndunnua üssatti üjahü äme, dia ha wakarruhu koaré baddia.

52. Hallikai diāli Prophet uria hüttinutti aüboakubá baha maimahü abbu? kaimahü abbu nawahüddakubá hinna namaquakebé ibiti, naparra baddia je aijumrudahalininu üssattiwābukill ukunnamün wakill luburamün, wakarruhu kebérukubáli huuriai, huparrükittai.

53. Kia Gott assikissia Statuta lükkürküa umün habbuküssia Engelnu abbu balliñihü ku, humorrúa mánirubu ha kubá tullukkudi—la Stephanus küddüküssinin adiān Adainassiannu umün.

54. Gidia namükille akannabün, nallua aijakoabute kaimahü abbu, attarradun narissibu naimahakandunnua lumün uduña.

55. Lumorrúa Stephanus ullua ibé manika üssatti üjahü abbu, laddika aijumuniru, ika lumün araijattoa hidda manswattu Gott ükkallimé, Jesus adinamün Gott üüssamaria baddia;

56. Kiahanna la namün: haddittoali, daddikabute hidda kassakku atulluduttu, Lukku aditti—Wüüssadakoantiké—adinamün Gott üüssamaria baddia—la.

57. Namorrúa kakannakükü na assimassimadün, attakün nakkujukkuwa (ladian uria,) hürküré na abukuttunni kaimahü abbu, attürküdün Stadt ullukkuwaria i, aijükun Siba abbu i:

58. Ikka aijukuti Siba abbu i apussida näke na uria, nassika abba ibikiddulliätti—liri Saulus—ukuttimünin.

59. Gidia na aparra hidda Siba abbu i Stephanus umün, akujaboá lanika kakannakükü hiddin: Adaijahü Jesus, daija boonnakalite bumamonnuruan.

60. Ikka lukkul lussibatoaka, manswa kü la kakannakün

assimakān: Adaijahū, māijaontinrububáli namūn tuhu namassikanihū. Gidea lanibenna adian, luūboa hidda ahákubūn.

CAP. VIII.

IKKKA Saulus hallikebbé baddia Stephanus heikanibu ukunnamūn. Ikkaké manswattu aijulattahū ansi anda Jerusalemkundu Gott ükkürkūa ukunnamūn: kiahāñ nañebettoa naurikoawa harran Judea ubannamān, Samaria ubannamān ba, Apostelnu uriatti.

2. Abbanu assikāti akarrata Stephanus ipīru, manswa kū na üwüssiatinī.

3. Kañ Saulus aboahüdda aübukuttun diarru Gott kansissiammu na urekoawaje, akudoa lanika tahamaria jahamaria nassiqua ullukkumūn, luuttikissianu Wadīlinu hiarunu mutti lui aijuruka nassiqua ullukkuwaria, assikin Siba ullukkumünpije.

4. Añebettoatikubanu (assikāti) naurikoawa kihia akufia hurruru ubandi, nahakaka (Jesus ukunnamuntu) adiahū namūn.

5. Philippus anda abba Samariakundu Stadt ullukkumūn, lahakaka Christus ukunamūn namūn.

6. Jumūnti uijuhu, abbalūwai ti dia na namaqua namān, añika Philippus adiassia namonnua, nassikāka tāme ba naddikin nakannabūn ba manswattu lanissia namūkana uduma.

7. Juhulli ajauditi á uria iribéti üjahünnu akujoa hinna manswattulissimassi madūn abbu, juhulli mabbunā ti dia mutti, hikkuliti mutti üüssadoa hiddaba.

8. Manswattu hallikebbéhū Stadt ullukkumūnti amūnika baddia.

9. Jumūnnikubá abba Wadīli, liri Simon, ipīti Semetikubá i, lui aboahüddakebéje Samariakunnana ukkubu-

rukkuamonnua libbihikin abbu ; ipilti wābu daila namūn lukkuamonnua baddia.

10. Gideamuttu abbu, lūsemettihū abbu ba lanibenna amullikattūnnije kebennaktūn aboahūddunnua nakuburukkuamonnua baddia.

11. Nān udumā ipilti, bassabanibetti mutti, namaqua-kebē aijuwedoa lumūn—ipillibetti kewai lihi, Gott ūtattahū ukunna kamūnti ba lui ! na hūrkūrē lukunnamūn.

12. Namorrua aussūn manika assikān Philippus āme, ahakātikill Gott adaijahūkoana ukunnamūntu Evangelium namūn, Jesus Christus ūri ukunnamūn ba, Wadilīnu hiarunu mutti assukussukuttoā hidda (Philippus umūn.)

13. Wamallitakoanti āme assikaka hidda Semetikill Simon baddia ikka, lussukussāhūnbenna Philippus amūnniwakoarekuba i. Addika lanika jumuntu manswattu anihūssia (Philippus umūn) nadittikoanawa—pahia—la tukunnamūn.

14. Jerusalemmūnlikannu Apostelnu umūn manibēfia kamaijanan, Samariakunnana assikan hidda nu Gott adian āme, nimēkudaje Petrus Johannes mutti nibiti.

15. Andin nanika jumuniru, nakujaboaka (Wamallitakoanti umūn) ūssatti ūjahū nai baddia kabbukūnti nalluamonnua ukunnamūa.

16. Mandinimakoa la kubā—ūssatti ūjahū—nādi, assukussahūssiātti rubu na kubā Jesus Christus ūri ullukumūn.

17. Ikka nassika nakabbuwa nadiaku, kiahān nabbukūkabute ūssatti maribēnti ūjahū nalluamonnua hidda.

18. Simon addikin manika, Apostelnu assikin nakkabbu nadiahu udumā ūssatti ūjahū assikahūssiakubā gidiamutti umūn, hiddia ré la namūn ;

19. Hissikalite dai umūn baddia kia ūtattahū, dakkabbu ūssikin abbu adiaqu udumā ūssatti ūjahū andinti lihi ādi

ba; üssarén daijaontipa platta abbu hü—la Simon Apostelnu umün.

20. Lumorrúa Petrus aonnabaka ladian: imiritahüssia bia bui, buplattan abbu ba, Wamallitakoanti assikissiaru ütattáhü aijaontahüssiabiâma platta abbu—bân bu-monnua—udumâa.

21. Abbâkankurru gidiamuttu Gott umariattu kabbu-künbupa bui, mandinkebé tupa bukunnamün, wakaijattu mullikattu Gott üjalukku bullua udumma.

22. Bussipudâpa kiahân wakaijänibu uria Wamallitakoanti ibiti, akujabunnuakebé bupa lumün, lahai-kassianika tumaqua bulluamüntu aboâtu luurua bumün bahá.

23. Dannuhu dadittabute hidda, bullua ibén sipétalli abbu, üssarémahü bullukkumünnika kurru—la Petrus Simon umün.

24. Simon aonnabaka ladiân hiddaba, lahakaka: daiju-huñu, akujabunnuahálite Wamallitakoanti umün dai ukunnamün, mandintanibia hamatalli hadiabiru damün ibenna dakunnamün—la namün.

25. Namorrúa (Apostelnu) ahakahakadün beña Wü-üssadakoanti ukunnamüntu adiahü namün, nakujoate Jerusalemmuniru hiddaba, namaijanatâ ka üssattu Evangelium juhurru Samariakundutu ässekkuttu Stadtnu ullukkumünti umün.

26. Ikka abba Adaijahü Engel adiaka Philippus umün hiddin: bakünnekoate, bakunte wallebumaria tahawai makunduttukurru waburukku, akuntu Jerusalem waria Gaza muniru, ullukkudi.—la.

27. Kiahanna Philippus akünnekoa hidda, lakunna jumuniru baddia. Hakannabate, abba meikurru üssiquawariätti Wadili, jumünditi ipillibetti adaijahü ireitu—tiri Candaces, kaijumüntinatti üssanti, tumaqua kia ahurru-

dahüssia platta añiku baddia ikittakoanti (Gouverneur diáli) anditikubá akujabuahü ibiti Jerusalem muniru.

28. Lîhi akujuabu juwaria lüssiqua muniru hiddaba, lubalta lüwagen ullukku, alésida Prophet Esaia ükârtan ubannamün.

29. Ikka üssatti üjahü adiâka Philippus umün: bûssa, bakunte tuhu Wagen ibiti—la.

30. Philippus adallidate tibiti, lakannaba hiddai lülesi-din Esaia ükârtan ubannamün, lahakâka kiahann lumün: badittanu bulesidabukurru ukunnamün baddia?—la ahadakuttunnî.

31. Meikurru üssiqua wariättikill aonnabaka laidân: hallikakebe dama adittinîn, hallikai kurru imissidahüa dalesidissiâru de! bûssa, bamudate damün, bubaltate dadennamün—la akujaban Philippus umün.

32. Harawai hiddiamuttu adiahü lülesidabu ikkaké: abba sikapu aonnakahün haikanibian, dia la kubá baddia i; Sikapu üssa ajerititi tubarra amün madian rubutan, Gidia ké la mondakebékubá ba i.

33. Manswakebé amonaikattunnua lanika luüba ladaijahükoana üwüssia, maijaontinrubu la kaimatti umün; kañ hallikai baha mallikükuma ikissidinnîn lükakü oadi? Lükakü annikiddoakuba wunabuwaria hüa! — maru Esaias.

34. Kia udumä ipilti Adaijahü ireitu üssanti adiâka Philippus umün, lukujaban abbu: hallikai ukunnamün gidia la kubá Prophet Esaias? Lui loaja lukunnamonnua, abba ukunnamün küssa baha?—la ahadakuttunnî.

35. Philippus atulluda lülléruku hidda, luussa kia abul-litahüssiaru uwaria imissidinnî, ahakan baddia Jesus ukunnamünni.

36. Gidia na mükille akunnun waburukku ullukkudi, nandabute kirraha amün, ika Meikurru üssiquakundikil

adiäka : haruwai kirraha jahabu hidda, haññahü bahá iki-ahaddünnikan assukussukuttunnua uria de?—la.

37. Philippus adiäka lumünniba : kidduaheintu ulluahü abbu bussikahittiparuka Wüüssadakoanti äme, tama ba-ha!—ma Philippus lumün. Loonnabaka Philippus adian, lahakäka : Ehé, dassikabute hidda, kidduaheinika damün Jesus Christus Gott adilti ukunnamün—la.

38. Likiahadda kiahañ wagen akunnun uria, nai biamân attukuda hidda tadiakuwaria wuinimün, ika Philippus assukussábu hiddai ipilti koning ireitu üssanti.

39. Amudün nanika wuin irrakuwaria, üssatti üjahü amaraattoai Philippus assukussutiäli akussi uria, maddikinrubula säbbuní, lumorrúa hallikebbehü abbu lakujoa-bute lüssiqua muniru ba. Kianibenna Philippus auttika-hüka Azotus uhurrurumün, jumün aijahadda lanika tuma-quadi, hui amaijanattäka semettu Evangelium tumaqua Stadtnu ullukkumünti umün, landin Cesaria muniru mán.

CAP. IX.

SAULUS aimaimahakoaré lanika Adaijahü amallikut-tassiannu umün, luparrahitika baddia je, lan udumma akunna ipilti Priester ibiti,

2. Lukujabaka ikissi diamaru kárta naha Damasconkun-nana ipillibetti amallikuttakoananutti umün bia—naddit-tikoanawa—luuria, lakunti tabbu jumuniru, awahüd-dün Jesus kansissiannu ibennatti ibiti—dauttikiparukaje gidiamutti Wadilinu hiarunu mutti, dukürrükittupaje, aijurukun Jerusalem muniru je—la ipilti Priester umün ba.

3. Waburukku lukku lanika Damascon ibiti, abbäkarén abba aruleti akünda kassakkuwaria likiraddi.

4. Littikidün benna wunabumün, hui akannaba hiddia-

muttu adiah übaddis: Saul, Saul! hammahübia kaimahü abbu boahüddün dibiti?—ta.

5. Saul aonnabaka: hallikai baha bui Adaijahü?—la. Adaijahü ahakaka: Jesus kéwai dai, kibititti bui kaimahü abbu awahüddünnibu. Manswakebépa bumün küddun, butattadunnua darabuddikki—la Jesus lumün.

6. Ikka Saulus akurrukussä lukuña, manswattu abukoahü lüja ullukku adiäka hiddaba: Adaijahü, hammahü bansika danini bumün?—la. Adaijahü adiäka lumün: bakünnekoaté, bakunte tuhu Stadt ullukkumün, jumüntupa aha-kahün bumün banissiabiapa ukunnamün—la.

7. Saulus umatti Wadilinu akannabün takannakü ballin, namorrua abbä kurru üräija naddikin, nan udumä malluk-kun ti dia na adinamün jumün.

8. Akünnekunnua manika Saulus wunabuwaria luttul-luda lakussiwa ballin, kañ mappa laddikin. Ikka lumatti abukutta lükkabbu, nakunnukutta Damascon muniru i.

9. Ikkaké kabbuin kassakkabbuhü mä maddikinkebé la Saulus, makuttunma i, mattin rubu la ku.

10. Damascon münnikai abba Jesus kansissia — liri Ananias, lihi umün Adaijahü araijattoa, lahakaka lumün: Ananias—la.

11. Ika lui: dailiwai Adaijahü!—mä loonnaban: Adaijahü adiäka lümünniba: bakünnekoate, bakunte kia waburukku, missitu—nassia umün—ullukkudi, jumünnipa bahadakuttun Juda üssiqua mün Saulus Tarsenkundikil ibiti, buuttikipai akujabua lanika.

12. Araijattoáru üräija 'lukku lui addikakubai abba Wadili—liri Ananias—akudunnua, assikin lükkabbu la-diaku, laddikinti hiddaba—la Adaijahü Ananias umün.

13. Kañ Ananias aonnabaka ladiän: Adaijahü! lihi Wadili manswakebé aijulattün Jerusalemmünti bansissian-nu ansi.

14. Ipilti Priesternu uria lui kabbukün ütattáhü baddia, lakürrüntije namaqua akujabuati buini umün, kia kamaijana hiña i damün juhulli abbanu ukunnamün—la Ananias.

15. Lumorrúa Adajjahü adiäka lumünniba : akunnumrububali lamün, dáwaja dikissidassia luilikéwai, dai íri ukunnamün ahakatibiapai heidinu umün, Adajjahünnu — Koningnu — umün ku, Israel üssanutti — Judunnu — umünba.

16. Dai dáwaja adukuttun dappai hallikakebén'biapa lujulattün lansiwa dai íri ukunnaria—la Ananias umün.

17. Ikka Ananias aussa hidda jumuniru, akudoa kia bahü ullukkumün, lissika lükkabbu ladiaku, lahakaka lumün : Dahukiti Saul ! Lui araijattoakubálibu jahamariattu waburukku 'lukku banikaruka Adajjahü Jesus ímekudakubá bibiti de, baddikinnibiaba bu, babbukünti baddia bullu amonnuai üssatti üjahü—la Ananias Saul umün.

18. Ikkaké tillipe ti dia ta attíkida takulukkuwaria, níkebé lui addikin üssa rén hiddaba : lakünnekoa, lussukusukuttoabute hidda.

19. Labujunnua adikki, lütattadoakubá lansiwa hidda. Ikka Saulus mattibiattu kassakkabbuhü ukunna majauquarubu la Damasconmünti Jesus kansissiannu amün.

20. Ikka uwaria ré luussa hidda ahakan Judunnu úkerki ullukkumün Christus ukunnamün ; kidduaheinikebé Gott aditti luikéwai—la namün.

21. Namorrúa akannabutti ladiän—pahia—ma lukkunnamün, nadiäka baddia : marradünhittikai lihi wakill kaimahü abbu Jerusalemmün namaqua akujabuati likidaha (Christus) íri umün, mandinnibu la baha jahamuteru baddia, landikittintije naha diáli akkürrahüa ipilti Priesternu umamüniru ? Luilikewai né !

22. Na Saulus amün namünnikoawa. Lumorrúa Saulus

hitté la kubá atattadunnua lukuburukkuamonnu, luma-diándükittaje Damasconkunnana Judunnu, ladittikittip lui Jesus-Christus likinikan Wüössadakoantini ukunnamün abbu je.

23. Juhurru kia adikki, Judunnu ahürrüküdäka nabbu-koawa, nadiäka baddia, hallika nanibia aparrüni Saulus.

24. Kan Saulus umün kamajana hiddan gidiamuttu nanihittissia lumün: ikka Judunnu ikittakutta abbanu umün kassakkabbuhü kassakkudahü ku tumaqua waburukku ukunnamän, naparrünti Saulus.

25. Namorrua abbanu Jesus kansissiannu aonnakai Saulus kassakkuda ukkuña, nawarukudukuttai abba tau abbu attimettaru (ipirrutu) habba ullukku bahü issiwaria wunabu müniru, (lattüddünti kaimatti lumän uria Stadt üjabo-
amaria.)

26. Saulus andin manika Jerusalemmün, jumünti Jesus kansissiannu amünninti, namorrua namaqua manswa kü na hammarun lubura, Saulus assikäti bu dannuhu—mä-kidduaheinin koa ta namün.

27. Barnabas kihia aonnakai lumamün, lakuñukutta abbanu Apostelnu ibitii, limissidabaje, hallika la Saulus waburukku lukkudi kubá addikini Adaijahü, hamahü la (Jesus) adiaka lumün ikka, hallikakebé la (Saulus) baddia mámarruñihüa ahakäka Jesus ukunnamün Damasconmün—la Barnabas abbanu Apostelnu umün Saulus amün.

28. Ikka Jesus kansissiannu umatti kuba i Saulus kassakkabbuhü umän. Mahabburihüa lui ahakahakadün Adaijahü Jesus tri ukunnamün abbämün;

29. Gidia ré la küddüküssinin Graecenü Judunnu umün baddia, namorrua nai awahüdda naparrünti i ibiti.

30. Gidia nanibenna akannabün lubukeinutti, nassikaka Cesariamuniru huma, juwaria niñekuda Tarsenmuniru ba i.

31. Gidia ta Gott ükkürküa kebettirakubá namünne-

koawa, abbanu lukkunnu umünekoawa ku, Judea ukunnamân, Galilea ukunnamân, Samaria ukunnamân ba, kaijuhukebé na kubá, (Gott) Adajahü umükanna rén aijahadda rubu na, nallua aijakuttunnua üssatti üjahü umün kidduaheintu ahaikadoahü ukuburukku abbu.

32. Petrus aijahaddün manika, addikAntije assikahittiti tumaquadimaria, landa assikatikunnu Lyddakunnana ibiti baddia.

33. Jumünniké luuttikai abbalüwai mabbunâti día mutti—liri Eneas—karritikubá kabbuintiman wijua ukkunnamân püllakoân lüjakkadakoana lukku.

34. Lihi umün ladiâka Petrus: Jesus Christus üssädalite bukarrin uria bu: bakünnekoate, büüssadate bóaja büjakkadakoana—la Petrus.

35. Nikebén lakünnekoabute hidda. Namaqua Lüddakunnana Saronkunnana mutti addikin i Eneas, nassikaka Wamallitakoanti äme baddia.

36. Joppe ullukkumünnika ba abba assikatu hiaru—tiri Tabitha—aboakâ Dorcas—nassia umün, kamaijanakúmuttu juhurrukebé üssattu tanissia, kamonaikatti umün majaunahüa tissikin namünhittissia uduña ba.

37. Ikkaké kia aussa karrin, tuhuda baddia: tipiru nanibenna assukussun, nassika Sura ubannan.

38. Jumünti assikâti umün kamaijana manika Petrus jahaddiän Lydda uria, Joppenmün ladumkin uduña; nimekudaje biamannu Wadilinu libiti, nakujabünti i, landinnibia namün (Lydda muniru) laddikAntije ukunnamün.

39. Ikka Petrus akünnekoa, lakunna nama hidda; landinbenna nibiti, namudükitta ahudaru ipiru amün i Sura ubanna: namaqua buttubatti hiarunu akaussâka Petrus; aijahü ullukku nadukutta baddia i tumaqua äkehü kar-rassoñe ku akkudahüssia aküssahüssia ba Tabitha umün kaktükoatanika.

40. Lumorrua Petrus akujukuttunbenna luuria je, lakullussibattoaka lukujabuaka ba, lissipudâka kianibenna kia ahudâru ipîru ibiti, hidiamuttu adian abbu : bakünnekoaté Tabitha !—la Petrus.

41. Ikka tütulluda takussiwa ; addikin tanikai Petrus, tubalta. Lumorrua Petrus abukutta tükkabbu, laküñekakutta hiddaban ; lissimakin beñaje assikâtikunnu buttubatti hiarunu mutti libitiwa, ladinamukittabu nassibumün kakütuwaiba.

42. Gidiamuttu amaijanattoakubá Joppen ukunnamân, kiahanna juhulli mahittika Adaijahü umün nallua ullukkua.

43. Kebennakün majauqua rubu la Petrus Joppenmün likidaha báka üdda üüssadahü álinkil—Gerberké—liri Simon üssiqua ullukkumün.

CAP. X.

CESARIAMÜNNIKA abba Wadli—liri Cornelius—naha Soldarunu uijuhu—Italica—nassiamün Capitain.

2. Gott äme assikâti, kansitti Wüüssadakoanti umün lüssiquamünti uma rén, assikitti juhulli kamonaikati umün namünhittissia, akujaboakoaremutti Gott umün.

3. Lui addika üssahuabu kassakkabbuhü ukufia, haddalli allammadatanika, Gott Wadaijahün Engel abba üraija 'lukku akudunnua lüssiquamün ahakâti lumün : Cornelius—la Engel.

4. Cornelius addika manika lukunna labukoa üja, ladia-ka : hammahü bu Adaijahüli ?—la. Engel aonnabaka ladiân : bukujabuan, buburuwattünhittissia kamonaikati umün addika hidda Wamallitakoanti löaja, kakkuburukkuakoan lumün ;

5. Kiahanna bimëkudaté Wadlinu Joppenmuniru, nannakinnibia i Simon, nassakilli Petrus, bumamonnurua.

6. Nauttikipai kassikoatikill bara üllebumün assudahüs-siaru üdda üüssadahü älin Simon üssiqua ullukkumün ; lui ké ahakâpa baninti ukunnamünnibu—la Engel. Cornelius umün.

7. Lakujunnuabenna Engel Cornelius uria, lissimakaka biamân lüssananutti, abbalüwai lamünniwakoarémutti Soldarunu ibeñatti, Gott äme assikâtikill namaré libitiwa ;

8. Ladiänibefña namün tumaquakebé ukunnamün, lifmekuda Joppenmüniru hiddaje.

9. Abba kia adikki, lifmekudussiannu waburukku lukku nanika Stadt ibiti, Petrus amuda Sura ubanna akujabua-hü ibiti haddalli wamün tanika.

10. Kianibenna hamussia i, ika läkinhittikuma. Üüssadün nanika lukuttunniwa, abuttadoa ti dia la ;

11. Laddika kassakku atulludutu, juwaria baddia ipîrutu hallirâru kimissa diamâru aekehü attûkudun, libiti lukullabulukku akkürrahüa tukunnamünnikoawa, attûkudahüka wunapud di.

12. Kia ullukkumünnikan tumaqua bibiti kakuttitu wunabu ubannattu illikin, tawadumuttu, aroadatu issehünnu baddia, kuddibijunu kassakku abbumuntu ku.

13. Ika abba kakannakükü muttu adiâhü adiâka lumün : bakünnekoaté Petrus, buparranu, bukutta tabbu—ta.

14. Kañ Petrus aonnabaka hiddin : takurru, Adaijahü ! mäkuttunnimakubá de abbâhün hamatalli iribétu—heidinu dissiaru küssa—abbu.

15. Ika tibiamatedunnua turraha adiâhü adiâka lumün ba : Gott amaribendahüssiakurru, méribéntinbupa.

16. Kabbuinihürén tanibefña anihün gidin, kia kimissa diamâru annikiddahükan kassakkumüniru hiddaba.

17. Hamahü baha daddikissiäbi, hallikakebé uduma gidiamuttu araijattoabi damün ?—Petrus tamün lukuburukkuamonnu lanika—hakannabate, iikka rén Cornelius

iñekudussiannu ahađákuttun benna Simon üssiqua ukunnamün, bahassubullemünnika hiddaje,

18. Nassimakaka ahađákuttun baddia Simon nassákilli Petrus adumkin tullukkumün ukunnamün.

19. Petrus akuburukkuattoakoalanika laddikissiäbikurru ukunna, araijattuti üjahü adiäka lumün hiddiamañ: baddittoali kabbuin Wadilinu awahüddabu bibiti;

20. Bakünnekoaté kiahañ, buttükudali, bakunte nama-rén, kidduaheini nadiän kurru bahá—mân buppa, dai dáwaja iñekudakuba bibitije—la üjahü.

21. Ika Petrus attükuda, lakuña Cornelius iñekudussiannu libiti amün, hiddia la namün: huballitábukill dailiwai, hañahü udumma handa jahamuteru?—la namün.

22. Naonnabaka ladiän: likidaha Soldarunu Adainassia, Capitain ké—liri Cornelius—assikâti wâbu, kansitti i Wüüssadakoanti ba, namaqua Juduñu umün kamaijanatti tuduñña baddia, lui umün ahakahükan araijattuti Engel abbu, loonnakittinnibia lüssiquamuniru bu, lakannabünti buuria üssattu adiähü ukunnamün—Na.

23. Lakudukuttunbenna je, ladumkitta baddia kia üssiquamünnibaje. Mauttia Petrus aussa hidda nama, gidia na abbanu Joppenkunnana assikâti baddia lumä rén.

24. Abba kiänibenna nandabuti Cesariamuniru hidda. Cornelius awâbadda nabbura hidda, lahürkedäka baddia je lahánu, lujuhunnu muttu libitiwa.

25. Petrus akudunnua manika lüssiquamün, Cornelius akunna Petrus erabuddikki, lutturruda lukutti umün akujabuan abbu.

26. Lumorrua Petrus aküñekukuttai hiddia lan abbu: bakünnekoali, lukku dai baddia rubuün—la.

27. Gidia lumükille adiän lakudoa, luuttika ahürrküdati uijuhu Cornelius üssiquamün.

28. Ikka ladiäka namün: hui humaqua aditta ballin,

Judunnu diissän ullukkudi maffallikebéje akunnun Gallettiju (Judunū maijuhumāssiañū) üssiquamün, kebettiran diarru namünnikoawa; kañ Wamallitakoanti löaja adit-tikittakubáde, hallikai kurru lukkuhu damuttāma—Wébenti kurru lihi, iribé ti dia mutti lui né—mān dāma abbānu.

29. Huballitānibenna de, hamahū kurru mallikuka ikiahaddunnua dandin hibiti uria de. Kiahanna hahakalite, hammahübia hoonnakitta hibiti de?—la Petrus.

30. Cornelius aonnabaka ladiān: bibiti kassakkabbuhū uwaria makuttunma hūa danika wakkarruhu diarru, ikkatukuba dakujabuan dassiquamün haddalli allammada manika. Bakannaba! abbakarén abba Wadili üssattu kallimettu ākehū lukufā adīnama dassibumün, hiddia la damün:

31. Cornelius, bukujabuan lakannaba Gott, üssattu kamonaikati umün banissiaru kakkuburukkuakoa i Gott ba;

32. Bimēkudalite Joppenmüniru, aonnakittin juwaria i Simon, nassākilli Petrus, adumkiti assudahüssia üdda tüssadāhū Alin—liri Simon—bara üllebumuntu üssiquamün, lihi andinbenna bamün ahakapa bu—la damün.

33. Kia adikki dimēkuda bibiti, üssanūwai bandinnibu damün (ukunnamün.) Gott umūkanna ahürrküdati wab-bukoawa hiddau wai wamaqua, wakannabünti tumaqua Gott ahakakuttassiaru bumünniu ukunnamün—la Cornelius.

34. Petrus atulluda lüllérukku, ladiāka hiddin: wakkarruhu dadittabute, kidduaheinikebé Gott akussi umūkanna namaqua lukkuhu hürrüküré kaijañān,

35. Namaqua ükkürküahünnu ibennatti kansihittiti i Wamallitakoanti, läme assikahürubumutti kansikittunnua hiñapa Gott umün.

36. Tukkudaha Wamallitakoanti wakilli Israelinu umün assikissia üssattu adiähü, aijumudâti tabbu kia andittiparu kebettirakoana Jesus Christus abbu hadittissia. Lihi kéwai (Jesus Christus) namaquakebé Adaijahün.

37. Hadittissia ba tumaqua anihüssia Judea uhurruru ukunnamân—tuussartu Gallileamün, Johannes aijumudas-siakubaru assukussähü adikki:

38. Hallika la Gott üssadakubá i Jesus, Nazarethkundikill, üssatti üjahü abbu, manswattu lätatta ukunna abbu ba; lui kéwai aijahaddakubá jahamaria tahamaria, üssattu kébé la kuba anín, üssadün baddia je namaqua jawahü umün aijulattahüssiannu tuuria, Wamallitakoanti lumatti kubá udumma—maru adiähü lukunnamün.

39. Kia tumaqua lanissia Judea uhurruru ukunnamân, Jerusalemmün ku, kidduaheinti ahakâti wai. Lihi (Jesus) naparrakubá, naijuhudukutta adda ukufia ba i.

40. Lumorrua Gott assimakakubá tekabbuinte ukunna ahudahü ullukkuwaria hiddaba i, lüraijattikitta namaquakebé lukkuñu umün kurru ballini.

41. Kañ wai likissidassiannu ahakati bia lukunnamün umün rubuün, wai—lakünnekunnuabenna ahudahü ullukkuwaria—akuttutikubánu, wattitikubánu luma re umün Gott araijattikittai Jesus.

42. Tatatu adiähü lissikissia wamün ba, wahakahakadün-nibiaje namaquakebé umün lukunnamün, kidduaheinihi ullukkudi mammarrunnihüa wanibia adiân, hallika la Gott assikakubái Jesus umün ütattähü, lüjaontinnibiapaje namaquakebé kakükoamutti, ahuduttikubanu ba umün nanissiakubá ullukkudi (najauna)—la wamün.

43. Lui ukunnamün baddia namaqua Prophetenu aijumujumudâka adiân hiddin: mahittiti lumün nallua ulluk-kua umân autikin nappa ahaikassialoanawa tumaq

namassikân uria lîri äme, nassikân uduña—maru Prophetenu Jesus ukunnamün; La Petrus namün.

44. Gidia koa lanika adiañ, üssatti üjahü andabu hidda namaqua akannabuttin ladian ädi.

45. Petrus uma andanu assikati Judunnu pahia—ma, üssatti üjahü uñniku assonnukahünbu baddia heidinu ädi udumma.

46. Nakannaba hinna Cesariakunnana abbâ—palettiju—adiañ ullukku ahakân namünnikoawa, üssanüwai man Namallitakoanti umün baddia.

47. Ika Petrus aonnabaka: hallikai baha ikiahaddama wai diamutti kabbukün üssatti üjahü namonnua, assukussähü uria je?—la.

48. Kiahanna lahakäka namün, assukussahünnibiaje narraha Adaijahü îri ullukkumün. Assukussaliañu akujaba hiñai namünnikoalanti abbanu kassakkabbuhü ukunnamün—na lumün.

CAP. XI.

JUDEAMÜNTI Apostelnu umün nabukeinutti umün ba kamaijana hiddan: heidinu annikinbenna Gott adiahü namonnua baddia.

2. Petrus andin manika Jerusalemmüniru, allukahüsiañu issîn üdda ibenna na uria—Judunnu keise—aimaimadai, hiddia na lumün:

3. Bui akudunnuakubá hiña heidinu üssiquamün, mallükünmassiannu—issîn üdda na uria—abbu bukutta ba—na.

4. Kañ Petrus aussa kainabân ahakân namün hiddin:

5. Joppenmün akujaboadanika, abuttadoati dia da kubá, ikka abba üräija araijattoa damün, ipírrutu halliraru kimissa diamaru äke, bibiti tukulubulukku akkürrahüa tuku—namünnikoawa attükudahün kassakkuwaria dibitimuniru.

6. Addikin danika tukunna, karaija hidda damünnin tumaqua bibiti kakuttitu wunabu ubannattu illikin, tawadumuttu, aohikiddáru issehünnü baddia, kassakku abbumüntu kuddibijunu ku.

7. Ikka abba adiáhü dai akannaba baddia, ahakán damün: Petrus baküñekoaté, buparrá, bukuttaté tabbu baddia—ta damün.

8. Damorrúa aonnaban rubu da: takurru, Adaijahü, abbákurru heidinu dissiaattu—iribé diamaru—akuttahü akudoa dallérukkumün—da.

9. Tumorrúa kia adiáhü aonnabaka dadián tibiamattedunnua kassakkuwaria hiddin: Gott amaribendahüssiáru, méribentinbuppa—ma.

10. Gidia ta anihün kabbuinihürén, kiänibenna tumaqua annikiddahüka kassakkumuniru hiddaba.

11. Ikka rén adinama hinna kabbuin Wadilinu dassiqua issibumün, ifnekudahüssiakubanu Cesariawaria dibitiwa.

12. Üssatti üjahü adiáka damün, dakunnunnibia nama ré—üssama kurru bahá!—mân dama. Narraha abbati-mañ wahukiutti akuña dama baddia, waiké akudoa kiani-benna likida Wadili üssiqua lukku.

13. Lui adiáka wamün ba: abba Engel araijattoa damün, adinamutti dassiquamün, ahakâti damün hiddin: biñekudaje Wadilinu Joppenmuniru, naonnakinti i Simon, nassákilli Petrus—bibitiwa.

14. Lihi ahakâpa üssattu adiáhü bumün, kaduñattupabu üüssadükittunnua bussiqua ullukkumünti uma ré—ma Engel damün—la wamün.

15. Aussündanika adián namün: Üssatti Üjahü andabute nai ádi, wakill attenennuwaria wâdi landin dîn.

16. Nikeben dakuburukkuattoaka hiddiamuttu Adaijahü adiassiakubaru adiáhü wamün ukunnamün: Johannes

assukussakubá wuniabu abbu, humorrúa hui assukussa-hüpa üssatti üjahü abbu— maru Jesus adianiwa.

17. Gott assikinbenna nai umün manswattu uiniku, wai assikatikubanu Adaijahü Jesus Christus äme umün lissikissiakubá dñ, hallikakebé mallikkukúmade dai ikia-haddunnua Gott uria je?—la Petrus.

18. Gidia namükile akannabün, haika hidda nakuburukku, üssanaüwai na Gott umün baddia, nahakaka ba: Gidia la Wamalli takoanti kanseboakubá je heidinu ku, nakul-kittanibia üssattu kakühü ibiti baddia—Na namünnikoawa.

19. Tuk kudaha Stephanus amün andáru aijulattahü ansi ukunnaria añebettutikubanuna urikoawa, akunnakunnada tuhu hurruru ubandi Phoeniciamuniru. Cýprus mutti, Antiochia ibiti ku, ahakaka Judunnu umün rubuün üssattu Evangelium.

20. Abbanu nebenti Wadilinu Cýprus kunnana, Cýrenakunnana mutti anda Antiochiamuniru, nadiáka Graecenu umün baddia kia semettu Evangelium Adaijahü Jesus Christus ukunnamün.

21. Adaijahü ütattahü namamünnika, ika ipírrutu uijuhu assikáka, nassipudáka aboattu uria, Wamallitakoanti ibiti.

22. Jerusalemüntu Gott ükkürküa umün kamaijanibenna kia tumaqua, niñekudaí Barnabas juwaria, akunnun lanibia tuhu hurruru ubandi Antiochia ibiti, laddikántije.

23. Barnabas andin manika jumuniru, laddikin beña Gott assikissiáru üsseikahü namün baddia, habbuhürikaí, lukujabakaje namaquakebé: tattaré assikákoananibia Adaijahü äme nallua ullukkua.

24. Lihi (Barnabas) assikati wábukubá, lullua baddia ibé üssatti üjahü abbu, mahittikumahü abbur ba. Ikka manswattu uijuhu ajuwedoa Adaijahü umün.

25. Barnabas akujoa kiänibeña Tarsenmuniru, luwahüd-

dünti Saulus ibiti ba: luuttikinbennai lakunnukutta Antiochiamuniru i.

26. Jumuntu Gott ükkürküa amünniwakoanakubá abba akoadaru Wijua, namallikuttá Wüüssadakoanti ukunnaje ipírrutu uijuhu, kiahanna namallikuttassiannu Antiochiamün assákuttoakubá Christiani atteñenuwaria namaqua uburadi.

27. Ikkarén Prophetenu anda Jerusalemwaria Antiochiamuniru.

28. Abbalüwái nebenna, líri Agabus, aküñekoa, adittikitta üjahü abbuje, aijumudán hiddin: abba manswattu hamussiahü andin hinnapa namaqua wunabu ubannamamutti amün—la wakill tuburamün. Kia kéwai anda baddia Claudius Kaiser manika nakunnamün.

29. Kiahanna Jesus kansissiannu—wamünin ullukkudipa wassikassikadün wamaqua umán, waburuwattüntije wabukeinutti Judeakunnana umün—na namünnikoawa. Gidia ré nanissiakubá baddia, nimekudukutta kianibenna nassikassikadáru Barnabas Saulus mutti umün jumünti tujukúti ibiti.

CAP. XII.

IKKAKE Koning Herodes abukuttaje abbanu assikáti ukuburukkuwaria, luijulajulattünti nansi.

2. Luparra baddia kassiparra abbu i Jacobus Johannes uhukiti.

3. Addikin lanika Judunnu habbuhiritalisi haikanije ukunnamün, hitté rubu la kaiman, lubukutta baddia i Petrus. Ikka dissiänikubáje Judunnu akuttun maburahadikittu mehli abbu.

4. Lubukuttunibenna i Petrus, lissika Siba ullukkumüni, likittákutta bibitinu hürükan uijuhu Soldarunu umün baddia i, luputtikittahittika Ostern addikki Judunnu issibumünni.

5. Petrus ikittákuttahüka Siba ullukkumün ballin, kañ Jesus kansissiannu akujabarakoarë na Gott umün lukunnamün.

6. Kia kassákkuda ukunna, kadikkitu Herodes adinamukittahittika Judunnu umüni, Petrus adumka biamá Soldarunu annakannirukkudi, lükkabbu akkurrahüa biamakallena abbu, abbanu ikittáti ikittáka kia bahü issibumün ba.

7. Hakannabaté, abba Adaijahü Engel araijattoabuté tuhu bahü üttakarra ullukku, abba aruleti akünda tullukkumün ba; lihi Engel aburukai Petrus aruma ukunna, lahannubukittai, ladiaka lumün: bakünnekoate mehérahuábu. Nikebén lükallena attikida lükkabbu ukunnaria hidda.

8. Adaijahü Engel ahakaka lumün ba: badepussudolité, bussappatu bussika bukunnawa—la. Ikka Petrus anika hidda ladián ullukkudi. Kiahanna lui Engel adiáka ba: bultada wadikebémuttu bukapúti bukunna bakunte dainabu—la.

9. Apüttikidin lanika, Petrus akkodáka lukunna, mákidduaheinínkoa lumün gidiamuttu Engelnu abbu anihüssiai ukunnamün, kañ abba araijattoaru issibu üräija ti dia ta kubá lukuburukkuamonnua.

10. Gidia nanibenna akunnun attenennuattu ikittákoanannutti Soldarunu uijuhu ukuburukkudi, tibiamattetu diamaru tumoñuatu üijuhu añakannirukkudi ba, nanda kia siparallitu bahüssibu, Stadt ullukkumuniru nakudoakowanawa, ibiti hidda; turraha atulludoabu toaja naburahü. Apüttikidin nanika, nakunna abba Waburukku üssiqua arilukkutu ullukkudi, ika nikebén Engel amaraijattoaluuria.

11. Petrus addikoa lanika lumoñua, ladiáka: wakarruhu dadittabute, kidduaheinikebé Adaijahü imekudakubá lui

Engel dibiti, lui ké apussida Herodes tikkabburukkuwaria de, Judunnu kaimahü abbu awahüddün dibiti uria ba—la.

12. Gidia lumükillé akkuburukkuattoan, lakufia hidda Maria—Johannes nassakilli Marcus uju—üssiquamuniru, jumuntu juhulli ahürkedäka akujaban baddia.

13. Petrus akulattün manika bahüssibu ukunna, abba ikittakoantu—tiri Rode—anda tamün tadittinnibian.

14. Takannabün beina Petrus adianiwa, hallikebbehü udumia mátulludun rubu ta bahüssibu, tädallida nibiti tadiäka namün : bahüssibullemünnikai Petrus—ta.

15. Namorrua aonnaban tadiän : Aijauditu á bui baha ! —na. Tahamuté rubu tadiän—kidduaheinikebé luilikewai—ta. Kiahafia na hiddaba : Petrus Engel baha lihi né—na.

16. Kañ Petrus hitté rubu la akulattün. Atulludun nanika lubura, naddika hiddai—pahia—na abukoahü üja abbu lamün.

17. Kañ Petrus lükkabbu abbu lanibenna awadün, majauqua nánti, ladiäka namün, hallikakebé la akunnukutunnua katattadükoanattu bahü ullukkuwaria Adaijahü umün, ika lahakäka namün ba : kia tumaqua amaijanattoanhali Jacobus umün, wahukiutti umün baddia.

18. Luputtikidin benna nassiqua ullukkuwaria, lakufia abbamuniru. Harrunnaha manika, ni rubu kurru nabukoa üja Soldarunu, hallikaké anihünbennai Petrus ukunnaria.

19. Herodes maüttikin lanikai Petrus lowahüddünnibenna libitiwa, lahadakuttun baddia je Soldarunu ihittaran ukunnariattu adiäkoana bahü ullukku abbanu umükanna, injurukutta abbämüniru je, nabbukünti naijauna. Lui allumussoabu baddia Judeawaria Cesariamuniru, jumüniké lüssikoattoa hidda.

20. Ikka Herodes ahodoahittika Týruskunnana Sidonkunnana mutti ibiti, namorrua hürrikuré na anda lamün, nattikidänibennai Koning ipilti üssanti—liri Blastum — üwüsseikadahitti na luma: nahurrurukunnana abujakubá hiña Koning uhurruruwaria ukunnaria.

21. Ikka abba ikissidahittu kassakkabbuhü ukuña, Herodes assika üssattu Koning dissiaru äke lukunna, lubalta adaijahü abaltikoana adiáku, lahakaka abba wadi-kebémuttu adiahü namün.

22. Kiahanna lukkunnu assimakaka hiddin: lukkuhu adian kurra turraha, Gott adiánwabu tuhu né!—na lamün.

23. Ikka uwaria rén abba Adaijahü Engel aburükaka i, ladaijahükittunnua hittin kurru i Gott uduña; lipíru ákehükan issehünnu umün, luüboa ahákubün tukunnaria baddia.

24. Tumorrúa Gott ukunnamüntu adiahü attabáka tumaquadi, hitté rubu ta kauahünnán.

25. Barnabas Saulus mutti aninbenna kia naijuhunnu adiasia namün ullukkudi, nakujoabute Jerusalemwaria hiddaba, naonnaka Johannes, nassákilli Marcus namawa Antiochiamuniru i.

CAP. XIII.

GOTT ükkürküa Antiochia amünnikubá baddia hiddia mutti Prophetenu amallikutta koananutti ba: Barnabas Simon mutti—nassákill Niger—Lucius Cýrenekundi baddia, Manahen ibikiddoati ipilti Adaijahü Herodes uma ba, Saulus ku.

2. Gidia nanika ikittan Gott umün nakujabuan abbu, makuttunuman abbu ba, üssatti üjahü adiáka: hanuwate Barnabas Saulus mutti hañakannirukkuaria, (humon-

nuawa,) naninibia tukkuda, kibitittukubá de dawaja assimakanijé—la namün.

3. Kiahanna makuttun ma húa nakujabuaka, nassika nakkabbu nassí adiaku, nakuñukutta na uriaje.

4. Nai üssatti üjahü ifiekudahüssiannu anda hidda Seluciamün, juwaria naussa barádi meju ullukku Cýprus uhurrurumuniru.

5. Andin nanika jumünditu Stadt—tiri Salamis ullukku-mün; namaianattoáka Gott ukunnamüntu adiáhü Judunnu umün nahürküdakoana ullukku; namakuba baddia i Johannes, likittantije.

6. Naija haija haddün benna kia kairi ubandi Paphos muniru, na—uttikai abba semetti, mullikatikill prophet, Judu ké—liri Bar Jesus—

7. Lui adumka Gouverneur Sergius Paulus—kaku-burukkuatti Wadili—üssiquamün. Lihi Adaijahü assimakinbenna libitije Barnabas Saulus mutti lakannabahitika Gott adiáhü ukunnamün.

8. Kañ semettikill, assákuttuti Elymas ku, ikiahaddoa nauruai, jura lañsi baddia aubukuttuni lihi Adaijahü Gott áme assikan uria.

9. Saulus—nassákilli Paulus—ullua ibé ussatti üjahü abbu, laddika lukunna, ladiáka lumün:

10. Jawahü aditti ké bui, bullua ibé tumaqua mullikahü abbu, simikahü abbu ba, tumaqua üssarémahü umün kaimatti wábu bui, maübunnuarubuhittikabu amullikattoanije, aboahüddün tabbun Gott ibitittu waburukku ba uria.

11. Badittoali kiahañ! Adaijahü ükkabbu burabuddikibute; makussittipabu, kebennapa bui maddikinnin haddalli ükallimé—la Paulus lumün. Nikebén lakussiwa awulirukkuddoa, mappa laddikin hidda: aijahaddün lanika lowahüdda abukuttuti biai, akunnukuttunti baddia i ibiti.

12. Gouverneur addikin manika gidiamuttu anihüssia, lahittika Wamallitakoanti umün lullua ullukkua, pahia—la Adaijahü ukunnamüntu adiähü amün baddia.

13. Paulus lumatti mutti aussün benna meju ullukku Paphos uria, nandabute hidda Pamphilia kunduttu Stadt—tiri Pergenmün. Lumorrua Johannes akunna nauria, lakujoa Jerusalem muniru, loaja likissitu, hiddaba.

14. Aijahaddün nanika Pergen uria tubu hurruru ubandi, nanda Pisidia kundu Stadt Antiochia ullukkumün, jumün nakudoa Saterdaka ukunna kerki ullukku, nabat-tabu ba.

15. Statuta diamaru adiähü nanibenna alesedün, Prophetenu anihüssia baddia, kerki ikittakoanti assikitta hid-diamuttu adiähü namün: Wadilinu, Wahukiutti, abba üssattu adiähü hadiänika, kabbuttukubama hahaikadün abaltiti ukuburukku, hahakäpa kiahän—la.

16. Ikka Paulus akünnekoa, lowada lükkabbu abbu je, lahakäka hiddin: Israelinu Wadilinu, assikahittiti Gott äme, hakannabate:

17. Tuhu Israelinu ükkürküa umallitakoanti ikissidäkaje Waburatti, lipirruttoan kia ükkürküa, Egiptenmün ab-bawariätti dia nanika: manswattu lütattahü (lükkabbu,) abbu lakunnukutta kia uhurruruwariaje.

18. Biama lukkuwijua ukunnamän üsseikarubulakubä namün jakketa mälukkunniaurkillimün, ballika namassi-kandunnua aboakä läme.

19. Chanaan ukuburukkuwaria biamattiman ükkürküa—hünnu lanibeña arradün, lui allukkudäka tuhu hurruru nawän, nawaja nän bian.

20. Kia addikki lissika namün (Richternu) Nadaijanas-siannu bia, bibiti hundred funfzig wijua ukunnamän Pro-phet Samuel muniru rén.

21. Ikka uwaria nakujabaka Wamallitakoanti uria, lissi-

kintije abba Koning (ipillibésábuti Adaijahü) nádiwa: kia ullukkudi Gott assikissia namün i Saul, Kis aditti, Benjamin ükkürküa ibennatikill, biama lukku Wijua ukunnaman ba.

22. Luübukuttun benna i Saul Adaijahüni uria, landikittai David, Koning biai nádi, kakunnamünkill lui lóaja hiddiakubá adian: dauttikai üssatti Wadli David, Jesse aditti, dansika daddikissiwai, lui ké anpa tumaqua dansissia ullukkudittu báddia—la Gott David ukunnamün.

23. Lihi (David) adikkiti uria, Gott aputtikidakubai Jesus, Israelinu Üüssadakoanti bia i, lóaja wakill lisikissia adiähü ullukkudi.

24. Johannes aussün manika ahákahákadün Israelinu umün bänja, Jesus uburadi, kia assukussähü, nakuikitanti Namallitakoanti ibiti ba ukunnamün.

25. Lumorra Johannes ahákahákadünbenna Jesus ukunnamün, ladiäka: hallika ha baha damün?—ma. Christus kurru dai! kañ haddittoali, andittipali dainabbu umün maijaunnattide dapuldin lüssappattun lukutti uria—la Johannes—ma Paulus namün.

26. Ikka aussün ba la: Wadlinu Dabukeinutti, Abraham adikkiti, humaqua assikahittiti Gott äme mutti, hadittoali ba, hui kebé ibiti tuhu üüssadakoanattu adiähü imekudahüssia hinna.

27. Jerusalemmün kassikoati, nadaijanassiannu mutti madittinmaní balliti nalesidün tumaqua Saterdaka uma tukkuda Prophetenu lukunnamün aijumudassia adiähü nakártan ubannamün, kihia waparrüpai—nän uduña anissia hidda Prophetenu abullitin ullukkudi harran.

28. Máuttikin nanika hammatalli, kakunnariattuma haikant, kihia nakujabaka Pilatus uria luparrükittunnua ukunnamün.

29. Tumaqua wakill abulitahüssia lukunnamün ullukkudi

nanibenna aübunnua adikki, nannikan lipiru kreuz ukunnaria, nassika hitti ullukkumün hiddan.

30. Lumorrúa Gott assimakakubá ahudahü ullukkuwaria ba i,

31. Juhurru kassakkabbuhü naddika baddia i-lumaré andanu Gallileawaria Jerusalemmuniru, nai ké ahakáka naddikin ullukkudi lukkunnu umün lukunnamün.

32. Waikiahāñ amaijanattoabuté hü tukkuda Gott waburati umün lóaja assikakubáru aijumudān adiāhü ullukkudi; lanissia hidda wamün—nassanutti—harran, lissimakin ahudahü ullukkuwaria ba i Jesus, abbu.

33. Kiaké uduña Gott abulitikitta Prophet David umün: bui ké daditti wābu, dannuhu dai kassá bu—la kubá Jesus ukunnamün.

34. Gidia la hiddaba lissimakini ahudahü ullukkuwaria, lipiru máturunmānti ukunnamün ba: tumaqua dagnaden dassikissiabiapa humün ukunnamün kubaru dadiān David pmün, danipa kidduaheinikebé hü—la Gott.

35. Kiahāñ David abbāmün hiddaba: bui (Dadaijahün) mansipa, üssattiwābukill ipiru turunnibia wunabu ukkurukkumün—la Jesus ukunnamün.

36. David aninbenna lükakümān Gott kansissia ullukkudi, luüboa ahākubün, kiänibeña lipiru assikahüssia littinatti ipiru amün, turunnikubá bān.

37. Lumorrúa Gott assimakakubali ahudahü ullukkuwaria ipiru máturunimakuban.

38. Lihi kéwai umün adittikittahükabute wakkarruhu kia ahaikassiakoanawa tumaqua humassikan uria ukunnamünhü.

39. Hadittoadi! Wadilinu, dabukeinutti! lui äme assikati üssadükittupa baddia, tukkuda Moses assikissiakubáru Statuta mamallimassia apussidinnije uria kebé lumün.

40. Adittunnuakebé hali humonnua, mandinmanibia hiddiamuttu Wamallitakoanti Prophetenu umün ahaká-kuttussia, hukunnamün:

41. Haddikate amuttárubumuttide, pahia—háli, aboa-hüddunnuarubu huppa, hūkassakkabbun ukunna danibute hammatalli ipírrutu, kakunnamün ahakahüparukahü, hui mammallikebépa mahittiññ hullua ullukkua—maru kubá Gott Prophetenu abbu—la Paulus.

42. Juduñu aputtíkidin nanika kerki ullukkuwaria, heidinu akujabakaje Paulus Barnabas mutti, Sondaka arilukku nahakánti gidiamuttu adiahü namünniba ukunnamün.

43. Ahürküdati aputtíkidinbeña harran kerki ullukkuwaria, juhulli Judunnu, assikati Judunnu biahittiti mutti akkodáka Paulus Barnabas ku ukunna, üssaremutti adián namün, aijumudanije, Gott ügnaden amünniwakoarenama.

44. Abba Saterdaka kia adikki, juhullikebé Stadt ulluk-kumünti ahürrüküdaka nabbukoawa, nakannabünti Gott adiahü.

45. Juduñu addikin nanika manswattu naijuhu, simikarubuna, naussa kiahāñ adiadiadün Paulus ahakassiäbikurru üjalukku, imítamítadün badián.

46. Namorrua Paulus Barnabas mutti mañmarunnihiä adiaäka namaqua umükaña hiddin: üssakubá ballin, wahakanibia Gott ukunnamüntu adiahü humün bānja, humorrua hóaja hubulledünbenna huuruan, majauna ti dai ha mannikinhattin kia imēhuabuttu kakühü humonnua, wān udumma wakunnupa tabbu huuria heidinu ibiti.

47. Hadittoali kiahāñ! Gidia la kubá Adaijahü wamün: Dai assikakuba hü, aruleti diahanibia akündün heidinu umün, nüwüssawa nauttikinti namaqua wunabu ubannatti damün habbu—la Gott wamün—morubu na Paulus Barnabas mutti.

48. Heidinu akannaba nanika gidiamuttu, hallikebbé ku na namonnua, üssanüwai na baddia Namallitakoanti ukunnamüntu adiähü uduña: Gott äme assikâka ba nai likissidahüssiannü imehuabuttu kakühü ibiti harran.

49. Ikka Gott adiähü attabâka tuhu hurruru ukunnamân.

50. Kañ Judunnu attikidâkaje assikahittiti, üssatti hiarunu ba, abbanu jumünti Adainassiannu mutti Apostelnu üjalukku, naijulattüküttantije Barnabas Paulus mutti ansi, nabulleda nakkabbura uria baddia je.

51. Namorrua Apostelnu apaddukuda kattullehü nasappattun ukunnaria nâdi; kianibenna nanda Iconiamün hidda.

52. Ikka namallikuttassiannu ullua ebekittahüka üssatti üjahü abbu, hallikebbéhü abbu ba.

CAP. XIV.

ICONIAMÜN Apostelnu ahürrüküda nanika Judunnu ükerki 'lukku namâ ré, nahakahakadün baddia Wamallitakoanti ukunnamünnije, kiahanna juhulli Judunnu Græcenu mutti assikaka hidda.

2. Namorrua mássikanikoamutti Judunnu attikidâka aimahâkuttábáddiaje heidinu, Jesus kansissiannu üjalukku.

3. Jumünnikakoan Apostelnu kebennakün, mammarrun-nihüa nahakâka namallikuttan Wamallitakoanti ukunnaje, Adaijahü ikidduaheinta baddia lügnaden ukunnamüntu nadian manswattu Apostelnu ükkabbu umün anihüssia abbu nadittikoanawa.

4. Kiahañña naha Stadtkunnana uijuhu añebettoakubá naurikoawa; abbanu Judunnu umattikuba, abbanu kebet-tiraka Apostelnu uma ba.

5. Heidinu Judunnu mutti nadaijanassiannu uma alamu-

lukku da nanika, naijulattüntije Apostelnu ansi, aijakun Siba abbu baddiaje.

6. Gidiamuttu tamibeña kamaïjanân namün, nattüdda juwaria, Lÿcaonia uhurrurumüntu Stadt, tiri Lÿstren Derben ku munru, tikiraddi maria ba.

7. Jumünniké namaïjanattoa semettu Evangelium namün.

8. Lÿstramünnikai abbalüwai beléti, lui Wadili luju kaddibeju 'lukkuwaria aputtikidittikubá beléhüa, maijahaddünkoamassia i, ballákoa rubu la.

9. Lihi akannaba Paulus adiân; Paulus addikin manika lukunna, laditta hidda lulluamonnua, karitikirill umün kid-duaheinin hinna Wamallitakoanti mallikükuma üüssadüñi lükarrin uria;

10. Lan udumä Paulus kakannaküku adiân lumün: missirébupa adinamün bukutti abbu—la. Nikebé belé-tikirill addehüdda, lüjahadda baddia.

11. Addikitti uijuhu Paulus anissiäbiru, kakannaküku na assimakäka hürküren Lÿcaonia adiân ullukku hiddin: Umallitakoanânutti lukkunnu dia na buté wakkarruhu; nattuküda aijumüneria wibiti hiña.

12. Nassäka kiahanna i Barnabas Jupiter, Paulus naritai Mercurius, kainikatti ladiân namün udumä.

13. Kia Stadt issibumünti Jupiter üpriesternu anda bäka abbu, kanetta abbu ba Apostelnu üssiqua issibumün, Osser hittiti ahurruduttu lukkunnu uijuhu umaré namün—nüwüsseikadüköanawa—

14. Gidia na mükille akannabün Paulus Barnabas mutti, nattükeda nawaja nakunnattu ükapputin, nadallida bahasubulemünti uijuhu ukkuburukkumün, nassimakaka, nadiäka namün:

15. Wadilinu, haffa bia gidiamuttu hanin? Lukkuhu wai hüa, ahudutti bia baddia u hui dñ, wamaïjanattoerubu

hü hüssipuddünnibia gidiamuttu makuahüttu aboattu uria kaküttiwabu. Wamallitakoanti ibiti, amallititi kassaku, wunabu baddia, bára, tumaqua tirrakumuntu ku.

16. Usseikahü abbu lihi addikakuba wakill heidinu aijahaddün nikissitu waburukku ullukkudi.

17. Kibia maübunnua rubu la na uria, juhurru üssattu lissikinniu kassakkuwaria, likikittau Wuin wuraru ukkuburukkuwaria, wabunnahüssia assammukudoa tuduñia ba, gidia la kubá baddia ebekittinniu Wallua abujoahü abbu, hallikebbéhü abbu ba—Na Apostelnu namün.

18. Gidia nanika adiän jurahü 'lukku ansi naübukutta hidda naosser uria je.

19. Ikka Antiochiawaria Iconiawaria baddia anda Jundunnu jumuniru, attikidákaje ahurrudutti lukkuhu Apostelnu üjalukku, najuka! Paulus Siba abbu, najjuruka Stadt ullukkuwaria baddia i, nikissida haika hiñai Paulus.

20. Lumallikuttassiannu nanibeña akaussáni Paulus, lakünnekoa hidda, lakunna Stadt ullukkumünniba. Abba kianibenna lui aputtikida juwaria Barnabas uma, Derben muniru;

21. Namaijanattoanibennan üssattu Evangelium jumünditi umün, namallikuttan tukuña baddiaje, nakujoa tullukkuwaria Lýstra, Iconia, Antiochia muttu muniruba.

22. Jumünnike natattadoa namallikuttassiannu ukkuburukkuwa; najjumudáku baddia je mahittinkoarenanibia Nüüssadakoanti umün nallua ullukkua; juhurru kamonaihü ullukkudi wai wamaqua akudunnuamappa Gott adaijahükoana ullukkumuniru uduña.

23. Gott ukkürküa umän ukuburukkuwaria nikissidani-bennaje abbanu, tujuküti bia, nakujabuan amün, nassikin nakkabbu nassi adiáku abbu, mákuttun rubu na húa akujabuaka Namallitakoanti umün, lirekedintije mahittikunnu lumün lumonnua ukunnamün.

24. Gidiananibenna akujunnua juwaria, akuñiakunnadin Pisidia ubandi adiñki, nanda Pamphylia mün hidda.

25. Pergenmün nadiñanibenna Wamallitakoanti ukunnamuntu adiñhü namün, nanda Attaliamün hidda.

26. Juwaria naussa báradi meju ullukku Antiochiamuniru, juwaria nimekudahüssiakuba Gott üsseikahü abbu naninti tukkudaha dannuhu naübussiaru ibiti.

27. Andin nanika Antiochiamün, nahürrüküdakuttaje Jesus kansissiannu nabbukoawa, nadiñaka namün tumaqua Wamallitakoanti ipirrutu anissia nabbu ukunnamün, halika la baddia löaja atulludün Heidinu ullua, nassikanti läme—Na namün.

28. Ni rubu kurru Apostelnu jumüti namallikuttassiannu amünnikoakuban.

CAP. XV.

ABBANU anditi Judeawaria, amallikuttäka hidiamuttu ukunnaje Jesus kansissiannu: mällükittunnua hü paruka hissín üdda ibenna huuria, Gott assikissiáru Statuta Moses abbu ullukkudi (Judunnu dissian ullukkudi ba) mammallipa hüüssadikittunnua—na namün.

2. Gidia nanika adladadün narabuddikkikoawa tukunnamün, aimahähittin baddia kia ukunnaria, Paulus Barnabas mutti tattatu adiñhü nanibenna assikinnije: hürküré na adiñ: wassika, wakuñukuttupa Jerusalem muniru Apostelnu tujuküti mutti ibitije Paulus Barnabas ku, abbanu webenti baddia tuhu ahadakuttakoana uduña—na namüñnikoawa.

3. Jumüti assikati assikanibenna nama, naussa juwaria, Phoenicia ubandi, Samaria ubandi baddia, nadiñaka namün: heidinu assipudän hiña Wüüssadakoanti ibiti ukunnamün, nahallikebbeda tabbu je nallua umän.

4. Jerusalemmün andin nanika, Jesus ükkurküa, Apostelnu mutti, tujuküti baddia annaka (hallikebbehü abbu) nama: ikka namaijanattoo hidda namün, hallika diamuttu juhurru üssattu Gott anissiakuba nabbu.

5. Kañ abbanu Phariseernu ibenti assikatikubánu baddia araijattoo wannakannirukku, ahakáti hiddin: Moses assikissia Judunnu umün Statuta ullukkudi ré háli anín, alükittunnua hissín üdda ibenna huuria—na—la Paulus.

6. Kiahanna Apostelnu tujuküti mutti ahürküdáka nabukoawa, nadittinti namonnua tukunnamün.

7. Mammallinnibenna hürkünniye nabbukoawa tuduñña, aimaháhittinanika ba, Petrus aküñekoa, adiáka namün hiddiamañ: Wadilinu, Dabukeinutti, haditta hinna, wakillikebé Gott ikissidáka hanakannirukkuwaria de, heidinu akannabüñibia kia semettu Evangelium dallérukkuwaria, táme nassikánti ba.

8. Gott adittiti wallua uñnamuntu adittikitta kia baddia je, lissika üssatti üjahü namün ba wai dín.

9. Lui kurru apukuda wauria je, lanibenna amaribendünniye nallua, mahittinniye lumün nallua ullukkua abbu.

10. Hañña bia kiahanna hikissidün i Wamallitakoanti, assikin diarru küddükumuttu wamallikuttassiannu unnu-raddün, Wattinutti wai baddia mámmallissia annikinnín?

11. Kidduaheinin húa wamün, Adaijahü Jesus Christus ügnaden umün üüssadükittunnua rubu mappa wai, nai namaqua baddia—mo-rubu la Petrus.

12. Ikka naijuhu amôndadoa, nakannaba Paulus Barnabas mutti adián hallikakebemuttu ipírrutu manswattu, nadittikoanabiattu, Gott anissiakubá heidinu ukuburukku nabbu.

13. Narraha aübunnuabeña adián, Jacobus aonnabaka, hiddia ré la namün: Wadilinu, Dabukeinutti, hakannabaté:

14. Simon adittikittibi wamün, hallika la kubá Wamallitakoanti addikanije heidinu, annikin abbanu nannakannirukkuwaria lumonnua ba je, lükkürküa nanibia assákuttunnua.

15. Kiahañ tukkuda Prophetenu wakill tuburamün aijumudæssia abulitin hürrüküka kia tumaqua tabbukoawa, hiddia na:

16. Kiänibenna dandipa ba, aijalukkududün dappa kia akkurrurussuttu David akujabuakoanattu üssiqua, tukuña aboahüddáru düüssadüpa, amudikittin tittikidaru ba.

17. Namaqua aübutti lukkuhu nanibia awahüddün dibiti, gidiakebé namaqua heidinu, kakunnumün assimakittahün dai iri—la Wamallitakoanti anitikill tumaquakebé, lóaja ahakakutta wamün — maru Prophetenu — ma Jacobus.

18. Ikka ladiásabuka hiddin: Wunabu aussünwaria ré Gott adittissiahüan tumaqua lanissiakubá.

19. Kiahanna üssama, heidinu ukuburukkuwariättikunnu akuikittan Wamallitakoanti ibiti, mammallin ukuburukku manibiau.

20. Wamorrus abullitinwappa namün, aübunnua nanibia makidduaheinti namallitakoananutti äme assikan uria, Wurehü uria ba, mákuttunmánti toaja ahuduttu illikin abbu ku, tütteñahü abbu baddia (Judunnu dissian ulluk-kudi.)

21. Wakil uwaria Moses kamünnikaje tumaqua Stadtmün ahakati lükunnamün, lükärtan baddia alesedahükan Judunnu ahürküdakoana ullukku Saterdaka ukunnamân —da damonnua—la Jacobus namün.

22. Ikka üssa ti dia ta kubá. Apostelnu umün, tujuküti mutti umün, assikati ükkürkua umân, umün baddia; nikissidanti nannakannirukkuwaria je Wadilinu nimekudünnibia ba Antiochiamuniruje Paulus Barnabas mutti

uma hiddiamutti: Juda, nassakilli Barsabas, Silas ba; nai ké Ebébenu diáli kubá assikati añakannirukku hinna.

23. Nai umün nassikitta hiddiamuttu abulitiissia karta (namün): Hui Wahukijutti heidinu ukuburukkuwariätti umün, Antiochiamün, Sýria, Ciliciamün baddia; tumaqua üssahü hamünnipa!

24. Wai Apostelnu tujuküti mutti, hubukeinutti ku umün: kamaïjananibenna abbanu webennaria akunti namallikuttân ukunna assinakitta hittinnihü, ámahallikebbedün tabbu ba hullua, ahakañanika humün, allükittunnua hanibia hüsslü üdda ibenna huuria, anin tukkuda wamün assikahüssia Statuta diamaru ullukkudi ba; wai máhakañnimahüa je.

25. Wahürküdünbenna wamünnikoawa, üssahuabu adiân wabbukoawa tukunnamün, üssa ti dín kubá wamün, ikissidanije Wadilinu, akuntibia Wansissiannu Barnabas Paulus mutti uma hibiti.

26. Assikitti kubánu nakaküwa naurua Wadajahün Jesus Christus tri uduña kewai narraha.

27. Wimekudussia kiahannaje Judas, Silas mutti humamün, nawaja nadianiwa abbu amaijanattoakebé nappa hiddiamuttu ukunnamünnihü.

28. Üssatti üjahü kansin ulukkudi wai baddia kansikuma, abbakan kurru küddütu — tattatu — adiahü abbu wajulattükü hansi, tikinnikan üssakebémuttu adiahü wassikipa humün: aübunnuakebéhuppa mákidduaheinti (heidinu.)

29. Umallitakoananutti áme assikân uria, Wurehü uria ku, mákuttun háli toája ahudáru illikin abbu, tüttennahü uria baddia. Kia uria huüboaparuka, ikka üssapa hanin. Üssakebéhali humaquá! — Na Jerusalemmünti Apostelnu kubá abulittin namün.

30. Narraha üüssadünbefia naddikoa, nakujua juwaria

hidda, nanda Antiochiamün, ahürküdakuttunnanibena je assikâti uijuhu nabbukoawa, nassika nabbuküssia tikârta namün.

31. Kia karta nalesidinbeña, hallikebbé kû na tullukku nauttikissia ahaikadahü nakuburukkuwa ukunnamün.

32. Judäs Silas mutti, Prophetinuwâbu nai baddia, aijumudâka juhurru nadianiwa abbuje nahukijutti, natat-tadün nansiwa ku.

33. Mattebiattu kassakkabbuhü nanibenna ebentân namün, jumünti nahukijutti üsseikahü abbu akujúkutta Apostelmüniru baje.

34. Lumorrua Silas lóaja lansin ullukkudi majaudoa jumünnikoa.

35. Kañ Barnabas Paulus mutti Antiochiamünnikakoa, namallikuttâka Adaijhü adiân ukunnaje, namaijanattoakan juhulli abbanu uma namün kiakewai ladiâniwa.

36. Mattebiattu kassakkabbuhü adikki, Paulus adiâka Barnabas umün: wassika, wakunnali ba, waddikântije wahukijutti tumaqua Stadt ukunnamân, kallukkumünnikubá wahakahakadün Adaijahü adiâhü ukunnamün, hal-likakebé na dannuhukoa—la Paulus Barnabas umün.

37. Ikka Barnabas adiâka: üssama annikin wamawai Johannes, nassâkilli Marcus—la.

38. Lumorrua Paulus aonnabaka ladiân: wama kurru, aussi rubuün lui akujoa hinna wa uria, Pamphÿliamün wanika, aübün diarru wüwüssia, makunnunnimahüa i wama tukkuda wanissiabiattu ibiti—la Paulus mansin uduñai Barnabas umün Johannes ukunnamün.

39. Kiahaña naimahittika naijalukkukoawa, nafiebettoa hidda naurikoawa; Barnabas annika lumawai Marcus, newéladoa meju ullukku Cýprus munîru. Ikka Paulus ikissidâkai Silas, lumattibiai;

40. Nahukijutti akujabunnuabeña Wamallitakoanti

umün—lūwüsseika namünninibiama—ukunnamün paddi-
koa, naussa hidda juwaria.

41. Lakunnakunnada kiahāñ Sýria Cilicia muttu uhur-
ruru ubandi, lütattada ka jumünti Gott ükkürkühüñu
ansiwa.

CAP. XVI.

KIÄNIBENNA Paulus anda Derbenmün Lýstramün
baddia, jumünnikubai abbalūwai namallikuttassia—
liri Timotheus, abba assikāti Judu hiaru aditti.

2. Lumorrua litti Gräecu ükkürküa ibentikubá: kamai-
janakūmuttikubái lihi, (Timotheus) lui üssahü uduña,
Iconiakunnana, Lýstrakunnana mutti Gott kansissiannu
umün.

3. Paulus akunnukuttahittin lumawai, lan uduña aon-
naka libitiwai, lallüka—Judunnu dissian ullukkudi—lissin
üdda ibenna luuria, namaqua jumünti Judunnu adittissia
i litti Gräecenunin ukunnamün uduña.

4. Gidia nanika aijahaddün Stadtnu ädi, namaijanattoá-
ka tukkuda Jerusalem münti Apostelnu tujuküti mutti
assikittissiaru nadiäniwa namün baddia, üssanti nanin
tullukkudi.

5. Ikka Gott ükkürküa tattasabbuka mahittin Wamalli-
takoanti umün nallua ullukkua, hittekebé ta kaijuhun ba.

6. Phrýgia Galatia uhurruru muttu ubandi nanibenna
akunnakunnadün, üssatti üjahü ikiahaddoa Asiamün
üssattu adiñhü nahakanti uriaje.

7. Mýsiamün andin nanika, naussahittika Bithýniamuniru:
lumorrua üjahü aübukitta tuuriaje.

8. Apaküttän nanibenna Mýsia ädi, nanda Troasmün
hidda.

9. Kassakkuda uküña Paulus umün araijattoabu abba
(issibu) uraija; Macedoniawariätti—Wadili—adinama

lamün, akujabutti hiddiamuttu ladiän abbu i: bûssa, bakûte Macedoniamunîru, buburuwattate u—la.

10. Gidiamuttu lanibenna addikin, nikebéka juran wansi akunnun Macedoniamunîru, kidduaheinîn hinna wamün lôaja Wamallitakoanti assimakin nibiti u, waha-kânti sêmettu Evangelium ukunnamünnije.

11. Wakujunnuabenna Troas uria (meju ullukku,) mis-siré wai akunna Samothraciamunîru, abba kianibenna Neapolis mün ba.

12. Juwaria wanda Macedonia uhurruru ukunnattu at-tenennuattu Stadtmün, tumallitissiakuba — jumünnikoamutti—Romakunnana abbu, tîri Philippi. Tullukkumün-nikoakubá wai mattebiattu kassakkabbuhü ukunnamân.

13. Saterdaka ukuña waussabute Stadt issibumün, wuin umamunîru, jumüntukubá je dissian akujabuan nabbukoawa; jumünnikéwai wanibenna abaltin, wahakâka ahürrükidati hiarunu umün (Wüüssadakoanti ukunnamün.)

14. Abba Wamallitakoanti (Wamallitakoanti äme as-sikâtu hiaru, tîri Lydia, purpura aijukarrâhü âlinkurru, Thyatirakundu, kannaba wadiäniba: kia ullua Adajahü atulludoabute, üssahuabu tannikinti Paulus adiassiabu tumonnua.

15. Tussukussukuttunnuabenna tüssiquamünti umakebé, tukujabaka wauria hiddin: assikatu Wamallitakoanti äme kéwai tuhu hiaru—kidduaheinînparuka hukuburuk-kuamonnua damün, ika hakûte dassiqua ullukkumün, damünnikoarubuhâli—ta wamün. Wai mammallikebéka ma uttunnua baddian.

16. Ikka anihünninü akunnun wanika akujaboahü ibiti, abba üssantu assakkadâka wama, kamüntu abba üjahü, tuijumujumudâru manikikoamuttu tuburamün, kabbutu kia hiaru manswan amanionaikadaje tadainassiannu.

mutti akujabuaka, üssanüwa! na aijintoa baddia Gott umün; Siba ullukkumünti akannaba kia tumaqua ba.

26. Ikka abbakaren manswattu merukaima aussabute, katattadükoanattu bahü addikiballi ba akkurrükussäka tuduma, nikebé tumaqua bahüssibu atulludoa, kallena apussidoaka namaqua uria baddia.

27. Arunnahadünbennai nikittakoanti, addikin lanika tumaqua bahüssibu atulludutu, lui arubutta lükassiparra täke ullukkuwaria, luparrünti löaja tabbuwa,—namaqua dikittassiannu attüdda dauria hidda—la lukkuburukku-amonnu.

28. Lumorrua Paulus assimakaka kakannaküku muttu adiän abbu hiddin: Máparrunnuabäli böaja! Wamaqua jahakoa u—la.

29. Nikittakoanti lanibenna auttikin aruleti, lakudoa adallidün namün lukurrükussä lukunna, aturrudun Paulus Silas mutti ukutti umün.

30. Luputtikidin benna tullukkuariaje, ladiäka namün: dansissiannu Adainassiannu! hallika dappa düüssadükittunnuäma?—la.

31. Naonnabaka ladiän: mahittinkebébupa Adaijahü Jesus Christus umün bullua ullukküwa, ikka üssakebébupa bussiquamünti uma ré—na.

32. Gidia na ahakäka lumün, namaqua lüssiquamünti umün ba, Adaijahü ukunnamüntu adiähü ukunnamün.

33. Ikkaké wullikahü ukunna loonaaka lumamünnije, lussukussa niwihittahünnije, nikebén lui baddia assukus-sahüka lumatti uma ba.

34. Kianibenna lakudükutta lüssiquamünnije, lukuttukutta baddiaje, hallikebbékü la namaqua lüssiqua ullukkumünti uma Wamallitakoanti äme nassikän hiddanu ukunnamün.

35. Harrunnahamanika, Capitainu ifiekudaje nassana-

nutti katattadūkoanattu bahū ikittakoanti ibiti hiddia-muttu adiahū abbu: bakujukuttate Siba ullukkuariaje nai biamannu—mā lumūn Paulus Silas mutti ukunnamūn.

36. Kiahanna ladittikittan nassikittissiābiru adiahū Paulus umūn: bakujukuttate Siba ullukkuariaje—hāli lumūn—na Capitainu nassananutti abbu damūn hukunnamūn. Huussa, hakunte kiahanna, ūsseikahū hamūnnipa—la namūn.

37. Lumorrua Paulus adiāka lumūn: wappa kurru sé, balliti Romakunnana wai, kihia máhadakuttunnimahūa namakoalitedabuna u namaqua umūkanna, abulledūn Siba ullukkumūnniba u, dannuhu naputtikidahittikuma aijakattoahū 'lukku tullukkuaria bahá u? Ta kurru, nawajakebé andin nappa, naonnakinti jaharia ba u—la Paulus.

38. Ikka nassananutti ahakāka Capitainu umūnniba Paulus adiassiābiru hidda; gidia namūkille akannabūn Romakunnana wābu nai kéwai ukunnamūn, manswa kû na amarrundunnua.

39. Andin nanika Apostelnu amūn, nakujabakaje; naputtikidin benna Siba ullukkuariaje, nassika ūssattu adiāhū namūn ba, nakujunnuama Stadt ullukkuaria na urua:

40. Katattadūkoanattu bahū ullukkuaria nanibenna aputtikidin, nakunna Lȳdia ūssiquamūn, naddikāniben-naje nahukijutti, natattada nansiwa baddia, kianibenna nakujoa hidda kia Stadt ullukkuaria.

CAP. XVII.

AMPHIPŌLIS Apollonia muttu ubandi nanibenna aija-haddūn, nanda Thessalonicamuniru; jumūnnikuban abba Judunnu ahūrūdakoana.

2. Tībēndīn Paulus akudoa tullukkumūn nibiti, ladiāka abullitahūssiāru (Gott) ūkārtan ubannaria kabbuin Saterdaka ukunnamān namamūnnikoawa.

3. Luussa imissidinīn, adittikittinnibajē kia adiāhū, kallukkudittubia Christus amonaikadunnua, karrikebén ba, akūnnēkunnua abudahū ullukkuaria hiddaba. Lihi daijumudassiabukill Jesus Christus kewai ba—la Paulus.

4. Ikka abbanu nebeña assikāka ladiān āme hidda, naijuwēdoā Paulus Silas mutti umūn, gidia na assikahittiti Graecenu ukuburukkuaria manswattu uijuhu; namonai-kati hiarunu ni rubu kurru assikaka hidda nu.

5. Kañ massikakoaremutti Judunnu simikahū ullukkuku aonnaka nibitiwaje abbanu makuburukkuatti primannu ukuburukkuaria, nahurrudukuttakaje kia Stadtkunnana — aimahākuttahittinnije — namūn: gidia nanika andin Jason ūssiqua amūn, nawahūdda nibiti, nandikittinti ahur-rudutti ukuburukkumūnnije.

6. Má uttikin nanibenna tullukkumūnnije, naijurukai Jason abbanu Gott kansissiañu uma ré Stadt Adaijanas-siannu issibumūn hiddiamuttu nadian abbu: naha aboahūddutikunnu wunabu ubannatti umūn, anditibu jahamuteru ba, adumkittahūka Jason umūn lūssiquamūn;

7. Naikéwai namaqua amassikantōa hiña Kaiser assikissia Statuta āme, ahakananika: ābba Koning wābukai Jesus rubuñ—na nadin Gott kansissiañnu ūjalukku.

8. Ikka naijulatta hidda lukkunnu ansi, Stadt Adainas-siannu ansi ku tabbu, akannabūn nanibeña nadiān.

9. Kañ Jason abbanu lumatti ūssaré nanibeña adian nawa, nakujukutta hidda naurua ba je.

10. Ikka Gott kansissiañnu akuñukutta nikebén kassak-kuda ukunna naurua Bereen muniruje Paulus Silas mutti. Jumūnniké nanibenna andin nakudoabute Judunnu kerki ullukkumūn.

11. Thessalonikakunnana ádikubáje náikewai imén ús-sattu ibiti, kiaháñ hallikebbehú abbu nannikan ússattu adiahú namonnua, nalesida tubannamün kassakkabbuhú má, adittunnua diarru kidduaheinín ukunnamün.

12. Juhulli nebennatti assikaka hiddan, dia na ússa ré mutti hiarunu Graecenu úkkürkúá ukuburukkuaria, mat-tebiatti Wadilinu kurru baddia.

13. Thessalonicamünti Judunnu umün manibenna ka-maijanan Paulus amaijanattoan Gott ukunnamüntu adiahú Bereenmün ba, nandabuté jumuniru, nattikidánti (Apostelnu uria je) najuhuwa baddia.

14. Namorrúa Gott kansissiannu nikebén akunnukutta na uria i Paulus, lakunnunti baramün : Silas Timotheus mütti járraha koa ibarân.

15. Akunnannu Paulus uma assikaka luma Athen muniru : Paulus assikittinbenna namün hiddiamuttu adiahú Silas Timotheus ku ibiti, waurikukún nánti—nai biamán-andin luinabbu lumamün—assikatikunnu luma akujoabute luuria hidda.

16. Gidia koa lanika Paulus awábaddün nabúra Athenmün luimattoa lukuburukkuamonnua, addikin lanikaje jumünti assikán mákidduaheinti namallitakoananutti áme ukunnaria.

17. Küddüküssín nirubu la adian Judunnu kerki ulluk-kumünti umün, assikahittiti Gott áme umün ba ; andanu aijukarráhúkoanattu waburukku amün tibiti umün ba kassakkabbuhú umán tukunnamün.

18. Abbanu Epicurus Stoicus mutti kaínikúti annakan-nirukkuaria tatta ré adiáka lumamünnikoawa : abbanu ahakaka hiddaba : hallikakebé lupa baha lihi aussirubu-mutti adián ? mañ ; Abbanu hiddaba : labakahakadün Jesus ukunnamün, wakünnekunnuapa ahudahú ullukku-aria ukunnamüniba udufña hiddin : aijumudati dia la

emeliätti umallitakoananutti ukunnamün bahá u—má lamün.

19. Nabukutta kiahanna i, akunnukutta kia aparrahti bia adiakooanattu bahü tiri Areopagus ibiti i, nadiäka lumün: mammallikuma bahá wadittinnin tukkuda badias-siabiru emeliattu amallikuttahü ukunnamün wamonnua? má.

20. Bumaijanattoabuté wamün hammatalli madittinkoa-wassia; kiahana hittékuma wadittinnin tuhukéwai—mo rubu na lumün.

21. (Athenkunnana namaquakebé, abbawaria jumünti kassikooanba nakassakkabbudoa koaré akannabün adiadia-dün baddia hammatalli madittinkoamassia ukunnamün abbu).

22. Paulus adinama kia bähü Areopagus annáktümün, ladiäka: Hui Wadilinu Athenkunnana, Wamallitakoanti äme assikahittiti dia,ballinihü—da damonnua hamün.

23. Aijahaddün danika hü Stadt ubandi, daddika baddia Humallitakoananutti äme assikahükoana, ika da uttika abba Altar—akujaboahü ibiti amallitahüssia wadikebé-muttu (Tafel abbutu)—aijumüntukoanahü, hiddiamuttu tabullitükü tukunnawa: mädittinkoamassia Gott umün—maru. Kiahanna dadittikittabute lihi mädittinmahüa äme hissikätikill Gott ukunnamünnihü.

24. Lui Gott amallititikubáli wunabu, tumaqua tuban-namámuttu ba, kassakku wunabu ku Adaijahün kewai lihi, ukkabuhü abbu amallitahüssiáru ipirrutu üssiqua mün kassikoa kurru lihi hinna:

25. Likittakutta lukkuñu umün kurru ba, hama kurru lamünhittika wauriahüa; löaja assikakubá hinna je namámutti umün nakaküwa, tumaquakebé tabbu ba, laha-kubükutta je namaqua baddia.

26. Lui ké uduma abba Wadli uria karaijakubá je

namaqua Wunabu ubannamámutti, nassikoattoanti tuhu Wunabu ubañamün. Lui kéwai assikissia namün ikissihü, pattahü na kakünti, hallidi na kassikoanibia ba ukunnamün:

27. Adaijahü ibiti awahüddün nama, libébedünti nal-luamonnua, nauttikinti ba i. Lui baddia mawaikille hiña wamamutti uria tumaquadikebé.

28. Ludufña jahabu koa u, kakünniba ü, ahákubün koawa baddia. Gidia na kubá wakill abbanu hahakahü álininu adiän: Gott ükkürküa wábu wai ké—má.

29. Lui ükkürküätti parukau, ika mikissidunnuawanibia, tukkuda karrukulli üwüssabéru, platta, Siba küssa ukunnaria lukkuhu ükkabbu abbu mallikuikattu amallitahüsiáru üjahü ti dia la kubama Gott Wamallitakoanti.

30. Lumorrúa Gott ahaikássia hidda kia mádittinmahüa anissia umakkuburukkuahü, lumaijanattoakan namaqua Wunabu ubannatti umün, nakuikittanti namassikán uria libitiwa ba.

31. Kiaké udufña abba lóaja likissitu kassakkabbuhü ukunna, lüjaontikittipaje namaqua Wunabu ubannamámutti üssaremahü abbu, abbalüwai lóaja likissidassiakubákill umün, kakunnamünnila kuba ikidduaheindünnije namaqua umün, lissimakin ahudahü ullukkuaria abbu i—mo rubu la Paulus.

32. Gidia na mükille akannabün ahudutti akünnekoahü umaina, imita rubu na abbanu tukunnamün; abbanu: abbáhün hitté ma wakannabün tukunnamünnibu—má.

33. Gidia la Paulus akujoabu nannakannirukkuaria.

34. Kihia abbánu Wadilinu ajuwedoá lumün, nassikáka Wamallitakoanti áme baddia, nai ibennattikuba i abbalüwai ipilti Adainassiañu ukuburukkuwariätti, liri Dionýsius, abba hiaru tiri Damaris ba, abbanu namatti baddia.

CAP. XVIII.

KIANIBENA Paulus akujoa Athen uria, landa Corinthmün hidda.

2. Jumünniké luuttikai abbalüwai Judu liri Aquilla Pontuskundi, andiliättikubáli Italiawaria, lireitu Priscilla uma, (Kaiser Claudius tattatu adiahü assikinbenna, namaqua Judunnu akujunnuanti Roma uria ukunnamün udumma) hui ké amün Paulus akunna.

3. Lihi baddia kimissa akkudähü Alinin, lan uduña Paulus majauwakoan lamün limekebbuka ba.

4. Saterdaka ukunnamän Paulus ahakahakada Judunnu kerki ullukkumün üssattu adiahü ukunnamün, littikidäkaba je Judunnu Graecenu mutti, nassikanti Wüüssada-koanti äme.

5. Silas Timotheus nanibenna andin Macedonia uria, Paulus imenikuttahüka üssatti üjahü umün, lumaijanattoama Judunnu umün Jesus Christusini ké ba ukunnamün.

6. Kan Judunnu amassikandunnua ladiän üjalukku, imitan baddiai, lan uduña appadukuttun ükattullihü läke ukunnaria hiddiamuttu ladiän abbu: hüttennawa andinkebé mappa hissi ädi, hüjaunawa hóaja hudummawa, daduña kurru, maribenika kiahanna de! Dannuhuwaria akunnunrubu dappa heidinu ibiti—mo rubu la Paulus.

7. Akujunnua lanika juwaria, lakudoa kia Judunnu kerki ibititu bahü ullukkumün Gott äme assikatikill Justus amün.

8. Judunnu kerki ipillibetti ikittahü Alin—liri Crispus, assikaka Adajjahü äme namaqua lüssiquamünti umä ré, gidia na juhulli Corinthkunnana akannabuttikunnu Paulus adiän, assikaka hidda, nassukussahüka baddia.

9. Kassakkuda ukuña Adajjahü ahakaka abba issibu—

üräija ullukku Paulus umün hiddin: mámmarunnirébäli, ahakahakadünrububupa mámmondadunnuabäli.

10. Bumatti dai kewai dāwaja, hallikaikurru aijulattün mappa bansiwa, tuhu Stadt ullukkumünnikaje dassanutti uijuhu hūa—la üräija ullukku Paulus umün.

11. Jumünniwakoare la kubā Paulus abba Wijua abbatimañ katti tupaküttān, lumallikuttāka Gott adiāhū ukunnaje.

12. Gallio Gouverneur manika Achaja ādi, abbalūwai dia na Juduñu aimattoa Paulus umün, (nabukuttai) nakunnukutta kia adiākoanattu bahū ullukkumün i—ipilti Adainassiannu issībumün—ahakati hiddiamañ lūjalukku:

13. Lihi attikidākaje lukunnu, nikittamai Gott tukkuda wamün assikahüssia Statuta ūjalukku—na ihittaran i.

14. Paulus aussünmanika atulludun lüllérukku, Gallio ahakaka Judunnu umün: aboattu lanissia, makuburukkuahū küssa ukunnaria hüllepeikattoaninika lūjalukku, ika üssakubama dakannabün hadiān;

15. Kañ ahadakuttahün manika adiadiadün ukunnamün, abba ſri küssa, dissiahū hamün diarru ukunnamün, hui hóaja adittunnua rubuhupa humonnua: Gidiamuttu dai dāwaja imissidipa kurru—mā.

16. Ikka lakküdda kia bahū ullukkuaria je.

17. Kañ Graecenu abukuttai ipillibetti nai kerki Adainassia, ſri Sostenes, naburūka baddia kia adiakoanattu bahū ullukkumün, Gallio mādittissia ti dia lanika.

18. Paulus kebennakū lanibenna adumkin jumün, lakakaka ſriwa Gott kansissiannu umün, lakunna juwaria meju-ullukku Sýriamuniru Aquilla Priscillamutti umaré:

19. Kenchreamün lissi aijeretikittinbenna, abba Wamalitakoanti umün lissikissiaru tattatu adiāhū hamatalli ukunnaria uduñu (dissianikuba je ullukkudi) Ephesus-

mün andin lanika, luüboa járrahaje, lakuña Juduñu kerki ullukkumün, lahakâka Judunnu umünnikoawa üssattu adiâhü ukunnamün.

20. Akujabün nanika kebennassabbunlânti majaudunna namün ukunnamün lumün, luuttooa kurru ;

21. Kiahanna lahakâka liriwa namün hiddin : Jurakâ dansi, dandinti waburamüntu kurru wafest ukuña Jerusalemniru, damorrua wahaddiapa dandin hibitiba Gott kansissia ullukkudiparukan—la Paulus. Ikka lakujoa-bute Ephesus uria hidda.

22. Cesariamün lanibenna andin, luussa Jerusalemniru, lahakubanibennan Gott ükkürküa, lakunna Antiochiamuniru.

23. Mattebiattu kassakkabbuhü lebentâ nibenna jumün, lakujoa juwaria ba, lüjahadda Gallilea uhurrura ubandi, Phrygia uhurruru ubandi ba, lütattadâka Gott üssanutti ansi.

24. Abbalüwai Judu, liri Apollos—anda Ephesusmün, Alexandriakundi, kainikukûmutti adiân, kakkuburukkuatti Gott ukunnamüntu abullitissiaru ükârtan ukuña baddia i luikewai.

25. Wamallitakoanti ibititu waburukku ukunna amallikuttassiakuba i lihi, belétu ibittunnua ti dia muttu ulluahü abbu lui adiâka, imekuhu abbu ba lumallikuttâka Adajahü ukunnaje, adittiti Johannes assukussâhü ukunnamün rubuün.

26. Lihi ké aussa maffarrunnihüa adiadiadün Judunnu kerki ullukkumün ; Aquilla Priscilla mutti nanibenna akannabün ladiân, naonnaka namawai, hitte rubu na imissidin Gott umariattu waburukku ukunnamüni.

27. Akunhitti lanika Achaijamuniru, lubukeinutti aijumudanibenna i, nabullita jumünti namallikuttassiannu umün, üssanti nannikin namonnua i. Jumüntu lanibenna

andin, üssahuabu la aburuwattünnije assikâti Wamallitakoanti äme lügnaden abbu.

28. Küddüküssinrubula adittikittaje Judunnu umün namaqua umükanna tattatu adiahü abbu, likidduaheinda namün ba Jesus, aijumudassia Christusini Gott abullitikkittiâru kâta ubannaria abbu ba.

CAP. XIX.

A PÖLLOS Corinthmün lanika, ika Paulus aijahaijahaddünbenna tissirukumuntu uhurruru ubandi, landa Ephesusmün, luuttika jumünni baddia je abbanu amallikkuttassiannu:

2. Nai umün lahakâka hiddin: kabbukünnikuba hü üssatti üjahü baddia humonnua assika hânika Wamallitakoanti äme?—la ahadakuttunnije. Naonnabaka ladiân, abbâkankurru adiahü üssatti üjahünin kamaijanakoa wamün hinna—mâ.

3. Ikka lui aüssün ba namün: hallikai udumma assukussukuttuti kiahanna hü? la. Naonnabaka lumün: Johannes assukussâhü ullukkudi—na. Paulus adiâka hiddaba:

4. Johannes assukussakubâ kia Namallitakoanti ibiti nakulkittakoanabiattu assukussâhü abbu ballinije, ahakalanika lukkunnu umün: mahittinkebé hâli daünabbu andittipali Jesus Christus kéwai umün hullua ullukkua—mâru Johannes—la Paulus.

5. Ikka hiddaba: Akannabutti ladiâniwa, assukussahüka baddia Adaijahü Jesus îri ullukkumün—mâ.

6. Paulus manibefia assikin lükkabbu nassibu adiâku, üssatti üjahü anda hidda nâdi, naussa baddia ahakan abbawariätti adian ullukku, aijumudân mânikükoamuttu tuburamün.

7. Narraha uijuhu biamakuttihibenna nabbukoawakubâ.

8. Ika Paulus akudoa Judunnu kerki ullukkumün, la-diäka üssattu adiahü ukunnamünnije kabbuin katti ukunnamân mämmarrunnihüa, lumallikuttäka tukunnaje, aijumudân Gott Adajahükoana ukunnamünnibaje.

9. Abbanu tattatu ulluahü abbu amassikandunnua nanika aballidänibân kia Gott umariattu waburukku abaltiti uijuhu umükanna, lakujoa hidda nauria, lapukudaje lumallikuttassiannu naurekoawa, lahakäka Tÿrannus üsülumün üssattu Gott umariattu ukunnamün namün.

10. Gidiamuttu anihüssiakubä biama wijua mân kiahanna namaqua Asiakunnana, Judunnu Graecenu mutti akannaba hidda Adajahü Jesus ukunnamüntu adiahü.

11. Ikka Gott anissiakubä madissiattu mansuakebemutu Paulus ükkabbu abbu :

12. Lahadubutti araudükoana, lükimissan ba afikittahüka hiña luuria, assikahün karriti ä adiaiku, ika karrihü aüboa hidda na uria, aboatti üjahünnu akujoa baddia karriti uria.

13. Abbanu kajjahaddaraké rubumutti Judunu, semetti dia mutti kéwai ba, aussa baddia assänini Adajahü Jesus iri kajjawantinu ädi, nadiäkatattatu adiahü abbu wa humün, Paulus aijumudassia Jesus uduña akujunnua-kebéhupa lukkuhu uria—mä.

14. Gidiamuttu anihüssia kubä Judunnu ipilti ahakahtü Älin—liri Sceva—biamattimañu aditti-utti abbu ;

15. Tumorrua aboattu üjahü aonabaka nadân : daditissiai Jesus, Paulus mutti humorrua hallikai dia mutti hui baba ?—ta.

16. Ika kajjawatikill adallida nibiti, tadajahükittinbena nalinua, tubulleda wunapuddije, kiabañ mäken hüa, kattennan kassekün ba nattüdda kia üssiqua ullukku-aria.

17. Kia kamajana hiddan namaqua Ephesuskunnar-

Judunnu Graecenu mutti umün, kiahanna mansuaku na hammarun namaqua, hitte ta kubá adaijahükittunnua Adaijahü Jesus iri tabbu ba.

18. Juhulli assikâtikunnu anda, missiré na ádiân, amai-janattoan tumaqua nanissia ukunnamün.

19. Semehiu dia mutti uijuhu ahurrudâka nakartaniwa nabbukoawa, nibittabute namaqua umükanna hikkihi ækulukkumjîn harran; ikissidahünbenna ibittahüssiaru nakartan üjauna, abbamaria kutti hibenna tausend gulden kaijaunanikubân tabbukoawa.

20. Gidia mansuakebé tittabâka Adaijahü adiahü, kauaküñan tumaqua abba ádin ba.

21. Kia anihün benna, Paulus hiddia la lukuburukkua-monnu: Macedonia Achaja muttu ubandi danibeña aijahaddün, aussün dappa Jerusalemüniru; jumuntu dad-dikan adikki, daddikipa Romamün baddia—la Paulus lukuamonnu.

22. Limekudunbenna Macedoniamuniraje biamân lumatti, Timotheus Erastus mutti, kebennasabbün majauakoala Asiamün.

23. Ikkaké gidiamuttu Wamallitakoanti likissitu anissia ukunnaria ni rubu kurru naussa abbanu aboahüddunnua namonnua.

24. Abbaluwai Platta álin—liri Demetrius—amallita juhurru platta ukunnattu báhukan; Diana—heidinu umallitakoantukubáru kerki diamaru bian; lumamonai-kadaje abbanu lui diamutti álininu tabbu ba.

25. Ahürkedün lanibenna libitiwaje abbanu platta álinu, ladiâka namün: Wadilinu, haditta hinna, tukkuda wamallitissiaru abbu, abbâbadün tabbu ba, hitte rubu wa mamonaikan.

26. Hüi hóaja addika, hakannaba baddian hiddaba, hallikakebé la lihi Paulus aübükutta wa uria je Ephesus-

kunnana rubuün kurru, kañ Asiakunnana umân ba litti-kidân abbu, hiddiamuttu ladiân abbu ba: lukkuhu ük-kabbu abbu amallitissiannu umallitakoananutti kurru járraha—mä.

27. Kia uduña wai abbâhü rubuün kurru aübukuttun-nuakubâma wauria, amutahünin diarru, tumorraa ipiltu Wamallitakoantu Diana kerki ké amuttâhükebêpa tabbu ba, keben toaja ütattahü ukunna amassunnuamâ, kia akujabûkuttunnua hinna namaqua Asiakunnana umün, wunabu ubannatti umün ba—la.

28. Gidiana mükille akannabün, mansua kû na aimat-tuñua, assimakân, adiân baddia hiddin: ipilti wâbu Ephesuskunnana umallitakoantu Diana!—na.

29. Namaqua Stadt kunnana mallukkun ti dia na kubâ nabbukoawa: nabukuttunbennaje Paulus umatti, Gajus Aristarchus mutti, Macedonia wariätti ké nai, naiju-ruka adallidün ibirahübiattu ipirrutu bahü ullukkumün-niruje.

30. Paulus akunnunhitti lanika allamalukkudâhü uk-kuburukkumün, lumallikuttassiannu ikiahaddoabute tu-uria i.

31. Abbanu kansitti i Paulus Asiawariätti tujukûti nas-sikitta nadiân lumün, akujaban abbu i, makunnun lânti ahurrudutti ibiti ukunnamün.

32. Jumünniké abbanu assimassimada tuhu, abbanu turraha ukunnamün. Ajuditti á dia na kubâ namaqua ahürkedati, juhulli nebenti madittinnimahüa, hallikakebé ukunnaria nadallidün nabbukoawa ukunnamün.

33. Naputtikida naijuhu annakannirukkuaria i Alexan-der, Judunnu attürküdün nanika na uria i. Alexander awadinbenna lükkabbu abbu, ladiâhittika namaqua umü-kanna lâ.

34. Akannabün nanika Judu hinna i (ukunnamün), ab-

balüwai dia na assimaka biama kampanna akulattunnua (Stundu) ukunnamân biddin: Ipiltiwâbu Ephesuskunana umallitakoantu Diana!—mä.

35. Fiscal aübukuttunlanibenna tuuria je, ladiäka na mün hallikai diäli madittinimâma bahâ Ephesus münti asikânwabunin kia ipilti umallitakoantu Diana äme ukunnamün, kassakkuwaria attikidakubâru tûja äme ukunnamünniba.

36. Makidduaheimihü kurru hûa turraha, kiahanna üsakebehâli majauquan, madittunnuakoamahüssia anin diarru ba.

37. Huijurukubi jahamuteru ballinije narraha Wadîlinu, kattikebbeti manina hinna, amassikandutti humallitakoantu äme kurru hûa ba je.

38. Demetrius, abbanu platta alininu allepeikattoanika abbalüwai üjalukku hammatalli ukunnaria, nallepeikattoama kiahanna Adaijahünnu umükanna ikissidahüssiattu kassakkabbuhü ukunnamân naijalukkukoawa.

39. Abba hammatalli anihittiparukahü, üssama imissidahün gidiamuttu tibititu ahürkedati Adaijanassiannu issibumünnirén habbukoawa.

40. Ihittarrâhünnika kia dannuhu anihüssia uduña u, ika mäuttikinnikebéwappa hammatalli, kabbutukubama wahakân wabburamün allammulukkudahü ukunnaria.—Mo rubu la gidia lanibeña adian, lakujukuttaje ahürkedati na urekoawa.

CAP. XX.

KIA allammulukkudahü aübukuttahünbenna, Paulus manibenna assimakinnije lumallikuttassiannu libitiwa, ahakubânibaje, luputtikida na uria, lakunnunti Macedonia muniru uduña.

2. Lûjahaddün benna kia uhurruru ubandi, juhukân

ladiān abbu aijumudanibaje jumūnti umūn, landabute Graecia uhurruramūn hidda.

3. Jumūnniké lanibēña adumkin kabbuin katti ukunnamān, Judunnu awahūdda kaimahū abbu libiti, aussūnlanika Syriamuniru: kiahanna la: dassipuddapa akujunnuanti Macedonia ubandi—la lukkuburukkuamonnuattu ullukkudi lanika hidda,

4. Luma ré baddia naussa Asiamuniru mān hiddiamutti: Sopater Bereenkundi, Aristarchus Secundus mutti Thesalonikakunnana kéwai, Gajus Derbenwariätti ku, Timotheus ba: Tychicus Trophimus baddia Asiakunnanaké.

5. Naiké akunna Troas muniru waburamūn.

6. Osterdaka adikki weweladoa Philippis uria, wanda hidda abbadakkabbu adikki Troas mūn, jumūntu wadumka biamattimannahū.

7. Sondaka ukunna, Gott kansissiannu ahūrkedūn nanika nabbukoawa mehli akarridabūnti ibiti, Paulus adiadadaka namamūnnikoawa laddikoa, maūti diarru lakujoahittin juwaria ba udumā: ikka kainikukukū ladiāka kassakkuda annakān muniru rén;

8. Juhurru lampu abbu akallimettahūssiakubá sulabandittukurru nahūrkedakoana, kallukkumūnnika nabaltin nabbukoawa.

9. Abbalūwai ibikiddulliätti, liri Eutychius, abaltiti fenster ullukku, Paulus kebennakūn adian udumā, mansuaku la tabbussiaen, littikida adumkahū ullukku lujaboamuniru aijumūnneria wunapuddi, annikahūbute hidda ahudahūa.

10. Paulus attūkudunbenna libiti littikida ladiaku, lanekaka hiddiamuttu ladiān abbu luma: mabukunnuaré hali tja, lūja lullukkumūnnikakoahūan—mā.

11. Amūdun lanibenna ba, akarridabūn mehli ba, akutun hammatalli abbu baddia, küddükūssin ba ladiadiadūn namūn wulissebéju ibiti, lakujoabute nauria hidda.

12. Nai baddia anda, ibikiddulliätti kakütti hiddaba uma, mansuakü na hallikebbén.

13. Paulus assikissia adiahü wamün ullukkudi, waussabute meju umamün, weweladoa lullukku Asson muniru luburuamonnu hidda, lumorrua Paulus akunna hurru-radi wainabbu.

14. Gidia lanibeña andin Assonmün wibiti, luika meju ullukku wai uma, wanda tullukku Mitýlenen mün hidda.

15. Juwaria wanibenna eweladunnua, abba kianibenna wanda Chios rallaboamün, kia adikki wallebüttaka Samos amün, wamajaudoa Trogýllionmün, tuhu adikki wanda Mileténmün hidda.

16. Paulus ikissidaka, aballinibia Ephesus ädi, mebennadünnilanti Asiamün ukunnamün; Jurahü 'lukku ansi landahittika Pinkst daka ukunna Jerusalem muniru hiña.

17. Mileténwaria lui assimakittaje Ephesuskunnana, Gott kansissiannu tujuküti, libitiwa limekudassiannu umün.

18. Narraha andin nanika Paulus ibiti, ladiäka namün hiddin: haditta hinna, daijuhunnu, hallikakebé dai, andin Asiamün uwaria ré, hamünniwakoadakubá:

19. Jahakanduttu ullua abbu, dikíra abbu ba Adaijahü äme rubuün dassikaka, aijulattahü ullukku, andissiakubáru dakunnamün Judunnu kaimahü abbu awahüddün nanika dibiti uduña baddia.

20. Kia hadittissia hüa, hiddiamuttu ku: hallikakebéka mammallin daijakattoan hamatalli humün üssabiattupa huuria, tumaquakebé gidiamuttu daijumujudákahühü, amallikuttan tukunna namaqua umükanna, humonnuattu hüssi-quamün baddia hü:

21. Ahakahakadün danika Judunnu Graecenu mutti umün, nakulkittanti Gott ibiti ba, nassikanibia Wadaijahün Jesus Christus äme ukunnamün.

22. Üssatti üijahü umün imenikuttussia hiña de, dakun-

nupa Jerusalem müniru ballin, madittinnima hūade, ha-
mahū küddüttu diarru baha andinnipa dakunnamün.

23. Lumorrua üssatti üjahū adittikittin jahamaria taha-
maria Stadtnu ullukkumün: kallena, aijulattahū ansiku
awābaddakoa bubura—lan dakunnamün—tikiñ dadittissia
de.

24. Damorrua mámmarrunnikebé tuburade, dáwaja da-
kakü máijumüntina ti dia ta damün, kidduaheintu halli-
kebbehū abbu daübunnuama dakassakkabbun, tukkuda
ipirrukurru ahakahū álinihū baddia, kibititu. lóaja Adai-
jahū Jesus assimakakubá de, damaijanattoama Gott
üwüsseikahū ukunnamüntu Evangelium (namün).

25. Humaqua daddikahüssiannu — dadiamanika Gott
adaijahūkoana ukuñamün udumma hü — haddittoali,
maddikinrubuhupa dassibu hiddaba, kidduaheinin hinna
damün.

26. Kiahanna dabute dannuhu koá humün, kidduaheini-
kebé hallikai kurru hibenna abulledupa Wamallitakoanti
uria dadumma.

27. Abbákankurru Gott kansissia wamün ukunnamüntu
adiahū daijakattün huuria de, tumaquakebé damaijanat-
taka humün harran.

28. Üssa ré hali kiahāñ ikittunnua hóaja, ikittanije Gott
ükkürkūa umān ba, kibititu kubá üssatti üjahū aonna-
kinnihū, tujukūti, tikittakoananutti ba hanibia hü, akun-
nukuttun, imenikuttun diarru tumaqua üssattu ibiti Gott
loaja lüttennawa abbu aijaontissia ükkürkūa.

29. Kidduaheinin hinna da mün, aruwa dia mutti kaiman
andinnipa ballin dadikkimün hannakannirukkumün, ma-
nirubunappa kurru Gott üssanutti umün.

30. Kebén hannakannirukkuaria Wadīlinu baddia kara-
iapa, ahakati amullikadittu adiahū, namassikandükittunti
tumünniye üssakoamutti, nai dia nānti ba.

31. Habannubaté kiahanna, akaburukkuattoan baddia, hallikakebé da kubá küddüküssinín aijumudán kassakku-da kassakkabbuhü ba kabbuin wijua ukunnamán humá-mutti umün ukunnamün.

32. Tikiñ dabute humün dahukijutti! dannuhukoan Gott rubuün ukunnamünnipahü, lügnaden ukunnamüntu adiahü ukunnamünniba: Lui tattatiwábu ukunna baddia mallikuka assikin humün, hitte hánti kajuhun, kabbukün baddia humonnuan tuhu namaqua lüssanutti uburamün lüüssadüssia üssakebemuttu.

33. Mansirubudakubán platta, karrukulli üssahuabu küssa, ákehü diarru huuria.

34. Hadittissia hinna, tuhu dakkabbuwa abbu demekeb-buka, damattikubánu aburuwattaba de, damünhittissia dauttikinti.

35. Kia tumaqua abbu dadukuttakubáhü, dai dia hánti baddia kemekebbün, aburuwattüntije matattati ukufia; akkuburukkuattoaniba Adaijahü Jesus kója adiassiaku-báru hiddiamuttu adiahü ukunnamün: assikinnije abbanu umün, annikin na uria ádikan üssan—mara Adaijahü Jesus—la Paulus.

36. Gidia lanibenna adián, lakullussibattoaka, akujabun-nua namaqua uma (Namallitakoanti umün) ba.

37. Ika namaquakebé ausse mansuan aijin, nannekáka Paulus uma, assurtuni lüllérukku, mansuatti nukané, ladi-assiabiru:

38. Maddikinnanibia lissibu ba abbáhü ukunnamün adumma. Kianibenna nassikáka meju ullukkumuniru lama.

CAP. XXI.

WAHAKINNIBENNA wariwa namün, wakujoabute hidda juwaria; weweladoa missirén, wanda Coös-

mün, abba kianibenna wanda Rhodosmün, juwaria Pataramün hiddaba.

2. Jumünniké wanibenna auttikiñin abba Phoenicia muniru akunnussiabiapa meju, waka tullukkümün, wakujoa juwaria ba.

3. Cypem üllebu karaijanibenna wamün, tüüsamaria waballika hinna tãdi, weweladoa Sýria uharrumuniru, wanda Týrusmün hidda, jumüntupa attukudúkuttahünin wameju annakarra.

4. Auttikiñwanibenna Gott kansissiannu jumün, biamattimanniré wadumka namün: Nai adiãka üjahü abbu Paulus umün; makunnunlanibia Jerusalem muniru ukunnamün.

5. Kia mã muttu kassakkabbuhü warradün beña namün, waputtikida, wakuña hidda nauria, jumünti assikaka wama, hiarunu nassanutti mutti uma ré kia Stadt issibümüniru, bara üllebumün wakullussibattoaka, akujaboan abbu ba.

6. Wahakubanibenna wamünnikoawa, wai aka meju ullukku, ika assikatikunnu assipuddaka, akujoa nassiquamuniru hiddaba.

7. Waübunnuabenna Týrus waria eweladunnna baradi, wanda Ptolemais mün hidda, wahakubaka kiahanna jumünti Wahukijutti, wadumka abbaruai namün.

8. Abba kianibenna wai, Paulus umatti, aussabute juwaria luma, wanda Cesareamün hiddaba; abbatimannikunnu Evangelistinu ibennatti Philippus üssiquamün wanibenna akudunnua, majauquarubuwa lamün.

9. Lihi kamünnika bibiti méretikoamutti uttunuttihü nai aijumujumudaka manikikoamuttu tuburamün.

10. Jumünniwanibenna amajaudunnua juhurru kassakkabbuhü, abba Prophet—ñiri Agabus, anda Judeawaria jumuniru baddia:

11. Lihi addikaka wamünniba, lañika Paulus adeptus-

suhü luuria, lakkürrünnibenna loaja lükkabbuwa luhutti ku tabbu, ladiäka: hiddia la üssatti üjahü: gidiakebé nappa Judunnu akkürrüni kadepussutikill, abukuttuni, assikin heidinu ükkabburukkumünnibai—ma—la Prophet Paulus amün.

12. Gidiawamükille akannabün, wai, jumünditti baddia akujabakai, mákunnun laniba Jerusalemuniru ukunnamün.

13. Lumorra Paulus aonnabaka nadiän: hafña bia hüijan abbu amammallidün dakuburukku? akkürükittoahü ibiti imékukahüade rubuün kurru, kañ dahudunhittika Jerusalemün Dadaijahün Jesus Christus iri udufña baddia—la.

14. Ballika wiki ahaddoahittin tuuriai, mondarubuwakuba hiddiamuttu wadian abbu: Adaijahü kansissia ullugkudi rubu tanibia anihün! wa.

15. Kiake adigki wüüssadoa waddikoa hidda, kianibenna wakunna Jerusalemuniru.

16. Abbanu wamallikuttassiannu aussa badja wama Cesaria waria, nakunnukutta jumuniru bai hebbeti Gott kansissianu ibenti, liri Mnason, Cyprus kundikil, wadumkinti lamün lüssiquamün.

17. Jerusalem mün andin wanika, wabukeinutti annika hallikebbehü abbu namonnua u.

18. Abba kia adigki Paulus akudoa Jacobus üssiquamün wama, jumünnikubaje namaqua tujukuti badja.

19. Paulus ahakubanibennaje, kainaban luussa ahakan namün tumaqua Gott anissiakubaru Heidinu ukuburugkumün labbu ukunnamün.

20. Gidiamuttu nanibenna akannabün, üssanüwai na Adaijahü umün; nadiaka lumün: badittissia, wahukeinti! hallikakebemutti juhun tausend assikati Judunnu jarraha, anitiwabu Gott assikissia Statuta diamaru tattatu adiahü namün ullugkudi kewai nai namaqua.

21. Naha umün abbanu adiaaka büjalugku hiddin : Lihi amallikuttaka naübunnuanti Moses uria ukunnaje Heidinu ukuburugkumünti Judunnu, hiddia la namünniba : mallikinnirubuhâli hüßsanutti issîn üdda ibenna nauria, manin badja Judunnu üstatuta ullugkudi. La namün maru Judunnu büjalugku. Na ahürküdati tujukûti Paulus umün.

22. Hallika wappa baka kiahanna ? Naijuhu ahürkedupa nabbukoawa se, kamaijana hinnapa namün bandinnibu jahamuteru.

23. Hiddiamuttu wadiassipa ullugkudi baniti kiahanna, wannakannirugkumünnikaje bibiti wadilînu, assikittikunnu Wamallitakoanti umün tattatu adiahü hammatalli ukunnaria ;

24. Bussa boonnakalite bibitiwaje, üüssadunnua bumonnua nama rén, büjaonta badjaje,, naijeritikittinnibia nassi ubarra ba. (Judunnu dissian ullugkudi ;) namaquakebe üssahuabünti adittin, tumaqua abbanu adiassiakubaru büjalugku namün mullikahü rubuün, bui kewai aijahaddün, anin badja na Statuta ullugkudirén udumma. Mo rubu na lumün.

25. Kan Heidinu ukuburug kuwariätti assikati kunnu umün wai wikissitu wawaja abullitakuba, manin rubu nanibia tullugkudi, tikin aübunnuakebe nanibia mullikaditti umallitakoananutti äme assikan uria, wurehü uria ku, makuttan mänti toaja ahuduttu illikin abbu, tüttennahü abbu badja. Wai kuba hinna namün. Na namünnikowa Paulus umün.

26. Ikka Paulus aonnaka libitiwaje narraha wadilînu, abba kiänibenna lumaribendünnibenna nama ré, lakudöa kerki ullugkumün, ladittikittintije, hallikakebe la dissianije ullugkudi badja, üüssadunnua ikissidahüssiaru amaribendakoanattu kassakkabu ukunnamân, offer abbu nüwüsseikadikittin benna i Gott namâmutti umün ubura rén.

27. Tukuda biamattiman kassakkabbu aballin manika ibitikan, Asiawariätti Judunnu addika kerki ullugkumün i Paulus, nattikidaka namaqua lugkunnu lüjalugku nabbukutta hiddai, hiddia nanika assimakan :

28. Hui wadilinu Israelinu huburuwattateu: Lihi-kewai amassikantoa lumallikuttan ukunnaje abbu, namaqua lugkunnu, amallikuttan lanika naha lugkuhu üjalugku, wa Statuta erabuddigki ba; tuhu-kebé Gott üssiqua üjalugku badja; loonnaka kerki ullugkumüniruje Graecenu, liribenda tabbu tuhu üssakebémuttu bahü ku. na.

29. Naddikinbenna Stadt ullugkumünni Paulus, abballiwai Ephesus kundi, liri Trophimus, uma, nan udumma ikissidunnua Paulus aonnakin kerki ullugkumün badja i ukunnamün.

30. Namaqua jumünti addallida ahurudun nibiti, manswakuta allammulugkudahü bute hidda, nabbukatta kiahanna i Paulus najjuruka kerki ullugkuwaria ba i: nikebe kerki bahüssibu atattadahükan badja.

31. Aparrahitti nanika i Paulus, ipilti Soldarunu adainassia umün kamaijana hiddan Jerusalemkunnana akurrukudunnua aboahuddünnua ba.

32. Nikeben lui aonnaka libitiwaje (juhulli) Soldarunu, abbanu Capitainu mutti, lüddallida nai uma nibiti. Ad-dikin nanikaje Soldarunu nadainassia badja, naüboa aburükünni Paulus uria.

33. Ikka ipilti Soldarunu adainassia andabute hidda, lubbukuttükuttai, bima kallena abbu lütattadükitta badja i; kiänibenna lahadákutta hiddin: halluwariätti lihi, hammahü lanissia kuba? La Paulus amün.

34. Naijuhu ukuburugkuwaria assimakaka, abba hiddiama, abbäba hiddiama naurikoawa; manswattu assimassimadahü udumma madittin rubu lanika kidduabeinihü ukunnamün, lakunnukutta Fort ullugkumünairu i.

35. Paulus andinnihenna kia Fort amüntu Treppa ibiti, manswattu allammulugkudahü udumma lannikitto kuba Soldarunu umün.

36. Lugkuhu uijuhu akkodaka nakunna hiddiamutti as-simassimadin : hubullidate i lihi.

37. Paulus akudukuttahün lanika Fort ullugkumün, lahakaka ipilti Soldarunu adainassia umün : bahakakuttunika damün, dahakanika bumün ! la. Lui aonnabaka ladian : badittissia Graecenu adian ?

38. Egypten kundikil kurru bui ba kiahana, mebennan kurru amassikandikittutije lugkunnu, akunnukuttutije bibiti tausend kapparkattikunnu mallugkunniakilli muniru kurru ba bui baha ? la ahadakuttunni.

39. Lumorrua Paulus aonnabaka lumün hidda ba, Judu kewai dai keise, kia Cilicia ukunnattu ipirritu Stadt, tiri Tarsen, kassikoatti dai, dakujaba kiahanna bumün, bussa, bahakakuttalite lugkunnu umün de. ma Paulus.

40. Ipilti Soldarunu adainassia lanibenna auttunnua, Paulus amuda kia Treppa adia ku, awada lükkabbu abbuje lugkunnu : manswaku nanibenna amondöan, luussa hebreica adian ullugku namün hiddiaman :

CAP. XXII.

HUI wadlinu, Dabukeinutti, Dattinutti mutti, hakanabate dadiassiassa humün dawa ukunnamün.

2. Akannabün nanika lahakan hebreica adian ullugkuhitte rubu na amondoan. Kiahanna hiddia ré la namün :

3. Judu kewai dai daise, Ciliciakundutu Stadt Tarsen mün daputtikidakuba, Gamaliel ukutti amün ibikidduti ba de ; amallikuttahüssia waburatti kabbuküssia üstatuta ukunna hinna de üssakebén, jurahü lugku ansi Go

adiân ullugkudi hui anihittin dannuhukoa, dia da kuba dai badja:

4. Kaimahü abbu dawahüddakuba wakil badja dai diamutti assikan—ibiti haikan ubura, akkürrün danikaje, aijurukun Siba ullugkumüniraje wadilinu hiarunu mutti.

5. Ipillibetti Priester, namaqua ahakahü alininu tujuküti mutti adittissia húa danissiakurru, nai ké uria dannika wajauhunnu ibititu karta, dakunna Damascusmuniru, dandikittintije nai diamutti juwaria akkürrahüa Jerusalem muniru, naijulaijulattükittinnibia nansi udumma.

6. Gidia danika aijahaddün Damascus ibiti, haddalli wamün tanika abba ipirrutu aruleti ükkallimé ikiradda de dai kassakkuwaria abbakarén.

7. Nikeben dattikida wunapuddi, akannabutti hiddia-muttu adiahü ahakan damün: Saul, Saul, hamma bia kaimahü abbu awahüddan dibiti bu? ta.

8. Daonnabaka kia adianiba: Hallikai baha bui Adaijahü? ma. Ikka ladiaka damün: Jesus Nazarethkundi ké dai, kibititikil awahüddün kaimahü abbu bu, daise. La.

9. Damatti addika ballin kia aruleti ükkallimé, naija badja manswakû abukoaka, namorrua ahakati halin damün adiassia makannabünnirubuna.

10. Kiahanna da aussün ba: Adaijahü! hammahü danipa? da. Loonnabaka dadiân; bakünnekoate, bakunte Damascus muniru; jumüntuppa ahakahünnibu tumaqua banissiabiapa ukunnamün. La.

11. Kia aruleti manswattu ükallimé udumma makussin danika, damatti abbukutta dakkabbu ukunna, dakunnu-kuttuti nai umün, danda gidiakebén Damascus mün hidda.

12. Ikka abbaliwai Wamallitakoanti adiahü äme assikati, liri Ananias, namaqua jumünkunnana Judunnu umün kamaijanakûmuttiwabu tukunnamün, anda dibiti, ladiaka damün:

13. Dahukiti, Saul! baddikalte ba! la. Ikka uwaria rén daddika hidda lukunna.

14. Lihi ahakaka damün ba: Waburatti Umallitakoanti ikissidakabu, badittinnibia lui kansissia wamün ukunnamün, baddikinti i üssakebémutti umün, akannabünbanti loaia ladianiwa lüllerugkuwaria ba.

15. Bui ke ahakatibiapa namaquakebé lugkuhu umün boaja baddikissia, bakannabussia ukunnamün badja.

16. Hamma bia ebendoanibu kiahanna? bakunnekoate, bussukussukuttoate bumassikan uria, akujubuan bâli Adaijahü iri umün. La Ananias damün.

17. Gidia danibenna akujunnua Jerusalem muniru ba, akujabuadanika kerki ullugku, abuttadutti dia da kuba;

18. Daddika hiddai, lui ke adiaka damün badja: meherabate, wabudikebepa buputtikidin Jerusalem uria; dakunnamuntu badiassiaapa namün mannikin rubu nappa namonnua sé. La.

19. Daonnabaka ladianiwa; Adaijahü, naditta hua hallikakebe dabulledakuba Siba ullugkumünni je bame assikati, amakoalitedin Judunnu kerki ullugkumünni baje;

20. Üssatti bussanti Stephanus tittenna assonnukahün tanika, dadinamün lamün, hallikebbekün haikanî udumma, aparti i ükkapputtin dai dawaja düüssadün (naburamün,) kia nadittissia dakunnamün niba. da.

21. Lui adiaka damün hidda ba: bakunte, tahawai Heidinu umamüniru dai immekudundappa bu. Mo rubu la Adaijahü damün. La Paulus namün.

22. Kia mâ muttu ladianiwa akannabahittirubuna, kia kei udumma nassimassimada hiddin: abulledutipa wunabu ubannaria i lihi, mamallikebepa kakünni. Na.

23. Gidia nanibenna assimakan, abulleheddün ükkap-

putti nauria, apaddukuttun tükattullehü aijumuniru ba;

24. Ipillibetti Soldarunu adainassia akudukutta Fort ul-lugkumünni Paulus, lissika lüssananutti umün hiddiamuttu adiahü: hannikatei, humakoalitedin abbui hahadakuttate lumün üssanti dadittin, hammakebe ukunnaria gidia na lüjalugku. la namün.

25. Mibilugkutu bâka üdda abbu nanika attimettinnt, Paulus adiaka abbaliwai nakunnimadi adinamutti Capitain umün: üssa ti dia ta baha hamün, amakoalitedünni abbaliwai Romakundi, keben madianimahüa bânja lamün humünnikoawa? La.

26. Gidialumükille akannabün, lakunna ipilti Soldarunu adainassia ibiti, amaijanattoan lumün, ladiaka hiddin: hammahü banihittibu? badittoalt, Romakundi lirraha daise. Ma.

27. Lui (Soldarunu adainassia) anda kiahanna ba, lahadakutta lumün: bahakaltede Romakundi bui? La. Paulus aonnabaka ladian: Ehê. ma.

28. Lihi adiaka hidda ba Romakundi ti dia danti udumma daijaonta-arradün diarru-juhurru platta abbu dai badja. La. Paulus ahakaka hidda ba: gidiamutti daputti-kidinnikuba hinna de. La.

29. Ikka uwaria rén ahadakuttutikunnu lumün aüboa kuuria hiddan. Ipilti Soldarunu adainassia akannabalanika Paulus Romakundinin ukunnamün, lumarruntoa lak-kürrükittinni ukunnaria.

30. Adittoahitti lanika, hamma kebê udumma Judunnu adissakan lüjalugku ukunnamün, kia kassakkabbuhü adigki lupussida kallena uria i Paulus, lahürkedükittaje ipillekunnu Priesternu lumatti ku nabbukoawa; luputtikidinbenna (Fort ullugkuwaria) i Paulus, ladinamukitta nassibumünni ba i.

CAP XXIII.

PAULUS addikin lanika ahürkidatikunnu ukunna, ladia-
ka hiddin: Wadilinu, dabukeinutti mutti, üssaré dai-
jahaddakuba Gott umükanna dannuhu muniru mân. La.

2. Ikka ipilti ahakahü âlin, liri Ananias, adiaka lukunnima-
di adinamutti kunnu umün napattadünnibia i lüllerugku.

3. Paulus ahakaka lumün: Gott aburüküpabu, haule ti
dia kebé mutti ullua bui! bubaltabute, tukuda hui Sta-
tuta diamaru tattatu adiahü ullugkudi banti, aijaondinni-
baha de, kia buburükitta kia kawai Statuta erabuddigki
de? ma Paulus.

4. Adinamutti lamün adiaka lumün: Gott ipillibetti
Priester umün wakaijattu adiahü baha bussikuma? man.

5. Paulus aonnabaka nadian: Dabukeinutti, madittissia-
kebekade ipillibetti Priestun ukunnamün. Abullitahüssia-
kuba hüa: massikin huppa wakaijattu adiahü hadainassia
umün. maru. La Paulus.

6. Adittinlanika, ahürruküdati üijuhu karrananibu Pha-
riseernu, Sadduceernu umamünnikoawa, lan udumma assi-
makan nannakannirugkumün hiddin: Wadilinu, dabukei-
nutti! Phariseer kawai de dai, Phariseer aditti hinna de,
ihittarrattoo kebé mutti dai, akünnekoahü ahudahtü ullug-
kuwaria ukunnaria, awâbadün tubura udumma ba.

7. Gidia lanibenna adian, Phariseernu Sadduceernu mut-
ti aimahahittika naijalugkukoawa, naijuhu apukuda naure-
koawa hidda, (hürüküka kurru nabbukoawa).

8. Sadduceernu ikissidoa namonnua hinna, ahudutti
mammallipa akünnekunnua ba, abbâkurru Engel, üjahü
küssa järraha badja (ukunnamün), namorrua Phariseer-
nu mani rubu na gidin, nahittin tumaqua umân umün
udumma.

9. Ikka manswakumuttu assimassimadahtü aussabute

kiahanna Phariseernu ibennatti ahakahü alininu akünnekoa, tatta ré nadiaka naijalugkukoawa hiddin: hamma kan kurru aboattu lanissia wauttika lamün; abba-üjahü, Engel küssa ahakakubanika lumün, wai mammallika atatadunnua Gott üjalugku tukunnaria.

10. Hitte nanibenna akurrukudunnua, naparramai Paulus, lan udumma ipillibetti Soldarunu adainassia akunnukuttunniije Soldarunu jumuniru, naijurukunnibia nannakannirugkuwariai, andikittin Fort muniru ba i.

11. Ikka kassakkuda ukunna Adajjahü adinama lamün, lahakaka lumün hiddiaman: butattadoali bansiwa Paulus! Jerusalemmün bui ahakahakadün, dakunnamüm dia kebe buppa badja Romamün. La Wamallitakoanti lumün.

12. Harrunnaha tanika, abbanu Judunnu ibennatti ahürküdaka nabbukoawa, immiritahü abbu nassika hiddiamuttu tattatu adiahü namünnikoawa hürküren: makuttunwappa, mattinnikebepau ba, waparrüni Paulus ubura. mä.

13. Biama lugkubumutti tüpaküttan badja naijuhu nabbukoawa Paulus üjalugku.

14. Nai ke akunna ipillibetti Priester, tujuküti mutti ibiti, nadiaka namün: imiritahü abbu wassikabunna hiddiamuttu tattatu adiahü wamunnikoawa waparrüpa banja i Paulus, ikka waussupa abujunnua.

15. Kiahanna hadittikittate i (abbanu hadainassiannu adittissiahüa) ipillikil Soldarunu adainassia, landikittinnibia hibiti i Paulus, üssassabbünti hahadakuttunni lanissia ukunnaria, ukunnamün. Wamorraua aparrünkebéwappai waburugku lugku huburadi. Na Paulus ukunnamün namün.

16. Gidiamuttu nanihittissia kamaijananibenna i Paulus uuhünti umün, luussa, lakunna Fort muniru, lumaijanatoka Paulus umün tumaquakebe.

17. Ikka Paulus assimakaka libitiwai abbeliwai Capitain,

ladiaka lumün: lihi ibikiddulliätti ahakahittikuma ipilti Soldarunu adainassia umün hammatalli ukunnamün, kiahanna bussa, bakudukuttate lumamünni. la Paulus.

18. Lui aonnaka hiddai, lakudukutta ipilti nadainassia ibiti bai, hiddia la lumün: abbukuttukuttutikil Paulus, assimakabi lamünnide, akujabün badja de, dakunnukuttunti bibiti i lihi ibikiddulliätti, ladiahittin bumün hammatalli ukunnamün, udumma.

19. Ipilti Soldarunu adainassia abbukutta i lükkabbu ukunna, lakudoa abba tumonnuattu üttakarra ullugku luma, luussa ahadakuttunni hiddin: hammahü bahakahittikumade kiahanna? ma.

20. Loonnabaka ladian: Judunnu hürkürenappa akuja-bünnibu, biṃekudünnibia mauti ahürküdati-adainassiannu issibumuniru i Paulus, üssarénanti ahadakuttunni lanissia ukunnaria, udumma.

21. Bumorrua massikan bali näme. Biama lugku äditi juhun wadlinu attikahanhittika i Paulus, hiddiamuttu tattatu adiahü nassika namünnikoawa: waparrüpa banja i Paulus, ikka waussupa abujunnua; na hürükika nabbu-koawa lüjalugku, nüüssadoa hidda kia ibiti, awâbadünni-rubuna boonnabassiapa ubura koa. la.

22. Kia adigki ipilti adainassia akujukutta hidda luuria i, hiddiamuttu adiahü abbu: madian kebe bali bahakassi-abukurru damün abba umün ba. ma.

23. Lissimakin bennaje biaman Capitainu libitiwa, ladiaka namün: hüüssadateje biama hondert Soldarunu, kabbuin lugku biamadakkabbu tupaküttân kawaiju adiakuti akunnun ba, biama hondert Jagernu—parrassa abbuti—mutti, bakküllama ukunna, neun uhr diarru, naussama Cesaria muniru.

24. Üüssadünkebé nappa badja naddikoa kawaju, kadiaku biama akunnunni Paulus uma, kiahanna nikit-

tapa bai, üssaré landinti Gouverneur Felix ibiti. la namün.

25. Kiahanna lubullita hiddiamuttu karta:

26. Katauti Gouverneur Felix umün hallikebbehü banja!

27. Judunnu abbukuttunbenna i lihi wadili—Paulus—haikanibiakubamai; ikka dassoldarunu uma danda, daijuru nauriai, keben adittin danika Romakundinni ukunnamün.

28. Dakannabahittika badja, hanymahü nadissakan lüjalugku, dakunnukutta ahürküdati adainassianmu issibumün i.

29. Judunnu ihittarraka ballin nai üstatuta ukunnamüntu ahadakuttakoanahü udumma lüjalugku, kan abbakan kurru dauttika, kadummattünnibia kallena ullugkumünni, haikan küssa bai.

30. Damün kamaijananibenna Judunnu kattikahan hitinni, ikka uwaria ré dimmekuda bibiti i, dahakakuba ihittirattikunnu lüjalugku umün badja, ussahuabünti nadian, nallepeikkattoahittissia i ukunnamünnibu. Üssaré bali. Da—Claudius Lysias bumün. maru.

31. Ladian ullugkudi Soldarunu aonnaka namawai Paulus, nandikitta kassakkuda ukunna Antipatris muniru i.

32. Abba kianibenna naijuhu akujoa Fort mün hidda ba, kan kawaiju adiakuti akunnun Soldarunu aussa Paulus uma ba.

33. Cesariamün nanibenna andin, assikin nabbuküssia karta Gouverneur umün, nadinamakitta lissibumünni Paulus.

34. Gouverneur alesidinbennan kia karta, lahadakuttai, halluwariättin ukunnamünni. Akannabünlanika, Cilicia-kundinni Paulus;

35. Ladiaka lumün: ihittarratikunnu bu andin benna jahamuteru, dakannabupa badianiwa badja. La: Kiäni-benna likittakutta tukuda Herodes bahü ullugkumünni.

CAP. XXIV.

A BBADAKKABBU kia adigki, ipilti Priester Ananias anda tujuküti uma, abbaliwai kakannabukoanti, liri Tertullus, uma ba jumüniru, naraijattoabute Gouverneur issibumün hidda Paulus üjalugku.

2. Nassimakittinbenna nibitiwai Paulus, Tertullus aussa ihittarrani, ladiaka hiddin:

3. Bui katauti wabu Felix, udumma ipirritu üsseikahü wamünnin ukunnamün, buñiku abbu tuhu hurruru ubunnatti umün, üssattu anihüssia ukannamün ba, üssantüwai wa bumün, tumaquakebé wannikin wamornua hinnan.

4. Damorraa debendama kurru bu, dakujaba kiahanna bu, üssahü abbu bakannabünti hiddiamuttu mawadittu wadianiwa.

5. Wauttikai lihi wakaijättiwabu, aboahüddün lanikaje namaqua Judunnu Wunabu ubannamün, Nazarenu ibbenatti Adainassia lui kewai.

6. Lui iribenda wakerki badja; kiahanna wabukutta hiddai, wai Üstatuta ullugkudi wanibia aijaondinn.

7. Ikka ipilti Soldarunu adainassia Lysias anda wamün, manswattu üttattahü abbu lujuruka wakabburugkuwariai,

8. Ahaka lanika ihittarrati umün, nakunnunnibia bibitiwa; üssaré banibenna ahadákuttunnije, badittin hinnapa tumaqua wallepeikattoa biru lüjalugku nai kewai ukunnamün. Mo rubu la.

9. Gidia na Judunnu badja hürküren adiaka lumün: kidduaheiniketai tumaqua ladiassia lukunnamün. MA.

10. Gouverneur awadinbennai Paulus, lahakanibia bad-

ja, loonnabaka nadian hiddin: dadittissia hinna, juhuru wijua ukunnamānibu adajahünnin tuhu hurrurukunnana ādi, dan udumma hittekebepa' adian dawa mammarrunnihūa.

11. Bakannabama kiahān, Jerusalem mūn akujabuahū ibiti dandin uwaria biamakuttihibenna kassakkabbuhū aballika rubuūn.

12. Mauttikinnikebe na kuba de ahakahakadūn danika kerki ullugku hallikai umūn, amassikandunnua diarru nahūrkidakoana ullugku, Stadt ullugkumūn küssaje lugkunnu.

13. Tumaqua nadiassiabiru daijalugku, mammallikebekaje ikidduacheindin ba.

14. Damorrua hiddia da bute missiren bumūn: dai—Nazarenu ibenti—nassia umūn, dissianije ullugkudika dassikan waburatti Umallitakoanti āme, mahittin tumaqua wastatuta ubannamūn abullitissia, Prophetenu abullitissia kewai badja dallua ullugkua.

15. Nai uma rén dawābada badja Gott ubura, namaqua assikatikubanu, massikantikubakunnu mutti, akünnekunnua mappa abbāhūn ahudahū ullugkuwaria.

16. Kiānibenna juraku dansi, hitterubudanti üssan Gott umūkanna, lugkuhu umūkanna ba ibiti.

17. Juhuru wijua adigki dandakuba dassikinnibiaje kamonaikatti dakürküatti umūn namūnhittissia, offern danikuma ba udumma.

18. Gidia amaribendükittindanika kerkimūn, abbanu Asiakunnana Judunnu auttikakuba tullugkumünnide, aboattu mān danika, amassikandunnua diarruje abbanu lugkunnu, hallikai kurru damünnikuba hūa.

19. Jumūnti auttikinnide andinnika bakussi umūkanna jahamuteru, ussattuma, nahakanika hammatalli daijalugku nahakakuma.

20. Bahadakuttaliteje jahakebémutti umün, nahakanti-bu hallikakebemuttu aboattu nauttikissiakuba dakunna, tahawai Adaijanassiannu issibumün danika.

21. Tikinnikewai, dadian manika nannakannirugkumün hiddin : ahudutti akünnekunnua ahudahü ullugkuwaria ba ukunnaria hüllepeikattoahüssiätti dai dannuhu. man. La Paulus.

22. Felix akannabün lanika gidiamuttu, ladiaka namün hiddin : ipilti adaijanassia Lysias andiparuka damün, üs-sakebepa dahadakuttun lumün tukunnamün, Nazarenu dissianije ukunnamünniba, adittunnua diarru. La namün.

23. Ikka lissika Capitain, umün. hiddiamuttu adiahü : bikittakuttalitei Paulus maijulattün mahüa lansi, mikiahadunnua bali lujuhunnu addikati lamün, aburuwattahittiti hammatalli abbui luuria. La Gouverneur Felix lumün.

24. Mattibiattu kassakkabbuhü adigki Felix andin manika lireitu uma, tiri Drusilla, Juda ke turraha, loonnakittai Paulus, lakannaba Paulus adian mahittin Christus umün ukunnamün.

25. Gidia lumükille adiadiadün üssarémahü, mammollehü ku ukunnamün andiparu kaijaontikoanattu kassakkabbuhü ukunnamün ba, Felix abukoa üja, loonnabaka : bakujoate ba, wahaddia dakannabahittiparukan, dassimakittipa dibitiwa bu. ma.

26. Luwabadün Paulus assikinnikubama, platta lumün ubura, apussidahünnibiai lumün, lan udumjuhussâbbün aonnakittin libitiwai, adian lumünnikoawa.

27. Biama wijua adigki Portius Festus anda Felix adigki lugku, Gouverneur biai, ikka Felix ahallikebbéda hittika Judunnu umün, luiboa i Paulus akkürrahühüakoan.

CAP XXV.

FESTUS lanibenna andin kia uhurruru muniru, kab-
buiñ kassakkabbuhü adigki luussa Cesariawaria Je-
rusalem muniru.

2. Jumüñti ipillibetti Priesternu Judunnu adainas-
siannu mutti addikaka lamün, nadiaka lumün Paulus
üjalugku.

3. Nakujaba kewai ba i, limmekudünnibia Jerusalem
mün i Paulus ukunnamün, naparrahittin hinna waburuglu
lugku udumma i.

4. Festus aonnabaka nadian, Paulus ikittakuttahüka
Cesariamün hinna, oapa kurru dai dawaja dakujupa ju-
müniru ba.

5. Akunnahittiti dama, akunnama allepeikattoan diarru
lülalugku, hammatalli aboattu lanissia lukunaparuka.
La.

6. Biamadakkabbu lanibenna adumkin Jerusalem mün,
lakujoa juwaria Cesariamuniru hidda ba, abba kiänibenna
abaltin lanika kia adaijahünnu adiaakoana alantina ullugku
loonnakitta badja jumuniru i Paulus.

7. Landinnibenna namün, Jerusalem wariätti Judunnu
adinama likiraddi, akaussanñ, naussa manswakebé ihittar-
ran i, namorrua mammallikuka ikidduabeindin nadiassia
lülalugku.

8. Ikka ke Paulus badja adiaaka la hiddin: daikurru
amassikāndoakuba Judunnu üstatuta üjalugku, nahürki-
dakoana umün küssa, Kaiser üjalugku ba. mo rubu la
Paulus.

9. Festus anihittin Judunnu kansissia ullugkudi, lan
udumma aonnaban, adian Paulus umün: bakunnahittika
Jerusalem muniru baha, tumaqua gidiamuttu ukunnamün
aijaontahün damün jumünni bu? ma.

10. Paulus adiaka hidda ba: dadinamabu Kaiser adaijahü adiakoana ahabula amün, danin ullugkudünnibia dannikin daijaunawa; badittissia hüa üssaré, hammakan kurru aboattu danissiakuba Judunnu umün.

11. Makuburugkuatti kewai danikakubama, daninnika hallikai umün aboattu, kakunnariattuma haikande, dikiahaddoama tuuria kurru de; tumorraa mullikahü rubu parukan nadiassibiru daijalugku, hallikai kurru assikinikubama namün de. Assikunnua kebé dappa Kaiser issibümünnide. La Paulus.

12. Festus adianibenna ahürküdati adainassiannu umamünnikoawa, loonnabaka Paulus adian: Kaiser ibiti akunnahittikabu, lamünnikebépa bandin badja. ma.

13. Mattibiattu kassakkabbuhü adigki, ipilti Adaijahu—koning—liri Agrippa, Bernice mutti anda Cesaria müniru, nahakubanti i Festus.

14. Kebenna ku nanibenna adumkin lamün, Festus ahakaka koning Agrippa umün Paulus ukunnamüntu haddi-aman: Felix Gouverneur manika uwaria ré Siba lugkumünnikai abbaliwai;

15. Lui kewai udumma Jerusalem münti ipilti Priester-nu, Judunnu tujuküti-ku araijattoa damün, jumün addikan danika, nakujabaka daparrükittoamai ukunnamünnide;

16. Damorraa daonnabaka nadian: dissia hinna kurruje Romakunnana, assikinni abbaliwai diarru haikanibiai aussü rubuün, ihittarrassia. maraijakoamanika, ihittarrati issibumün, mammallikunnika mallepeikattoaru lüjalugku adian lawa ubura. man.

17. Hürküre nanibenna andin jahamuteru, debendaka kurru, dabaltakuba abba kiänibenna Adaijahü adiakoana Stuhl adiaku namükanna, dakudukuttate kiahanna wan-nakannirugkumün badja i;

18. Namorraa jahakebe adinamuttikunnu ihittarran i,

mabamuttu kurru rubu nadiassia lüjalugku dawaja dikisidunnua damonnuan erabuddigki.

19. Ahadakuttun rubu na lukunnamün, adian diarru lüjalugku, dissia kurru Gott äme assikahü ukunnaria, ikka hidda ba ahuduttikubali Jesus ukunnamün, kakunnamünkil Paulus adiaka baha kaküka hidda ba i. mo rubu na lüjalugku.

20. Madittinnikebe danika, hallika dama tamün, dadiaka Paulus umün hiddin : bakunna hittikuma Jerusalem muniru, jumünnike nanibia ahadakuttun bukunnamün, imisidin diarru nadiassiakurru bülalugku ba ? ma.

21. Lumorrua luwâbadahittika loaja Kaiser adian lamün ubura, kiahanna üssare dikittakuttakuba jaha dimekudun Kaiser ibiti kewai ubura i. La—la din Agrippas umün.

22. Agrippas aonnabaka lumünni ba : dai dawaja dakannabama lihi lugkuhu adian. ma. Festus adiaka lumünni ba : Mauti rén bakannabupa i se. la.

23. Abba kia adigki Agrippas Bernice mutti nanibenna andin manswattu mamonaikahü lugku jumuniru, akudunnu ba ipiltikil Soldarunu adainassia uma, abbanu Stadt münti adainassiannu uma kukia adiakoanattu bahü mün, Festus assikissia adiahü ullugkudi kuba Paulus adinamükittin nassibumün.

24. Ikka Festus adiaka : Koning Agrippa, humaquajahakoamutti wadilinu, haddikate i lihi, kakunnamünkil namaqua jahakinnana, Jerusalem kunnana Judunnu mutti uijuhu akujabaka de, assimakan badja, kakunnibiapa kurru sabbunni.

25. Damorrua mauttikin dan hammatalli aboattu lanissia lukunna, kakunnariattuma haikani, loaja lissikunnua hittin Kaiser issibumün, dan udumma, dimmekudupa libiti badja i, dakuburugkuamonnu.

26. Madittinnirubuda dannuhu, hallikakebe dama abul-

litin Kaiser ibiti lukunnamün, kia kei udumma dandikitta humükanna jahamuterui, keben bui koning Agrippa issi-bumünni, tumaqua udumma üssan dahadakuttunbenna lukunnamün, da uttikintin hammatalli abullitikü lamün.

27. Dimmekudunnika abba akkürrahüssia jumuniru madittikittin mahüa tabbu wakajäattu lanissia ba ukunnamün, ikka makuburugkuan ti dia ta gidiamuttu damün.

CAP XXVI.

AGRIPPA adiaika kiahanna Paulus umün: dikiahadda kurru bu, bussa, bahakalite bawa. La. Ikka Paulus aküllekaka lükkabbuwa, ladiaika hiddin lawa:

2. Manswakebé da hallikebbén, koning Agrippa, dahakanibu bussibumün tumaqua Judunnu adiassiakubaru daijalugku ukunnamün daburamün udumma.

3. Keben dadittin hinna, badittissia tumaqua Judunnu dissiatu ukunnamün, nahadakuttun namünnikoawa ukunnamünni ba. Kiahanna dakujaba bumün, mimihitté banti akannabün dadiän.

4. Namaqua Judunnu aditta hinna tumaqua danin daijahaddün ba delonin uwaria rén, Jerusalem umün kewai daijuhunnu ukuburugku ibikiddunnuakuba hüa de.

5. Ikka wakil uwaria adittitikubanu de ahakannika, üssahüabu nahakakuma bumün Phariseernu ibentinninde ukunnamün, dissiäniije tattaré nassikan Gott äme, dia dai kuba badja de—nama damün bumün.

6. Dannuhu jahakoade, allepeikattoahüssia de, dawâbadün kia Gott wakil assikahittissia wattinatti umün ubura.

7. Kibititu andahittikaje naha biamakuttihibennakunnu ügkörküatti Gott äme assikananika kassakkuda kassakkabbuhü rén ku; kia kewai dawâbadan udumma Judunnu ihittarranide koning Agrippa,

8. Hallika ta baha? makidduahejnika kiahanna humün Gott akünnekukuttunnua je ahuduttikubanu shudahü ullugkuwaria ba?

9. Wakil dai badja ikissidoakuba ballin damonnua, danissiabiapa manswattu karritu Jesus Nazarethkundi iri tüjalugku ukunnamün.

10. Kia ké danissiakuba dai badja Jerusalem (mün; dabbukünbenna ipillibetti Priesternu uria ütattahü ukunna, dassikakuba Siba ullugkumünni je juhulli üssakebemutti ibennatti, dai dawaja adiassiakuba naijalugku, hai-kanibia je.

11. Tumaqua nahürküdakoana lugku daijulattünnikuba nansi juhuhukün, damassikandikittin Gott adiahü ämeje, nimitanti tüjalugku; aijaunditti dia da kuba naijalugku ba, kaimahü abbu awahüddün nibiti tahawai abbawariätti Stadtnu ullugkumuniru rén.

12. Ipillikumutti Priesternu adian ullugkudi, nassikis-siaru ütattahü damün abbu ba, dakunnukulle Damascus muniru, gidiamuttu kewai ibiti,

13. Daddika, koning! haddalli wamün manika, abba aruleti haddalli aditu kallimén, kassakuwaria akündün dai damatti ku ikiraddi waburugku lugku.

14. Wamaquatti wai wanibenna attikidin wunapuddi, dakannaba abba adiahü ahakatu hebräika adian ullugku damün hiddin: Saul, Saul, hamma bia kaimahü abbu awahüddün dibiti bu? manswakebépa bumün küddün, butaftadunnua darabuddigki. mā.

15. Dahakaka ba: hallikai baha bui, Adaijahu? da. Loonnabaka dadianiwa: Jesus kewai dai, kibititi kaimahü abbu bawahüddabute.

16. Bakünnekoate, adinamün ké buppa (bukuttiwa), tuhu daraijattunnua abbu dassimakabute ba bu, dassanti bia bu, ahakati kewai bia ma bui ku tumaqua baddikissi-

äbiru ukunnamün, kia wahadja wai darajattikittissiaparu bumün ukunnamünniba.

17. Dapussidüpa naha lugkunnu uria, Heidinu uria badja bu, kibititti dimmekudabute dannuhu kebé bu ;

18. Butulludanibian nakussiwa, adittikittin diarruje, nassipudanti wulirugkuhu uria aruleti ibitiwa, manswattu Jawahü ütattahü uria Namallitakoanti ibiti ba, kabbu-künnikébénama kia ahaikassiakoanawa namassikan uria namonnuan, düüssadüssiannu ukuburugkumuntu kiddu-aheintu üssattu ba, nawaja nanibian, nassikan dāme udumma muttu.

19. Kiahanna damassikandoa kurru kassakkuwariattu araijattoakurru umün, koning Agrippa ;

20. Damorrua dadittikittakuba bānjaje Damascus kunnana umün, Jerusalemkunnana mutti umün, Judaea uhurrura ukunnamān ba Heidinu umün badja, mammal-lihü ukuburugku abbu nanibia assipuddan Namallitakoanti ibiti namassikan uria, anin Gott umariattu ba ukunnamün.

21. Tikin udumma Judunnu abbukuttakuba kerki lugkumunnide, napurrahittika badja de.

22. Kibia Gott aburuwattünde udumma dannuhu jaha-koade, ahakati hinna de ipillibetti Adajjahünnu umün, bassabanikebemutti umün badja, tikin Prophetenu Moses mutti adiassiakubaru tukuda anihüssiabiapakurru ukunnamün wakil tubaramün ullugkudikade dai badja ;

23. Hallikakebe lanibiapa Christus amonai kadunnua, karrin ba, atteninnuwaria akünnekunnua ahudahü ullugkuwaria badja, aruleti dia lānti akündün, amaijanattoan, lugkunnu, Heidinu mutti umün. Mo rubu la Paulus.

24. Gidialumükille adian lawa, kakannakükuka Festus ahakan : aijauditti a bui Paulus ; manswattu kakuburugkuahü udumma gidia kebé baha bui. **Ma.**

25. Paulus aonnabaka : aijauditti a kurru dai, katauti-wabu Festus ; kidduaheintu kakuburugkuattu adiahü ahakarubu húa de.

26. Koning adittissia hinna tumaqua, dan udumma mammarrunnihúa dahakabi lumünnin, aijakattoahü lugku turraha tumaqua manihüssiahüan, kiahanna mammallikebeka madittinnimanin lui, kidduaheinikebe damün damonnuan.

27. Bui koning Agrippa, mahittika Prophetenu abullitissia umün baha ? Kidduahein bahittika namün bullua ullugku, dadittissia hinna daise. La.

28. Agrippa aonnabaka Paulus adian : buttikidama kebén baha de, Christianus bia de badja. Ma.

29. Paulus adiaka hidda ba : hallikebbekudama, Gott assikinnika bumün, bui rubuün kurru ballin, namaqua akannabuttibi dadian badja, dai dia kebe nanti, makürrahü koa danika. La Paulus.

30. Gidia lanibenna adian, koning Agrippa akünnekoa, Gouverneur badja, Bernice ba, namaqua jumünti abaltin mutti.

31. Nakunnunnibenna abbamuniru, nadiaka namünnikoawa hiddiaman : lihi wadili mani rubu la hammatalli, kakunnariattuma akkürrahün, haikan ba i. Na namünnikoawa.

32. Agrippa adiaka Festus umün ba : makunnunhittinikubamai Kaiser umamuniru, apussidahünnika lui, üssama. La koning Agrippa Paulus ukunnamün.

CAP. XXVII.

GIDEA tanibenna ikissidahün, weweledunnua manibia Italia muniru ukunnamün, nassikai Paulus abbanu akkürrahüssiannu uma Capitain—liri Julius—umün,

2. Kaiser füsoldarunu ujuhu ibennatti kewai lui. Aikin-wanibenna Adramijtenkundu meju ullukku, weweledunnuanti Asia üllebumaria, waussa juwaria hidda: Aristarchus Thessalonica wariätti, Macedoniakundikil ba akuña baddia wama.

3. Abba kiänibenna wanda Sidon mün hidda. Julius biakikakuba Paulus umün, lakunnukutta jumunti luijuhunnu ibiti baddia i, lütattadünti lansiwa namün.

4. Juwaria wanibenna akujunnua, weweladoa Cýprus maria awadulli warabuddikkinin uduña.

5. Wäkunnakunnadünbenna Cilicia ukunnattu, Pamphilia ukunnattu bara ba ubandi, wanda Lycia ubannattu Stadt—tiri Myra—mün hidda.

6. Capitain auttikin lanika jumünniké abba Alexandria-kundu meju akunnussiabiattu Italiamuniru, luikittaka kia ullukkumünniu.

7. Mawabudikebén wanibenna eweladunnua juhurru kassakkabbuhü báradi, andin Cnidus ibiti ba, awadulli tahamutén warabuddikki, wän uduña akuña Creta tahamaria, Salmone oallaboamaria.

8. Wapaküttanibennakan tádi, wai anda tukkuda Stadt Lasea ibitittu Gutfurth—üssakebé adelledoahü—maru lukku adian ullukku.

9. Juhurru kassakkabbuhü wanibenna arradün, Judunnu Festdaka aballin baddia, ikkatukubá bara kaiman, aboákan akunnun tubandi ba, lán uduña Paulus aijumudákaje ladiäka namün:

10. Wadilinu, wakunnunnika dannuhu baradi, ika kat-tikahanikubama bahán wánnakarra, meju ba, kañ wáwaja wakakü kebén baddia, kia daditta damonnua hiddan. mo rubu la Paulus.

11. Lumorrua Capitain assikaka meju Adainassia, abukuduttikil mutti äme Paulus adiassiabiru ádin.

12. Jumuntu amudäkillehü müüssa tanika mimifika ukunnamâ nin meju abbu, najuhu umün üssa ti dia ta kubá akujunnua juwaria, andinnikoananti Phenix muniru, majauqua nanibia jumün mimilika ukunnamân, üssakebétu amudäkillehü hinnan kia Creta ubannattu Phenix kewai.

13. Awadulli üssa tanika—meherapate jumün bahá u—nân uduña aussa juwaria hidda nu, neweladoa Creta ibiti kebé ;

14. Tumorrúa oákurru Seribokkilliu—Euroclydon—nasia umün, aussa narabuddikki.

15. Waméju abulledahün manika tabbu, mammallikebéka u eweladunnua awadulli erabuddikki, wattündupa ne—wa wamonnua hidda, amalladünnirubuwa.

16. Gidia wamükille andin abba kairi—tiri Clauda—üjaboamün hidda, mansuattu kemekebbuhü abbu wabukutta bootu.

17. Namudükittin bennan bootu meju adiakumün, tumaquebé nadittissia nanika ballin, tau abbu nattimetta meju ahabu ukunna: muttuku adia ku nahattadoama, nân uduña addükkudun Wela, wamallada gidin baradi.

18. Kaimattu awadulli, mansuattu sibassibaru ba uduña meju alammalañadün tanika, nabulleda abba kiänibenna meju ullukkuaria tannakarra ukunnattu bara irakkumün.

19. Tekabbuintedunnua wáwaja wakkabbuwa abbu wabulleheda meju ullukkuaria talinua.

20. Juhurru kassakkabbuhü ukunnamân haddalli wijua ku máraijakebé manika, awadulli bara mutti mansuaku tanika kaiman koan, watekahapa wamaqua ne—wa wamonnua hiddan.

21. Kebennakt nanibenna mábujunnua, Paulus akünnekoa nannakannirukkuwaria, ladiäka hiddin: Wadilinu, kissikanika wakill dadian äme, makujunnua hanika tulluk-

kudi Creta waria ba, üssattuma ballin, ika mautturikinni-kubámau tuhu diamaru manswattu kamonaikahü jaha.

22. Kañ dannuhu daijumudabute hü, hütattadoali hansywa, hallikai kurru webennatti haikapa, amassunnua diarru meju uria.

23. Tuhukebé kassakkuda ukufia adinama abbalüwai Wamallitakoanti Engel damün, lüssanti kewai dai, lui äme dassikäka dai baddia.

24. Lihi Engel adiäka damün: mammarunré bupa Paulus, adinamukittunnua kebemappa Kaiser issibumün-nibu; badittoali, Gott ké assikakubá namaqua bumatti meju ullukkumün bumün, (haikama kurru je)—ma Engel damün.

25. Hahaikadate kiahanna hukuburukkuwa, Wadilinu! tumaqua Gott ahakakuttussia de ullukkudipan anihün baddia, kia ké kidduaheinika damün.

26. Kihia wabulledahüpan abba kairi amün. la Paulus.

27. Tuhu bára—tiri adriatica—ubandi jahamaria tahamaria wanibenna aijuladdunnua bibitikuttihibenna wulika-hü umán, tannaküddü rén Matrosenu—Meju alininu—ikissidoa wandinnikubama hurrurumünirü sabbun.

28. Nikissidinbenna tuttullá, attubaddün bálá bara irak-kumün abbu, abba lukku fadem Adinamahü uma ta abba fadem tullakubán: humünnikan juwaria nakunnunbenna nikissidaka ba, ika abbamaria kuttihibenna fadem tullán.

29. Muttuku, Siba küssa adiäku nahattadoama, nán udufia attubaddan bibiti Anker meju uinaria, jurahü 'lukku ansi haddalli aputtikidin ibiti.

30. Matrosenu attukudukuttun nanikan boot meju adiakuwaria—tissirukkuwaria wattubaddüpan Anker—na mullikahü abbu, nattüddahittin tullukku nauria hinna;

31. Lān uduma Paulus adiāka Capitain umūn, Soldarunu umūn baddia: majauqua na paruka naha kurru meju ullukku, mañallikebépa hū mamassunnua—ma.

32. Nikebén Soldarunu assukā boot ukunnattu tau, nat-tikidikittin barā irakkumūnnīn.

33. Wullissebbeju tanika, Paulus aijumudākaje namaqua nabujunnuānti, adiā lanika hiddin: bibitikuttihiben-nali kassakkabbuhū dannuhu hinnan awābaddūn wanika mākini mahūa, mabujunnuakebé hinna u.

34. Kiahanna dabute humūn: ūssahuabupa hukuttun, atattadunnua hansīwa, ūssakū hānti; abbākan kurru u-barra attikidipa hissi adiakuwaria—ma.

35. Gidia lanibenna adiān, annikin Mehli ba, ūssanūwai la namaqua umūkanna Gott umūn, lūkarridābūn bennan, luussa akuttun tabbu.

36. Namaqua nanibenna ahaikadūn nakuburukkuwa, nabuja baddian.

37. Meju ullukkumūnti uijuhu biama hondert kabbuin lukku biamattiman kuttihibenna tupakūttān kubā wabbukoawa.

38. Hurrussūn benna je, nabulleda meju ullukkuwarian aīkaru mehli iwi barā irakkumūn, makūddūn tanti udūma.

39. Harrunnaha tanika, madittinnirubu na naburamūn, karaijaru uhurrura, kañ taddebu tüllebu abbu ba araijatoa namūn, kibitittu nakunnukuttahittikan meju.

40. Tumaqua Anker nanibenna aijurukun, addūkkudun ipirrubettu Riem ba, naijuladdoa baradi, kiānibenna naijurukan abba Wela, nakunna tüllebumaria.

41. Gidia andin wanika mansuattu barā ukuburukku, meju aijukoan, tissiri hatta kebé hiddan, mañallikebéka tuijuladdūkū, tuina akarridahūkan mansuattu Sibassībaru abbu.

42. Soldarunu ahakanibenna nabbukoawa—waparrüpaje akkürrahüssiannu, máttüddünkebénánti nattimün abbu—na nabbukoawa ballín.

43. Lumorrúa Capitain ikittahittikai Paulus, kiahanna luúbukutta gidiamuttu nanihittissia uria je Soldarunu, ladiáka namün: üssakümutti, attimün huttükudate bara irrakkumün bânja, attimün tüllebmunirú naburamün, abbanu howahüddate planka adiáku,

44. Awallassarú meju ukunnattu adda adiáku diarrú handinti nainabbu jumunirú ba—la namün. Gidia namaqua kebe üssa ré anda hurrurumün hidda.

CAP XXVIII.

BARA irragkumün attikahan uria nanibenna attiddün hurrurumünirú, kia kairi Melite man—na adittissia hidda.

2. Ní rubu kurru üsseikakuba biakikan diarrúje jumünkunnana pallettiju wamün. Ipirrutu hikkihü namallitin benna, nakuddukutta nassiqua ullugkumünirú wamaqua-kebe nanswattu wuin udumma, mimili udumma ba.

3. Paulus ahurrudukuttun benna ihimewa, assikin hikkihü aku badjan, abba karritu wuri anda takulugkuwaria Paulus ükkabbu ukunna.

4. Pallettiju addikin manikan wuri juhuakoatanika lükkabbu ukunna, nadiaka namünnikoawa hiddiaman: kapparkati lihi né, bara attikahanika kurru ballini, kihia lanissia baha ukunnaria mammallikebbépa kakünnissabbünni. na Paulus ukunnamün.

5. Kan Paulus attullebeda lükkabbu uria hikkihü aku-lugkumünnin wuri manimahüan.

6. Manswakebepai ahakunnua, abbákarén luúbunnua ahakubün, na awábadakoaré; gidia namü kille awábadün

kebennakun, addikin badja i makarri hinna lanika,—umalitakoanti lihi bahá né—na hidda ba nakuburugkuamonua lamün.

7. Mawaikillen jaharian kairi adainassia—liri Publius kamünnikan abba Plantasi, lihi annika lumonnua u, hallikebbehü abbu ladumkitta lüssiquamün badja u kabbuin-nihü ré.

8. Ikka ke ahudahüssia i Publius itti, kulé—uttü—assurredün udumma dorroakoala lugkurra 'lugku: Lihi amün Paulus akudoa, akujabuan lanibenna lukunnamün, lui assika lükkabbu lissi adiaaku, lüüssada lügkarri uria badja i.

9. Gidia tanibenna anihün abbanu karriti kia kairi uban-naria anda lamünniba, nüüssadükittoa nakarrin uria badja.

10. Adaijahünnu umün dia nanibenna wäme assikan, adaijahükittunnua diarru, nassika juhurru abujoahü wad-dikoa wamün, waburugku aliniwa.

11. Kabbuin katti adigki waussa jaharia abba mimilika ukunnamán tuhu kairi münnikubaru Alexandriakundu meju ullugku, Castor Pollux mutti—nassia umün.

12. Syracussa mün wanibenna andin, kabbuinhi jümünniwakoa u.

13. Juwaria eweledunnua wanika tüllebumaria, wanda Rhegium mün hidda, abba kianibenna awadulli a ussa wallebuwaria, kiahanna wanda tibiamattedunnua Puteoli mün.

14. Jümünnike wauttikaje Wahukijutti—Gott kansissi-annu kewai, nai akujabaka u, biamattimannihü wanti adumkin namün: kianibenna wakunna Roma muniru hidda.

15. Jümünkunnana Wahukijutti umün kamaijananiben-na wandinnin, nanda warabuddigki Appii forum mün,

Tres tabernas muniru má—nannekanti wama. Paulus addikin manikaje, üssanüwai la Gott umün, lütattadoabu lansiwa ba.

16. Romamün andin wanibenna, Capitain assikaje akkürrahussiannu Fort amünti Soldarunu adainassia umün: kan Paulus nadumkitta loaja likissitu abbaliwai Soldaru ikittati bia i uma ré.

17. Kabbuin kassakkabbuhü kia adigki Paulus ahürküdakuttaje Judunnu adainassiannu. Gidia nanibenna ahürküdün, Paulus adiaka namün hiddiaman: Wadilinu Dabukeinutti mutti!—manimahüa hammatalli aboattu wakürküätti umün, dissiänije waburatti üjalugku küssa assikahüssiätti de dai Jerusalemkunnana umün Romakunnana ükkabburugkumün.

18. Naha üssa huabünni benna ahadakuttun tumaqua ukunnamünnide, abbakan kurru danissia nauttikin dakunna; kakunnariattuma haikanide, nan udumma apussidahittikaba de.

19. Namorrua Judunnu adia nanika manswakebé terabuddigki, dai mammallika hallika män, dandikitto Kaiser ibiti de, dallepeikattoanti, dakürküa üjalugku udumma kurru ballin, kia män dappa.

20. Tudumma ré dahürküdakuttabute dibitiwahtü, dadikinnibiahü, adian humünnikoawa ba: tukuda Israelinu awábadahü udumma, kallena abbu akkürrahüssia hinna de. mo rubu la Paulus namün.

21. Naonnabaka lädián: abba kurru bukunnamüntu karta anda Judea waria wamün buburamün, dia na juwaria addikatikubanu jaha mamaijanatto kebé ka hammatalli aboattu banissia wamün, ahakan diarru ba u.

22. Wamorrua wakannabupa badiassiabiattu wamün ukunnamün: Nazarenu üjalugku adiahüpa ballin tuma-

quadikebé, kia ke waditta hinna bumattikunnu ukunnamün. Na.

23. Nawaja lumün assikissia ikissihü ullugkudi, juhullikebé anda lussiquamün, nai umün Paulus ahakahakada—amaijanattoan—Gott adaijahükoana ukunnamün, luussa Moses üstatuta diamaru adiahü ullugkudi, Prophetenu ükartaniwa ubannaria badja adittikittin namünni Jesus, assikakuttun lämeje mauttika uwaria ma bakküllama muniru rén.

24. Abbanu nebenna assikaka hidda ladiassiabiru äme, kan abbanu manirubu na.

25. Mammallikebé manika hürkükü nakuburugku, nakujoa naurekoawa Paulus adiani benna hiddia muttu adiahü: Kidduahein üssatti üjahü ahakakutta kuba Prophet Esaias umün wattinutti umün hiddin:

26. Bakunte nai lugkunnu ibiti, bahakate: hukkujugkuwa abbu akannabupa ballinnihü, kihia mabbukuttunkebepa humonnuan: hakussiwa abbu haddikipa ballin, tumorra palle ti dia tuppa humünnin, madittipan.

27. Tuhu ükürküahü ullua manswakuta tattan, maika rubuna, nakkujugku aboáka hinnan, nattaka hüan nakussiwa, abba hüre manikebé bia addikin nakussiwa abbu, akannabün nakujugku abbu ba, annikin diarru nalluamonnuan, adittinnin, assipuddün aboattu uria dibitiwa, düüssadünti badja je.—Maru üssatti üjahü Prophet Esaias abbu namün. La Paulus.

28. Ikka aussünnüwai ba: tuhu Gott üwüsseikahü ukunnamüntu adiahü immekudahüssia Heidintü ibiti hid-danu, nakannabünti tukunnamün, hadittoali kiahanna Paulus.

29. Gidia lanibenna adian, Judunnu akujoa juwaria hidda, aimaimadünrubuna namünnekoawa.

30. Biama wijua rén jumünniwakoa la Paulus kia bahü

mün, platta üjauna abbu lannikakubaru kabbujälti uria lumonnuan, hallikebbehü abbu lui annika lumonnua baje 'addikati lamün.

31. Lahakahakada Gott adaijahükoana ukunnamünnije, amallikuttan Adaijalfü Jesus Christus ukunnaje mam-marrunnihüa, namaqua umükanna ba.

